


# MISHINDU YISATU YA

## BEENA KWITABUUJA

 Twinyikaayi mitu yetu. Ne mitu yetu minyika, ne myoyi yetu, ndi ndikonka ne mbanganyi badi baswe bwà bāvavulùkè mu disambila, swaku wèlè ànu cyanza cyèbè muulu, wamba ne: “Mukalenge, wamvulukakù, Éyi Mukalenge.” Kùdi malombà àbùngi kaaba aka, mishwalà mitèeka pa cyambilu.

<sup>2</sup> Taatù wa mu Dyulu munanga, nyewù tudi badisangishe cyakàbìdì dilòlò edi mwinshì mwà musakà ewu, mŪkaadi mutwilàngànetwilàngàne neetù misangu ne misangu, ne muleejèlèje luse Lwèbè kutùdi; patùdi tuteeta mu yetu mishindù mipwekèle apa bwà kumvwija dinanga dyètù ne disàkidila dyètù kŪdì, bwà byŪdì mutwènzèle. Nènku dilòlò edi nyewù tulwa cyakàbìdì, Mukalenge, bu cisambà cìdì mu lukèngelu, bwalu tudi Neebè dijinga dībà dyònsò. Nènku bu mutùcìdì pa buloba apa, tudi bamanyè ne aci ki cìikalè lubilà lwètù, bwalu tudi mu mvità. Nènku tudi. . . Mvità mminunkè, ne Wèwè wàkalaya ne kwamba mùvwà mwena lukunà mwà kwikala bu ntambwe udi ukungula. Mmulekèlèdiibwe munkaci mwà bantu, ne tudi mwà kumumòna myaba yònsò, bu ntambwe udi ukungula munkaci mwà kudyà cidiye mwà kudyà, bwalu mmumanyè ne cikondo cyèndè ncipi. Kàdi tudi ne—tudi ne—ne Taatù udi ucyùka bānà Bèndè bakesè, ne kùdi Wèwè nkutùdi tunyeemena ne malombà ètù, dilòlò edi, Mukalenge. Tudi tulòmba bwà Waàfilakù.

<sup>3</sup> Ne mishwalà yidi myadija kaaba aka eyi, Taatù, yidi yumvwija ne kùdi babèèdì mwaba kampānda mu ditunga, badi munkaci mwà dikubiikila ne biikale Neebè dijinga, ne bāKwitabuuja, bāleeja diitabuuja dyābò mwab’ewu mu kutùma kwà mishwalà eyi. Nzambì, enzàku bwà yònsò wà kùdìbo òndopiibwè.

<sup>4</sup> Twamònu bukolè Bwèbè bunène abu, Mukalenge, kwenji ànu katancì kakesè mu cibambalu mwāmwa, bupingajila nsongālùmè uvwa mujimìne awu civulukilu cipwàngàne. Tudi tumòna bukolè Bwèbè bunène, ku cikondo ne ku cikondo, bùumusha mabèèdì ne būsokolola munsokòntù wà mu mwoyi, ne bùleeja bantu, ne bùbàtèeka buludì mu bulongàme. Tudi tuKwela twasàkidila, Mukalenge Nzambì, bwalu aci cidi cipicila muntu kanà yònsò ewu. Aci ncipite cyònsò cidi nī nganyì nī nganyì wa kutùdi mufwānyìne kumanya, mùshindù mwinè wŪdì mwà kusokolola ciledi ciinè cyà bwalu, ne cidi cicyenzè, ne mùshindù wùdici. Awu ng’Wèwè, Taatù. Ne tudi bamanyè, ne:

“Dìyì dítu dīkenketa mwoyi, ne dítu Dijinguludi dyà meeji ne mapàngadika à mu mwoyi,” pa nàнку tudi tuKwela twasàkidila bwà cyòci eci.

<sup>5</sup> Nèнку mpindyewu, Mukalenge, tudi twitabuujà ne bantu mpindyewu, ne mitù yàbò miinyika, bàdi munkaci mwà kwelangana meeji pa biinè bintu ebi, ne Nyumà Mwímpè ngudi munkaci mwà kwakula naabò awu. Nèнку enzàku bwà dyònsò dyà ku malòmba àbò dyàndamunyiibwè. Sùngilakù bàdi mwà kusùngidiibwa, Mukalenge, dilòòlò edi. Bàdi bajìmine abu, swàku bwà bàbwelè ne bàsungidiibwè.

<sup>6</sup> Tudi ne kusàkidila kwàbùngì pa kumòna mùshiki munène, mwalàbàle wà bilàmbà bibolè ne màyi mwaba wàwa, bamanyè bimpè ne lukitá ndukàngùdiibwe; ne mpèkaatù wa muntu wa kale awu wàjiikìbù, bwà bààbùngì bàà kùdìbo. Nèнку ndi nKusàkidila bwà cyòci aci, Taatù. Nèнку swàku bwà bèndè mu bupyabùpyà bwà Mwoyi, matùkù àbò ónsò a mwoyi. Mu Dìna dyà Yesù Kilistò, mmutùdi tulòmba nùнку. Amen.

<sup>7</sup> Mukalenge ànùbènèshè, ènzèku ne dilòmba dinùvwà naadi pa mwoyi wènu adi dyàndamunyiibwè.

<sup>8</sup> Mpindyewu, ngeela meeji ne Billy ùvwa mwambè ne Mwanèètù Wheeler ùvwa ne mwànà mukesè wa mu dibòko. Mmùvwàbi anyi? Anyi mvwa mutùpàkàne mwaba awu, wa kulàmbula, anyi cintu kampànda, anyi dilàmbula? [Mwanèètù Neville ùdi wàmba ne: “Ngeela meeji ne muvwa bânà bàà mu mabòkò bàsàtù anyi bànaayi.”—Muf.] Èyo. Nwènu baswèku bwa kulwa naabò kumpàla eku mpindyewu, tudi bafwànyine kwikala ne disàнка; bu bakùlù mwà kulwakù kumpàla eku, bwà bàtentekelè bânà bakesè aba byanza, bwà mudimu wà dibàlambula. Nèнку netùteetè bwà kwikala ànu cikòsò. Nèнку tudi baswè bwà bânà bakesè, bàdi baswè kulwa kùdi Mukalenge Yesù aba, bàdi baswè kulwa ne byàbò—byàbò bilèngà bikesè bìdi Nzambi mubàpèeshe abu. Tutu misangu yònsò ànu tuteeta bwà kubàpengela njila, bwalu katwèna bamanyè cidi màalabà mulamè to.

<sup>9</sup> Maamù wanyì ùvwa ne ciibidilu cyà kungambila ne: “Kulààdikiji, bwà màalaba, cidi mwà kwenjiibwa leelù to.” Aci ncyà bushùwà, bwalu kwèna mumanyè cidi màalaba mulamè to, kàdi tudi bamanyè Udi mulamè màalaba. Ki cyà musinga ncyòci aci. Tudi bamanyè Udi mulamè màalaba.

<sup>10</sup> Mwanèètù wa balùme Wheeler, Mukalenge Nzambi àkubènèshè. Ne ewu m’Mwanèètù wa bakàji Wheeler. Ncyà bushùwà ne ndi ne disàнка dyà kutwilanganakù neebè. Nèнку ndi. . .ndyànyì dyèsè dinène, musangu wà kumpàla, ngeela meeji, bwà ku dyànyì dimanya, dyà kutwilanganakù neebè. Nèнку ewu mmwanèèbè wa mu dibòko. Dyèndè nganyì? [Mwanèètù wa bakàji Wheeler ùdi wàmba ne: “Carlana Rebecca.”—Muf.] Carlana Rebecca. Èè, mwànà mukesè wa

bakàjì mulenga kaayi's wè, mulenga ne mwèndè msónsò. Mpindyewu, Carlana Rebecca Wheeler mwànà.

<sup>11</sup> Mwanèètù Wheeler ngumwe wa ku balami bèètù mu èkèleeziyà emu, nènku Nzambi mmubènèshe disangila dyàbò, bwà mwànà mukesè ewu. Ndi ngeela meeji ne nwènu, ndi mumanyè ne, nudi ne bânà bàà bakàjì bakwàbò, bu bàbìdì nànkù, kí mmwòmò anyi? [Mwanèètù Wheeler ùdi wàmba ne: “Basàtù.”—Muf.] Bânà bàà bakàjì bakwàbò basàtù. Mbainábànzá balenga, mmùndì ngumwva, pa nànkù ndi ndòmba bwà Nzambi àvwijèku Rebecca ànu mùdì bakwàbò abu. Nwamònu anyi? Nènku díbà adì aci necìkalè disànkishiibwa bwènu bònso, kí mmwòmò anyi? Ncyà bushùwà's, bwalu mbànà bàà kalolo kàà menemene.

<sup>12</sup> Ncyèna mumanyè ní witaba bwà mmwambùlèku anyi to, kàdi, yèyè kàyi muswè to, netùmutentèkelè ànu byanza. Udikù mwà kuswà bwà kuseemena kùndì eku anyi, Rebecca? Udi muswè bwà mèmè nkwebùlèku anyi? Abi's mbilenga be. Mwànà mukesè wa bakàjì mulenga kaayipu's wè!

Mpindyewu twìnyikààyì mitù yètù.

<sup>13</sup> Taatù wa mu Dyulu wa ngàsà, patùdì biimàne mwaba ewu kumpàla kwà mulami ewu, dilòòlò edì apa; ne bulelèlè mmudimu mulenga wùdiye ùkwàta, bwalu mulami ùdi ne cyà kusanganyiibwa kàyi kadiwù nànsha, mulùme wa mukàjì umwe, ukòntonona dìkù dyèndè bìmpè. Bwalu, yèyè kàyi mumanyè mwà kukòntonona dìkù dyèndè to, mmunyi mùdiye mwà kukòntonona nzùbu wa Nzambi? Nènku tudi tuKusàkidila mùdì mwanèètù ewu mukùmbàje ngiikàdilù milòmba eyi, ne tudi tusangana munda mwèndè Nyumà wa Nzambi.

<sup>14</sup> Nènku nyewù mpindyewu ùlwa ne mwanèndè wa bakàjì mukesè ewu mwaba ewu, bwà kulàmbudiibwayè. Wèwè ngudi mumutèèke mu mabòko àbò bwà kumukoleshabò. Nzambi, ne mùshindù mwinè wutùdì ne kusàkidila's, mutùdì mwà kwamba ne, dijinga dyàbò ndyà ne yèyè ìkalakù bu bânà bààbò bakwàbò bàà bakàjì abu. Enzàku, Taatù, bwà bìikalè nànkù. Nènku swàku bwà mwànà ewu ìkalè ne mwoyi ne—ne ìkalè mudimu munène Bwèbè Wèwè, Taatù. Nènku mpindyewu, mu Dìnà dyà Yesù Kilistò, tudi tuKupèèsha mwànà wa mu dibòko ewu bwà nsòmbelu wa mudimu. Muvwijèku ne mubidi tumatuma, ne dikàndà; swàku bwà àlaalè àboobokè, too ne pààlwà Yesù, bu byòbì mwà kwenzeka. Nènku díbà adì, Taatù, tudi twitabuuja ne neàkoleshiibwè mu mibelu yà Kilistò. Nènku tudi tuKupèèsha mwoyi wèndè, bwà nsòmbelu wa mudimu. Amen.

<sup>15</sup> Nzambi àkubènèshè, Rebecca. Ne Nzambi ànùbènèshè, Mwanèètù wa balùme Wheeler ne Mwanèètù wa bakàjì Wheeler. Mukalenge ìkalè neenù.

<sup>16</sup> Wetwàwu! Mpindyewu mwànà wa bakàjì mukwàbò mukesè nyèyè ewu ne mimwemwe yàbùngì kwìsù. Nènku dyèndè nganyi?

[Maamù ùdi wàmba ne: “Rhonda Renee Coats.”—Muf.] Rhonda Renee Coats, mmwômwé? Nudi bulongo ne Jesse ne bakwàbò abu, Jesse Coats anyi? [“To.”] Mvwa ànu ndyàmbedila... Mvwakù mumanyè bàmwè bàà ku ba-Coats mu cimenga emu. Mvwa mubàmanyè bîmpè menemene, ne mba—mbalundà bàanyi kùkaadi—kùkaadi ntàntà mule.

<sup>17</sup> Rhonda, Rhonda Renee. Ndi ndikonka ní udikù mwà kuseemena kùndì eku, Rhonda? Nè—nênkwalùjè buludì kùdì mamwèbè, patùdì ànu ne twákufidi kùdì Mukalenge Yesù. Mpindyewu, s’mulenga’s!

Mpindyewu twìnyikààyaaku mitù yètù.

<sup>18</sup> Taatù wa mu Dyulu, pàtudì biimàne pàmwè dilòlò edi, mukùlù Webè ne mèmè, mu dipetangana ne mu cimùkù mu Èvànjeeliyò apa, maamù ewu nyewù ùKutwàdila Rhonda Renee mukesè ewu bwà dilàmbùdiibwa. Wèwè ngudi mumutèèke mu mabòkò èndè, bwà dimukùba, nènku cintu cyà kumpàla cidìyekù mwà kwenza nkumwaluja Kùdì. Bu mwàkambà Yobò wa kale awu ne, Mukalenge ngudi ufila bintu ebi. Nènku tudi tulòmba, Nzambì, bwà Wàmulamakù mu dikùbiibwa too ne dîbà dyàkèngelàbi bwà Ùmwangàtè. Nènku, Nzambì, enzàku bwà ìkalè ne nsòmbelu wa mwena Kilistò mulelèlà ne ìkalè cileejilu kùdì bakwàbò, pàdiye wènda ùkola apu. Bèneshakù dikù dyèndè, ne swàku bwà dilambudiibwè Kùdì, bwà mudimu mupàte patapata, ne myoyi milelèlà. Nènku mpindyewu, Nzambì, nyewù tuKupèèsha Rhonda Renee Coats mukesè ewu, mu Dìnà dyà Yesù Kilistò, bwà nsòmbelu wa mudimu. Amen.

Wa bupolè be! Nzambì àkubènèshè, mwanèètù wa bakàjì.

<sup>19</sup> Wetwàwu! [Mwanèètù wa bakàjì awu ùdi wàmba ne: “Robert Paul Schamel.”—Muf.] Robert Paul Shane? [“Schamel.”] Schamel.

<sup>20</sup> Èè, kàdi bu ne... Pèèbè’s ucidi ànu mwànà, ncyèna ngeela meeji ne udi mufwànyine kujuula makòkyanganyi pa bwalu abu to. Kùnsekiku nànkù to. Tàngilà kuneeku, pawikala ujinga cintu kampànda cyà kuseka. Robert Paul, dìnà bulenga kaayipu’s wè!

Twìnyikààyi mitù yètù.

<sup>21</sup> Nzambì, pàdi nsongààkàjì ewu ùlwa kaaba aka apa; bwètù twètù, yèyè, mmufwànyine kwikala ànu mwànà. Kàdi ùdi ùfila mwanèndè mukesè ewu balùme ewu, Èyi Nzambì, bu nsòmbelu wa mudimu Kùdì. Mmamuma ne bipeta byà disangila dyàbò. Ndi ndòmba, Nzambì, pàdi mukùlù Webè ne mèmè batentèkèle mwànà mukesè ewu byanza, bwà nsòmbelu wèndè àlambudiibwè Kùdì. Enzàku, Mukalenge, piikalàbi ne màalabà ùdikù, swàku bwà yèyè kwambula Mukenji wùdi baledi bèndè—bèndè munkacì mwà kutèeleja ewu, Nzambì. Enzàku nànkù. Ne ndi ndòmba bwà Wabèneshakù mèkù àbò, ne mwànà ewu àkoleshiibwèku mu mibelu yà Nzambì, ne wikalakù mu—muyiidi

Wèbè wa dinanga. Tudi tuKupèeshayè mu Dîna dyà Yesù Kilistò. Amen.

<sup>22</sup> Èè, yèyè—yèyè ùdi ànu mwânà wa balùme wa maalu mîmpè. Kwàjikì. Eyowà's, mukalenge. Kwênàku mufwànyine kulòmba cintu citàmbe kwikala cyà kalolo to, mmwòmò anyi? Kakwênàku cintu nànsha cìmwè pa buloba apa cìdi cifwànyine citàmbe kwikala cyà kalolo to, ncyà bushùwà, cipite kakwàcikwètù aku. Ànu mimwemwe pa mimwemwe! Ki mbyà kalolo anyi?

<sup>23</sup> Ki musangu wùmwèpelè wùtùku mukàjyanyi wàlakana mudimu wànyì, mpândi ngambula bânà abu. Yèyè ùtu munangè kwikala kubàmbùla. Ntu muciswe pàanyì, kàdi ntu misangu yònsò ànu nciina ne nkwèpi kungàalwà kubàcibula. Bòbò bàtu, nudi bamanye's, balenga ne bákèngela ànu kubèja, kàdi, nudi bamanye's, mba—mbakolàkàne kupita cyònsò citùdiku bafwànyine kwikala aci.

<sup>24</sup> Mpindyewu, mvwa munwàmbile ne mvwa mwà kupàtuka . . . Èè, ndi ne tusuna ànu makùmi àsàtù ne tùtaanu cyanàana. Nebikèngelè bwà ndwijakajè, kí mmwòmò anyi? Twànjàayibi kumòna. Ncyè—ncyè—ncyèna ne meeji a—a kwangataa cintu kampànda bibì, anyì kwamba cintu kampànda bibì to, kàdi nènteetè ne mwànyì mwònsò, bwalu. . . Nudi bamanye's, paanyimà pàa twètù bamanè kwendela mu njila wa—wa cibeeba ntàntà mule, katwèna—katwèna ànu ne bukolè bwà mudimu bu kale wàwa to, nudi bamanye's. Kilomèetà misangu mikwàbò yìtu yilwa mikolè, ne masangisha àbìdi anyì àsàtù ku ditùkù, mòna's. . .

<sup>25</sup> Nènku cìdi cyènza citùpà cinène, mbikèèna—kumòna abi's. Kuyiisha kakùtu kuntàcisha mèmè to. Ekèlekèle, ndi mwà kwimana kaaba aka ditùkù dijimà, kabyèna bintàcishakù to, kàdi ndi . . . Kadi ànu bikèèna—kumòna abi, nènku pàdi bantu mu miyiiki yà bàbìdi eyi, ki cìdìbo ne cyà kwikala naaci. Nwamònu anyi? Ki cìdìbo balwìle kaaba aka ncyòci aci. Ncintu cìdi kaciyi mwà kwakajiiwà ànu ku ditentekelangana dyà byanza nkààyaadi to. Bìdi bikèngela kumanya muji, mbangilu waaci, cìdi cìcìlèlè, cìdi cìcyènzè, ne pashiishe cìdi cìkèngelà kwenza bwà kupàtukamù ncinyì. Ki cìdìbo balwìle kaaba aka ncyòci aci.

<sup>26</sup> Mpindyewu, disangisha didi dibanga, dyàbwàbwa dilòlò. . . anyì, to, nùmfwilèku luse, mmu diisàtù dilòlò, ku Shreveport, mu Louisiane. Nènku yònsò wa kunùdi udi ne balundà muntwaku, mòna's, àbàmbilè bwà balwe. Life Tabernacle, ngeela meeji, ki kudìci—kudìci cibangila, ànu byòbì byenze ne cipicile mu nzùbu wa dibalaasa, bòbò mwà kumwangata, cìdi cibàpèèsha ndambu mutambidile wa mwaba wà kusòmba. Kadi bàdi ne cisàsà cyà kuulu, ne cibambalu cyà cinène cyà panshì, ne pashiishe ne cibambalu cyà mwìnshì mwà cyòci aci. Pa nànkù, ncyèna mumanye nememene bùngì bùdìbo mwà kusòmbesha to, kàdi cìdi. . . Byòbì kabiyi bikumbàna,

pàmwāpa tudi mwà kupeta nzùbu wa dibalaasa dinsambu adi, diikala mwà. . . Ncyèna mumanye ne mbùngi kaayi bùdi mwà kupeta myaba yà kusòmba, nànsha nànkù. Ntu mwenzènze masangisha kuntwaku, kadi ncyèna mvùluka to. Ewu mpungilu wa—wa ku cidimu ku cidimu.

<sup>27</sup> Kukaadi bidimu bisatu bîmvwà nsanganyiibwa kuntwaku, ki twètù kubanga ditabuluja, mu Dìnà dyà Mukalenge, ne kaditukù dijikà to, kubangila ànu piine apu. Kacya ànu dyàtùngunuka ne kuya, kacya ànu dyàtùngunuka; ditùkù dyònsò, bantu babwela, basungidiibwa, babàtijiibwa, ne bàtùngunuka ne Mukalenge mùshindù awu, bambi ne bikwàbò byònsò biikale babwela. Nènku tudi ànu. . . Pàcidibi ànu bitùngùnuka nànkù, ne mèmè ànupù, ndi muswè kudikumbula misangu yònsò, nènku ngeelamù ànu ànyì mēyì makesè ne—tuya kumpàla.

<sup>28</sup> Mpindyewu, aci necìbangilè mu diisâtù, ne kujika mu dyalumingu. Didyà dyà mu dindà dyà Beena Kilistò baa Kantu-ku-byanza didi. . . Ncyèna. . . ngaapu mwoyi dìnà dyà cilaala-beenyi aci. . . Ngeela meeji ne cidi. . . cidibo babiikila ne. . . Bòbò, nebànwambilè panwàfika kuntwaku. Ndidyà dyà dindà dyà beena kantu-ku-byanza's.

<sup>29</sup> Tuvwa ne cikondo cyà dicyònkòmoka kuntwaku, bwènu nwènu beena kantu ku byanza mwab'ewu, musangu washàadi ewu kuntwaku. Mukalenge wàkasungila Laabi kampànda—kampànda, mu cimenga amu. Nènku, kaa, ncyèna mumanye byònsò bidi byenzeke to. Civwa ncikondo cyà dicyònkòmoka mu Mukalenge, kuntwaku, munkaci mwà kuyiisha pa Cipungidi cyà Mashi. Pa nànkù tudi. . . Ki cidi beena Yuda bamanye ncyòci aci; mmashi. “Kakuyi dyela dyà mashi pashì to, kakwèna dilekelediibwa to,” nudi numòna's.

<sup>30</sup> Mpindyewu tuyaayi buludi ku Diyì, nènku nèngènzè ne mwanyì mwònsò bwà kukumbaja diyì dyànyì kunùdi.

<sup>31</sup> Nènku mpindyewu, bu Mukalenge mwà kwanyisha mpindyewu, mu dyàlumingu paanyimà pàà Noël, panwikalà mu diikisha dyènu ne biikale nunyunguluka, kòkù kakuyi busenu ne bikwàbò to, mòna's, wèwè—wèwè pabwìpì apa ku mutumba eku, mòna's, ùlwakù. Nènku tudi ne kiipàcilà kaa kwenza disangisha kaaba aka mu dyàlumingu mu dindà, dyà—dyà—dyà dyàlumingu paanyimà pàà Noël. Mmu ditùkù kaayi dyà ngondo díbà adi? [Muntu kampànda ùdi wàmba ne: “Dyà makumi àbìdì ne citèèmà.”—Muf.] Dyà makumi àbìdì ne citèèmà, ditùkù dyà makumi àbìdì ne citèèmà, nènku adi ndyàlumingu dyà paanyimà pàà Noël, ditùkù dyà makumi àbìdì ne citèèmà. Mpindyewu, cintu kampànda cyòci cyenzeke citùdi, cintu kampànda, katwena, cyà katùyi mwà kwikala apa. . . Katwèna bamanyè matùkù àcilwalwà to, nudi bamanyè's. Kadi cintu cyòci cyenzeke, mòna's, nwènu bàdi basòmbele pambelu

pàà cimenga, bàdì bàlwà, bu mùdi bantu bàà mu Memphis mwàmwa . . .

<sup>32</sup> Mvwa njingaku kuumvwa Mwanèètù Ungren wimba *Wèwè Udi Munene's Wè*. Ne mèmè ncyèna . . . Yèyè ùdi kaaba aka dilòòò edi anyi?

<sup>33</sup> Nènku, pa nàнку, ne ntu misangu yònsò ànu ne bintu búngì cyanààná, nciyi mwà kubyèna byònsò abi to, ncyèna mwà kubyèna byònsò to. Nzambi ànùbènèshè, nwènù cisàmbà.

<sup>34</sup> Mpindyewu tubuululààyaaku mu Mifùndu mpindyewu bwà kubala ànu—ànu ndambu wa Mifùndu. Bwalu, piikalà mèyi ànyi apangila, Edi kadyàkupangilaku nànsha. Nènku díbà adi Nzambi neànùbènèshè bwà dishààla dyènù, ànu bwà diteeleja dyà Díyi Dyèndè. “Diitabuuja dìdi difuma ku dyumvwa, dyumvwa dyà Díyi dyà Nzambi.” Ncyà bushùwà anyi? Mpindyewu mùmvwà ngeela meeji. . . Panùdi, munkaci mwà kubuulula mu Yone Munsantu nshapità mwi6 apa, kubangila ku mvensa wa 60, nènku kubala too ne wa 71, mubadilaku. Yone Munsantu 6.60.

<sup>35</sup> Mpindyewu mvwa munkaci mwà kudyàmbidila ne, pàmvwa munkaci mwà kutangila pambelu ku dididiishi kukadi katanci, nènku mutàngile muaaya díbà kabwela ne kumòna mùdi bufuki bwònsò bwikale ne mukenji. Nènku pàdì cikondo cyà mashìka cilwa, mukenji awu, dyàkàmwe, ku bufùki, ùdi ùpwekesha màyi à mucì mu miji. Ùdi ùjiika.

<sup>36</sup> Bu mwàkamba Yobo ne: “Kaa, bu Wèwè mwà kunsokokaku mu lukita, bu Wèwè mwà kundamakù mu mwaba musokome too ne piikalàku ciiji Cyèbè cicolè.” Nènku mpindyewu, ki cyòci aci ne: “Bu Wèwè mwà kunsokokaku!” Nwamònu's, yèyè wakamòna bu—bufùki abu, mucì awu, mwoyi upweka mu miji; Mwanèètù Way. “Nènku ushààlamu too ne padì ciiji cipita, ne pashiishe kumbiikila ne kunkosela cikondo.” Nwamònu anyi?

<sup>37</sup> Bufùki's bùdi ne mukenji. Kùdi mukenji wà bufùki; kakwèna mùshindù nànsha mukèsè wà kuwùciinguluka to. Mmukenji wa bufùki. Ne pashiishe kùdi mukenji wà nyumà; kakwèna, pààku, mùshindù wa kuwùciinguluka to.

<sup>38</sup> Mvwa ngààkula ne babàka bàbìdì mu mapingaja emu, pa bwalu abu, kanwèna mwà kubutula kashidi cintu nànsha cimwè to. Bantu kabèèna mwà kubutula kashidi to. Bàdi mwà kusùnsula, kàdi kabèèna mwà kubutula to kashidi. Nènku munga muntu kwambayè ne: “Èè, kàdi anji amba tung bwà kwangata dibèji ne kudyòsha, aci cidì cidibùtula anyi?” To, mukalenge. Cidì civingutula ànu mishindà cyanààná, luuya lwà kapyà alu. Cidì cyàlukila buludì ku ma-gaz, ciwàci ku cibangidilu aci. Kwèna mwà kubutula kumana to. Nènku bu buloba ebu mwà kunèngà ndambù, ma-gaz àmwèàmwè awu, cyòci aci ne—ne mishindà yivwà mu dibèji adi ayi, bidì mwà

kwalukila kàbìdì ne kwikala dibeji cyàkàbìdì. Ncyà bushùwà. Kwèna mwà kubutula kumana to. Mmwômò.

<sup>39</sup> Nzambì, díbà adi. Kwòkò kwikàle dibìikà dyà ku lufù dyà bintu byònsò, byàlukila cyàkàbìdì, ne kakùyì dibùtudiibwa to, kùdì dibìikà dyà ku lufù dyà mwakanè, èyowà, nènku tudi ne cyà kwalukila. Ki cyònsò cidìku pa bwalu abu aci. Kakwènaku mùshindù mukwàbò wà dyenza nànsha umwe to. Nànsha bakwòsha bakushiya butù, nànsha wèwè mufwè mu mâyi, nànsha byenzèkele penyì, kabèèna mwà kubùtula kumana to.

<sup>40</sup> Vùlukàayi ànu ne katùpà ne katùpà kònsò kàà mubidi wèbè kavwa mwaba ewu, pavwa Nzambì mwambe ne buloba bwikaleku. KutèekaYè mubidi wèbè mwab'ewu ànu piine apu. Nènku kakwèna cintu nànsha cimwè cidì mwà kuwùmusha to ànu Nzambì. Byònsò abi mbyàlukile cyàkàbìdì mu byanza Byèndè. Nwamònu anyi? Ne Yèyè udi Ewu, Ewu ùvwa, Mufùki awu, ùvwa n'Yèyè Wàkenza mulayi awu, pa nànku tudi batwìshìibwe ne kùdì Mwoyi wa Cyendèlèlè. Ne tudi ne ditwìshìibwa munda mwà mwoyi wètù mpindyewu, bwà ne mpindyewu tudi ne Mwoyi wà Cyendèlèlè, Mwoyi wa Cyendèlèlè wùdì kawùyì mwà kufwà to, munda mwètù mpindyewu. Èyo.

<sup>41</sup> Yone Munsantu 6. Tubangilaayi mpindyewu ku nshapita mwi6 wa Yone Munsantu, tubangila ku mvensa wa 60.

*Ki bwà cinyì bààbúngì bàà ku bayìdì bèndè, pààkumvwabo, pààkumvwabo eci, kwambabò ne: Edi ndiayi dikolè be; udi mwà kuditèèleja nganyì?*

*Dìbà adi Yesù ùvwa mumanye...yèyè mwine ne bayìdì bèndè bàvwa banungana bwà cyòci aci, ki kubàmbìlayè ne: Eci cidì cinulendwisha anyi?*

*Ambaayi túng...bu nwènù mwà kumòna Mwànà wa muntu ùbànda kùvwàye kumpàla aku?*

*Cidì—cidì nyu...nyumà ke udi ufila mwoyi; nènku mubidi kawèna ne dikwàcisha ku cintu nànsha cimwè to: méyi àndì nkwambila, adi nyumà (awu's n'Yèyè), ne àdi moyi. (CyàkambaYe ncinyì? "Mémè ndi Bulelèlè, Mwoyi.")...àdi nyumà,...àdi mwoyi.*

*Kàdì kudi bàmwè bàà kunùdì bàdì kabàyi bìtabuuja to. Bwalu Yesù ùvwa mumanyè kwambwila ànu ku cibangidilu aku ne mbanganyì bàvwa kabàyi bamwitabuuje, ne nganyì uvwa mufwànyìne kumutungila.*

*Ki yèyè kwamba ne: Ki bwà cinyì mémè ndi nkwambila nwènù aba ne, muntu nànsha umwe kèna mwà kulwa kùndì to, ànu bimupèèbwe kùdì Taatù wanyì.*



Nènku *kubangila ànu piine apu bààbùngì bàà ku bayiidi bèndè kwalukilabo, ne kabàciwwa kàbìdì bènda nendè to.* (“Díyì dikolè,” nwamònu’s, kabàwwa mwà kudyàngata to.)

*Pashìshe ki Yesù kwambilaye bàà dikumi ne bàbìdì ne: Nudi pèènu baswè kuya anyi?*

*Dìbà adi Simona Peetèlo kumwandamunaye ne: Mukalenge, nkwa nganyi wètù kutwàyà? bwalu wêwè ngudi ne mèyì à mwoyi wà cyendèlèlè.*

*Nènku tudi twitabuuja aci ne tudi batwìshìibwe ne wêwè ngudi Kìlistò awu, Mwànà wa Nzambì udi ne mwoyi. (Ekèlekèlè!)*

*Yesù kumwandamuna ne: Ncyèna munusungule nwènu dikumi ne bàbìdì aba anyi, kadi umwe wa kunùdì ndémon?*

*Ùwra wàkula bwà Yudààsà Mpongoloki mwànà wa Simona: bwalu yéyè ki uvwa ne cyà kumutungila awu, mwìkàlè umwe wa ku dikumi ne bàbìdì abu.*

<sup>42</sup> Mpindyewu, byòbì bikèngela bwà mèmè kwinyika cyena-bwalu eci dilòòlò edì, ne kuteeta ne mwànyì mwònsò bwà kwenza nàнку mu cyàbìbìdì cyà dìbà, Ndi muswè kwakula pa: *Mishindù Yisàtù Yà Beena Kwitabuuja.*

<sup>43</sup> Nènku ntu ncyàmba pa ciibidilu. Ki mèmè kudyàmbidila ne: “Èè, nengìtabuuje ànu ne nènyìshèkupù, mu mapingaja emu.” Mèmè kudyàmbidila nàнку.

<sup>44</sup> Dyàmbedi mbeena kwitabuuja, beena kwitabuuja bàà budìngìbudìngì, ne beena bupidyà. Mpindyewu, aci’s ncyè—cye—cyena—bwalu’s. Kàdì, mbulelèlè ànu bu mutùdì basòmbe kaaba aka dilòòlò edì emu, musumbà awu utu misangu yònsò udisangisha pàmwè. Mwaba wònsò ùdì bantu bakungwila awu, tudi tusangana musumbà ewu, ne tutu misangu yònsò tuyìpeta, ne pàmwàpa netwikale misangu yònsò ànu naayi too ne ku Dilwa dyà Mukalenge. Nènku ndi muswe bwà twètù, dilòòlò edì, bwà kudìfwànyìkija twètù biine, bu mùndì ngàakula bwà misumbà yisàtu eyi, ne kumòna ne tudi mu musumbà kaayi.

<sup>45</sup> Mpindyewu vùlukàayi ne, ndi ngàakula kaaba aka pàmwàpa ne. . . Èkèleeziya ewu, udi mupate cyàkàbìdì dilòòlò edì, eku ne eku, ku bimanu ne mu tujila, kàdì ndi kàbìdì ngàakula ne buloba bujima. Nwamònu anyi? Mu bitùpà byònsò bishìilèshìilàngàne byà buloba, mikàbà yà mèyì eyi yìdì yinyunguluka, midimu yà bwambi yà mikàbà yà mèyì.

<sup>46</sup> Mpindyewu ndi muswè kwakula pa mishindù yisàtù mishìilàngàne yà beena kwitabuuja mpindyewu. Mpindyewu vùlukàayi ne, *beena kwitabuuja*, cyena-bwalu cyànyì *mbeena kwitabuuja*. Umwe wa kùdìbo mmwena kwitabuuja mulelèlè,

ne udi ulonda mmwena kwitabuuja wa budingibudingi, ne udi ulonda mmwena bupidyà. Nwamònu anyi?

<sup>47</sup> Mpindyewu, musùmbà wa kumpàla utùdi tujinga kwakulapu, ngwà mwena kwitabuja. Bwalu, ndi ngeela meeji ne bivwa bikèngela bwà kwikalaye wa kumpàla, bwalu yèyè ki udi witabuuja cyà bushùwà, mpindyewu, ùdi witabuuja mùvwà bayiidi bìtabuuje kaaba aka. Netwikale mwà kukwata mudimu ne dibala dyà Mufundu ewu bu cileejilu. Mpindyewu, dyàmbedi mbeena kwitabuuja, beena kwitabuuja bashuwashùwàale. “Ne diitabuuja didi difuma ku dyumvwa, dyumvwa dyà Díyi dyà Nzambi,” Díyi dyà Nzambi, didi diikale Kilstò. Nwamònu’s, beena kwitabuuja!

<sup>48</sup> Mpindyewu, nuvwa batabalela cishìmbì díyi cyàshìyibù kùdi mwena kwitabuuja ewu anyi? Mpindyewu, mwena kwitabuuja kèna ne cyà kwikala muntu wa meeji matwè mu mùshindù wà bàà pa buloba wà kwikala mwena meeji matwè awu to. Kabyèna bikèngela bwà kwikalaye muntu mulonge tùlaasà mu mùshindù ùdi bantu aba bateeta bwà—bwà kwamba ne bìdi bikèngela bwà wèwè kwikala nàнку to; kàdi kabyèna bikukènge nàнку to. Nudi. . . Muntu udi mushiye cishìmbì díyi ewu, Bible Yèyè mwine mmwambe ne yèyè ùvwa “mupangi” ne “kayi mulonge kàlaasà to.” Peetèlo, kàvwa menemene ubadiibwa bu muntu wa meeji to.

<sup>49</sup> Mu Yeshààyi 35, mbàmbe ne: “Nekwikale cibeeba, ne njila, ne nebàmubiikile ne: ‘Njila wa cijila.’ Mukooyike kàkopicilamù to.”

<sup>50</sup> Mvwa nyiikilangana ne umwe wa ku balami mu mapingaja emu, bu mutùvwà tuyukila bwà dyela dyà bilamba pa màyi, ne cyà cipyacipyà eci. Mèmè kwamba ne: “Kùdi bilamba byàbùngì byela pa mishiki yà màyi, ne pa bisènsè leelù ewu.” Ki mèmè kwamba ne: “Kàdi kudi cilamba cimwèpelè cinène cìdi cyùmuka pa buloba apa ciya ku Butumbi, cìdi cìbiikidiibwa ne: ‘Cibeeba cyà Mfùmù.’ Mukooyike kààkopicilamù to.” Ncyà bushùwà. Nci—cibeeba cìdi ciibaka kùdi Kilstò Mukalenge wètù, cilamba cìdi cyenjìlbwè kuumukila pa buloba ebu too ne ku Buloba bukwàbò, ne mukooyike kèna upicilamu to.

<sup>51</sup> Peetèlo, muntu udi kàyi mulonge kàlaasà ewu, wa. . . mwimane pabwìpi, pààkamònàye Díyi dishindika mu ndòndò dyà ditùkù, divwà Nzambi mulaye mu ditùkù adi ne nekwikale Kampànda wàjuuka bu—bu Mupròfetà munkaci mwàbò. Ne Simona uvwa ne lutàtu bwà kuciitabuuja, bwalu kuvwa kufwànyine kwikala ditentula bùngì cyanàànà dyà Cyòci aci. Kadi pààkamònàye Díyi dishuwashùwàale, divungulula dyà cikondo aci, ne kuMumvwaye Umumanya bitooke too, ùvwa—ùvwa mutwishìibwe bulelèlè ne Yèyè ùvwa Nganyi. Nèngu yèyè ngwákamba ne: “Mukalenge, nkùdi nganyi kutùdi bafwànyine kuya?” pààkamukonkabo.

52 Pavwa mi—misumbà yà bantu munkaci mwà kutapuluka, pankaci pàà beena kwitabuuja, ne beena bupidyà, ne beena kwitabuuja bàà budingbudingi, busatu bwàbò bwònsò bàvwa biimane ànu mwaba awu mu cisumbu cyà bantu cimwèpelè aci; beena kwitabuuja, beena kwitabuuja bàà budingbudingi, ne beena bupidyà, bàsanganyibwa ànu mu nshapità ewu mwaba ewu mene. Nènku bwalu Yesù ùkaavwa mwakule Méyì mùshindù ùvwaYe mwakule awu, àkatàpulula disangisha Dyèndè. Kadi cidi ne cyà kwenjiibwa's.

53 Ûvwa muntu munène pàvwàYe wondopa babèèdi, kàdi pààkafikabi ku Dilongesha ne cipròfetà, ki cyàkatapulula bi—bisota ne blé. Nwamònu anyi? Bisota byòbi bitu ànu bijingila blé cyanààna. Ki m'blé nànsha. Kabèèna mwà kukwàta naabi mudimu to. Munda mwàbi mmutupù. Kakwèna Mwoyi munda mwàbi nànsha. Ncizubu, ne kacyèna mwà kushàala ne blé to. Kacyàkupyàna pàmwè ne blé nànsha. Ne pa nànkù bikaadi ne. . . Ànu lutete ke lwena bwalu butùdi twamba, mwoyi wà lutete lwà blé.

54 Mpindyewu mònaayi, Peetèlo ùvwa mutwishùbwe ne Yèyè awu ki uvwa Maasiyà awu. Mpindyewu, civwa bakwàbò bònsò bambe kacivwa ne civwaci cishintulula to. Civwa bakwidi bambe kacivwa ne civwaci cishintulula nànsha. Simona Peetèlo kavwa ucyùka civwa èkèleeziyà wàmba to. Ûvwa mutwishùbe, yèyè mwine.

55 Yesù wàkamwambila, mu mwaba kampànda wàkakonkaye ne: “Bantu bàdi bàmba ne Mémè ndi nganyì?”

56 “Ne bàmwè mbambe ne Wèwè udi ‘mupròfetà,’ ne bàmwè mbamba ne Wèwè udi ‘umwe wa ku bapròfetà bàà kale mujuuke,’ ne—ne Wèwè udi ‘Mòsà,’ anyi ‘Eliyà,’ anyi muntu kampànda.”

Yèyè kwamba ne: “Mémè ndi nnùkonka *nwènu*. Nudi nwela meeji kaayi?”

57 Ki Peetèlo ne: “Wèwè udi Kilstò, Mwànà wa Nzambi udi ne mwoyi.”

58 Yèyè kwamba ne: “Udi mubènèshùbwe, wèwè mwànà wa Yona; Simona, mwànà wa Yona; bwalu munyinyi ne mashi ki mbikubulwilekù eci nànsha. Kùtukù mucilongèle mu mukàndà kampànda, anyi mu twitabàayi kampànda, anyi mu kateshismu kampànda nànsha. Wèwè. . . Taatù Wanyì, udi mu Dyulu awu, ngudi mukubuulwileci.” Ki mwena kwitabuuja mushuwashùwàle nyèyè awu; dibuulula dyà nyumà dyà Dìyì. Nwamònu anyi? Nènku ku. . . “Wèwè udi Simona, kàdi pa lwwebwe elu, pa dibuulula dyèbè dyè ne Mémè ndi Nganyì, nèNgilibakilèpu Ekèleeziyà Wanyì, ne biibi byà iferno kabyèna mwà kuMutàmba bukolè to.” Nwamònu anyi?

Kabyèna bikemesha to pààkambà Simona ne: “Nkudi nganyì kutùdi bafwanyine kuya?”

Yesù kukudimuka e kwamba ne: “Nudi pèènù baswè kuya anyi?”

<sup>59</sup> Ki bòbò kwamba ne: “Mukalenge, nkwa nganyi kutùdi bafwanyine, kutùdi bafwanyine kuya ki kwépi? Bwalu, Wèwè nkààyebe ngudi ne Méyi à Mwoyi. Udi ànu Wèwè nkààyebe.”

<sup>60</sup> Bwalu, Yèyè kavwa ànu ne Méyi à Mwoyi to, Yèyè ùvwa Dìyi dyà Mwoyi. Nwamònu’s, Yèyè ùvwa Dìyi dyà Mwoyi, ne Simona wàkajingulula cyôci eci mu ndòndò. Nènku pàakacijingululaye, ki cyàkamulamà pàvwaye mwimànyina, bwalu cyàkabuuludiibwa kudiye ne Yèyè nguvwa Dìyi didi ne mwoyi adi.

<sup>61</sup> Mpindyewu, awu ke mwena kwitabuujja mushuwashùwàle, pàdi Nyumà Mwimpè; ki nkampànda mutwishisha kùdi kampànda mukwàbò to, kakùyi kùdi cingà cintu nànsha. Kadi pàdi Nyumà Mwimpè mukubuulwile Dìyi Dyòdi diine, ne wèwè umòna Dìyi ditòkeshiibwe tòdò, dishindika; dîbà adi Nyumà wa Nzambi ulwalwa ne ubwela mu cikondo aci, bwà Dìyi dyà cikondo aci, ne uDìmwènesha.

<sup>62</sup> Mmunyi mùvwà muntu mwà kubenga kwitabuujja Luther bu yèyè mucimanyè? Luther uvwa mulongolodi wa maalù. Nyumà wa muntu wàkapàtuka kwaka bwà dilongolola. Wesley, mùshindù ùmwèumwè awu. Byàkakèngela bwà kuciitabuujabò. Nwamònu’s, aci civwa—aci civwa mukenji bwà cikondo cyà èkèleeziyà. Ki civwa cyenzeke menemene ncyôci aci. Ki civwà ne cyà kwenzeka ncyôci aci. Bivwa bikèngela bwà wèwè kuciitabuujja.

<sup>63</sup> Nènku’s ki twètù aba, bafika ku Cikondo cyà Laòdikiyà. Ne tudi bayiile, mu Cikondo cyà Laòdikiyà ne, Kilstò ùvwa mwediibwe pambelu pàà èkèleeziyà Wèndè; ne mwikale mene ukookola ku ciibi, uteeta bwà kwalukilamù. Nànku patùdi tumòna cyôci aci cyenzeke, tudi bamanye ne mmu cikondo kaayi mutùdi ne mwoyi.

<sup>64</sup> Nènku, dîbà adi, tukàadi ku dyoya dyà maalù malonda à buloba ebu. Mukàndà ukaadi mpindyewu munkaci mwà kujika. Mulongo wà ndekeelu newufundiibwemu dîngà ditùkù, ne wòwò newùkangiibwè, dîbà adi cikondo kacýàkwikalaku kàbìdi to.

<sup>65</sup> Nènku kudi dinaya dinène didi dyenda dilongolodiibwa. Ne Banjèlo mbiimàne kuulu kwà maulu, bàbandila. S’nudi bamanye cìdi dinaya’s. Banayi bàkaadi badilongòlole. S’nudi mwà kubàmòna mudibo benza maalù.

<sup>66</sup> Nudi mwà kumòna muntu mubi awu ùnàya’s. Nudi mwà kumòna muntu mubi wa mu dinaya adi awu, mùshindù udiye ubwela mu cyalu ne budimù bwèndè, bwà kuseeswisha.

<sup>67</sup> Kadi nudi kàbìdi mwà kumòna Èkèleeziyà mwambwiibwe mwikale uDilongolola. S’ncyalu cilenga be. Nudi mwà kumòna Bwikadi bwà Nzambi bwikale bushindika ne bwenza dinaya

dinène didi didyànjila kwamba mu Bible emu edi, bwà kudipatuladi patòoke. Cikondo kaayi cyà kwikala ne mwoyi, cikondo citàmbe kwikala cyà butùmbi's wè! Bantu bà bikondo byònsò batu bajingejinge cikondo eci. Bapròfeta bàà kale bàakajinga bikolè bwà kumòna dībà edi, kadi kabàvwa bapeté dyèse edi to.

<sup>68</sup> Mpindyewu, awu ki mwena kwitabuuja. Bwalu, yèyè wàkacimòna. Wàkaciitabuuja. “Tudi batwishùbwe menemene ne Wèwè udi Kilistò, Maasiyà awu, Dìyì dyà Nzambi bwà ditùkù edi, ne tudi twitabuuja nànkù.” Nwamònu's, awu ùvwa mwena kwitabuuja mulelèlà.

<sup>69</sup> Twanjààyibi kwangata ànu ndambu mukwàbò wa beena kwitabuuja, lukasalukasa, kumpàla kwà twètù kuya ku muntu udi ulonda. Twangatààyibi mupròfeta, Noa. Pàvwàye, mwikàle misangu mikwàbò cidime, pàmwàpa uvwa mu miine matùkù awu, cidime. Kadi pàvwà baseki ne beena-ntèndeleeleu bàà mu ditùkù adi. . . Èkèleeziyà ùvwa mufike mu ngiikàdilù mubi menemene, ne Nzambi kwakula ne Noa, ne kwambila Noa ne ùvwa ne cyà kwibaka bwàtù. Noa kàakakòkanganakù ne Nzambi pa cyòci aci nànsha. WàkaCiitabuuja, ne Cìvwa n'Dìyì dyà Nzambi, ne wàkaya kakwàta mudimu ne lukasa lwònsò mwikale ulongolola bintu tàyàdi.

<sup>70</sup> Ke mwena kwitabuuja mulelèlà nyèyè awu. Kukokyanganyi pa bwalu abu to. Paùdi mutwishùbwe mu ndòndò, kwàjiki. Ànu mudi muntu kanà yònsò ewu, diitabuuja kanà dyònsò edi, mùshindù wònsò. “Diitabuuja didi difuma ku dyumvwa.” Bu wèwè mwà kwimana apa, nànsha ngàngàbukà mwambe ne ncinyi cidi cikutàcisha! Nànsha mùdibi ne, muntu awu mmukupe dijandula dyà disaamà, ne pàmwàpa mmumanye ànu menemene cidiye wamba aci, bilondèshila mùdi byamwù byèndè byà mudimu ne dimanya dyèndè mwà kumwanyishila bwà kumanyaye amu, kadi wamba ne cidi cikushàadile cidi ànu ndufù. Kadi, wèwè usambila, ne mwimane kwàka mu matùkù àcilwalwà mwikàle mwà kumòna mulùme anyi mukàjì musangale mwimane kuntu kwàka. Èyowà, s'kwàjiki. Nènku s'nkumana kujika. Neùbwelè buludi mu cyòci aci bushùwà menemene, bwalu udi ùciitabuuja. Nzambi ngudi mucyàmbè. Wèwè udi mumanye ne bidi nànkù.

<sup>71</sup> Byenze bu mukàjì mutekète wakòsolu kansère kalòpòk'ewu, nwamònu's. Kakuvwa mpatà nànsha mikese mu meeji èndè to, bwà ne aci cìvwa ne cyà kwenzeka. Kansère kàvwa kafwè, ne kulamukaku, ki kòkù kàyààya kakà's. Nwamònu anyi? Kwàjiki. Udi uciitabuuja.

<sup>72</sup> Byenze bu taatù watwàdi mwanèndè mukese wa balùme, kukaadi katanci, muntwemu awu. Ne ùdi mwab'ewu mu citanda emu mwaba kampànda mpindyewu. Mwànà mukese wa balùme ewu uvwa mudikuma cibula, ne mujimije civùlukilu cyèndè.

Kàvwa mwà kuvùluka cintu nànsha cimwè to. Ànu mu katanci kakesè cyanaànà, paanyimà pàà disambila, mvèmè kumukonka dìnà dyèndè. E kungambilaye, ne bidimu byèndè, nènku ki yèyè awu tumatuma mwèndè ne kale ànu mùdì nsongàalùmè kanà yònsò ewu. Nwamònu anyi? Bàdi biitabuuje. Nènku pàdi Nzambi wamba cintu kanà cyònsò, cìdi ne cyà kwikala mùshindù awu.

Ne Noa wakiitabuuja Nzambi, ne Noa wàkabadiibwa bu mwena kwitabuuja.

<sup>73</sup> Danyèlè, pàvwà èkèleeziyà mu bupika mu Baabulòònà, Danyèlè ùvwa mwitabùùje Nzambi. Nànsha mwine mùvwabo bambe ne: “Netwèle mukenji amu. Bòbò kabààkusambilaku nzambi mukwàbò to ànu lupìngù lùdì pambelu pààpa lwàlwa,” lwà muntu munsantu ewu, anyi nì ncinyi cidìlu lufwànyine kwikala aci. Danyèlè kààkateyaku ntèmà ku biine abi to. Yèyè ukaavwa muumvwe Nzambi, bwalu yèyè ùvwa mupròfeta, ne Dìyi dyàkalwa kùdiye. Nènku pàvwà ntempèlò mubanjiibwe, bàkamba ne: “Muntu kanà yònsò yèyè mu lutàtu mu ditùnga kanà dyònsò, ne mutàngilè mu nùnkù lwà ku mwaba wa cijila ewu, ne musambilè, dībà adi watèeleja mu Dyulu.” Nènku Danyèlè ùvwa mwitabuuje Nzambi. Ùvwa mwena kwitabuuja mwshùwashùwàle, nènku nànsha nyama yà ntambwe kayìvwakù muhà kumudyà to. Ne aci ncyà bushùwà, nwamònu’s, ùvwa mwena kwitabuuja. Ùvwa ne cintu kampànda cilelèlè ne cishùwashùwàle. Ùvwa mwena kwitabuuja.

Daviidì, mwena kwitabuuja mukwàbò, mwànà wa balùme mukese mudyombòdiibwe.

<sup>74</sup> Danyèlè kààkalamakananganaku ne èkèleeziyà wa cyena leelù awu to, anyi Noa kààkalamakananganaku ne èkèleeziyà wa cyena leelù awu to. Nànsha kakesè. Bàvwa beena kwitabuuja mu civwà Nzambi mwambe ne m’Bulelèlè aci. Bàà pa buloba bàà cyena leelù nànsha bàmbe cinyi, bààkiitabuuja bòbò civwà Nzambi mwambe ne m’Bulelèlè. Ki beena kwitabuuja bashùwashùwàlela mbòbò abu.

<sup>75</sup> Byà mwomùmwe ànu ne mwàkenza Peetèlo, ne bàpostolò, bààkiitabuuja ne Yèyè uvwa ne Dìyi dyà Mwoyi ne ùvwa Dìyi dyà Mwoyi. Mémè ndi ngiitabuuja cintu cimwècimwè aci leelù ewu. Ne cikwàbò cintu cyònsò cìdi ciikàle cibengangana ne Cyòci aci ncyà cyanaànà, kí ncyòci to, ndufù. *Edi* nkààyadi ki Dìyi dyà Mwoyi, ne Kilistò n’Dìyi.

<sup>76</sup> Mpindyewu, Davidì, muntu mukùnzùbile. Cyàkumpàla, pàmwàpa bàvwa bàmuyòbola kudi bânà bààbò, bwalu kavwa kantu kàà katùpà. Kàvwa ne bunène bukùmbàne bwà kwambula cingoma nànsha. Kavwa mwà kuya ku mvità to, ne ùvwa mutàmbe kwikala kanyìikanyì wa muncyoncyo. Kadi, nànsha nànkù, kupatukaye kuntwaku, bu mwena kwitabuuja.

<sup>77</sup> Nènku pàvwàye musòmbe paanyimà pàà cipèlèlè apu (mwikale ùkùba ma—makùmi makesè àà mikòòkò yìvwà

tatwendè mumupèeshe bwà kutangila ayi, ne ndundu wa nyuunyi, mu citùpà cyà buloba müdi nyama yà ntambwe ne ours ne mibwàbwà, ne bikwàbò), Davidi wàkabanga kutangila mu mpàta wa lutende lubishi lwà mu ditalàji alu, ne kumanyaye civwà kushikama kwà mu ditalàji kuumvwija bwà mùkòòkò, ne kulààla mu luya lwà dībā; ùvwa mumanye civwà màyi mimpè, matalàlè à kunwà ùmvwija, bu mwàkambàye ne: “Bu mudi ngulungu ni nyoota ujinga kasulu kàà màyi, musùùkà wànyì ùdi ne nyoota ukujinga Wèwè, Èyi Nzambi.” Nwamònu anyi? Ùvwa mwele mbila, musambile.

<sup>78</sup> Nènku dīngà ditùkù bwalu bwà cimpicimpi kujuukabò, nyama wa ntambwe kukwàtayè ùmwè wà ku mikòòkò yèndè, e kuya lubilu. Kwelaye meeji ne: “Nzambi udi mungenze mèmè ùdi ku mutù kwà nyama wa ntambwe!” Nwamònu anyi? Ki kwangataye ndundu wa nyuunyi ne kubyànkulayè nyama wa ntambwe awu panshi, ne kaalusàkàlàbwà kakesè mu ndundu wa nyuunyi amu. Mpindyewu, ni kukaadikù muntu mumòne nyama wa ntambwe, umwe wa ku nyama ya ntambwe ya mu Àfrikè mwàmwa ayi, nyama yà ntambwe yà nshingu minène yà myòsà yidibo naayi mu Palestine ne mu Asiya, mmufwànyine kumanya civwà umwe wa ku yòyi ayi mwikale. Pààbi, cingoma cinène cyà calibre citàta bwà kumutuuta panshi, kadi yèyè wàkamutuuta panshi ne lusàkàlàbwà. Nènku pàakamulonda nyama wa ntambwe mu nyima, wàkamubakwila ku mwedi kadi kumushebeyayè. Ki bwà cinyi ùvwa mumanye civwàye wamba; ùkaavwa ne dilabula. Ùkaavwa mwele Nzambi ku diteeta, pa bidì bitangila Diyì Dyèndè.

<sup>79</sup> Ne yèyè–yèyè kàvwa uciina Goliyàtà to, bwalu, kàvwa mutengula to. Kàvwa mwena kwitabuuja to, nànsha kakesè; kadi pààkapatuka Goliyàtà e kumwela mulawu mu dīnà dyà tunzambi twèndè.

<sup>80</sup> Ki Goliyàtà, munène misangu mivule kumupita; muntu munène menemene wa katanku, ne minu bule bwà centimètres makumi asatu ne itaanu ne citùpà. Mpindyewu, minu mmifwànyine kwikala bule *nànku* awu, nwamònu’s, centimètres makumi asatu ne yitaanu ne citùpà, mulwanganyi wa mvità. Ne mīngà misangu muvwàle nkooci wa cyàmù pambidi pèndè, Pàngàpa ùvwa ne bujita bwà kilos lukama ne makumi asatu ne yisambòmbò, anyi misambùke, nwamònu’s, yìwàye mwambùle. Cifulu cyà mvità, ne cinène. . . pàngàpa cyà cyamù cyà mupimbu wà centimètres yinaayi. Muntu munène wa kafyondo mùshindù awu, mwikale wènda ne–ne mulangala wa bule bwà mètres asàmbòmbò. Ùvwa ne difùmà dyà mètres asàmbòmbò mu cyanza cyèndè. Mpindyewu mmunyi mùvwà muntu mufwànyineku mwà. . . Muntu wa bwena awu ùvwa ànu mwà kwimana e kubàkula bantu dikumi ne bàbidì, e kubàkupa mùshindù *awu*, pàvwàbo bènda bàlwa apu. Ndikàndameena kaayi adi’s wè!

<sup>81</sup> Nènku ki yèyè awu, mwimane mwaba awu, udibandisha

yêyè mwine, wàkula ne dyambu. Pààbi...mbyenze ànu bu ne mbakubambidikile panshi, nudi numòna's, yêyè kwamba ne: "Lekela...Kanwèdì mashi panshi to." Yêyè ne: "Muntu alwe—alweku bwà kulwangana naanyi, nènku pashiishe mèmè mucimùne, dîbà adi nwènù bònsò nenùnkwacile mudimu; ne pashiishe bu—bu—bu nwènù mwà kucimuna, dîbà adi's netùnukwàcìlè nwènù mudimu." Nwamònu's, pàdi dyabulu wela meeji ne mmukubambidikile panshi, nwamònu's, ke dîba didiye uswa kukwenzela mukaaka wèndè awu. Kadi kutwilanganaye ne muntu uvwa kayi ukengediibwa to. Wàkatuutakeena ne muntu uvwa mutambe kwikala wa kampimpinyàmà mu ditùnga, kaamuntu kakesè, kàà tukaaya tukobame, kalùmyànà kakùnzùbile.

<sup>82</sup> Yêyè kwamba ne: "Nudi baswè kungambila ne nwènù, ci—cilwilu cyà Nzambi udi ne mwoyi, nushaala biimane mwaba awu kadi kulekela mwena Peleshèète udi kayi mutengula wàwa wela cilwilu cyà Nzambi udi ne mwoyi kadyòmbò anyi?" Mòna's, yêyè's uvwa mutàcishiibwe kùdi cyòci aci! Bwà cinyi? Bwà cinyi? Úvwa mwena kwitabuuja. Bakwàbò bàvwa beena kwitabuuja bàà budingibudingi. Nwamònu anyi? Nwamònu's, úvwa mwena kwitabuuja mushùwashùwàlè. Yêyè kwamba ne: "Panwikalà nuciina, nyààya kalwangana nendè." Nwamònu anyi? Kadyòmbò kaayi aka bwà kalumyànà kakesè nànkù! Ne pa nànkù yêyè úvwa mweèna kwitabuuja, ne wakenza ànu menemene civwaye mumanye ne Nzambi neènzè. Yêyè ùdi. . .

<sup>83</sup> Mwena Peleshèète uvwa kayi mutengula awu pààkamwelaye mulawu mu dîna dyà tunzambi twèndè, mwàkambaye ne: "Ndi kabwà anyi; bwà kànà kakesè menemene kempatukile mùshindù awu anyi? Mòna's," yêyè ne, "nènkambulwile ànu ku lusongo lwà difùmà dyànyì eku, ne nenkukùdike kuulu kwà mucì kwàka bwà nyuunyi yìzokola mubidi wèbè awu." Kaa, ekèlekèlè! Kaa, awu's úvwa muntu mubi be!

<sup>84</sup> Davidì kwambaye ne: "Wèwè udi utwilangana naanyi ne mwele wa mvità ne difùmà, ne byà mvità. Udi utwilangana naanyi mu dîna dyà mwena Peleshèète. Kadi, mèmè ndi ntwilangana neebè wèwè ncìyì mwelè wà mvità anyi difùmà, byà mvità to, kàdi ndi ntwilangana neebè mu Dîna dyà Mukalenge Nzambi wa Izalèèlà."

<sup>85</sup> S'ki bwalu mbwòbù abu. S'ki mwena kwitabuuja awu. Ki lumbu lwèndè ndòlo alu. Ki ngabu wèndè nyêyè awu. Ki ngabu wèndè nyêyè awu. Amen! Ki cìvwa ne cyà kwikala ngabu wa Èkèleeziyà ncyòci aci. Mwena kwitabuuja kanà yònsò ewu, Awu's ke wèndè ngabu. Cidì cyenzeka nànsha ciikàlè cinganyi, cidì bàà pa buloba bàmba, cintu cikwàbò kanà cyònsò, ngabu wènù m'Mukalenge Nzambi wa Izalèèlà. Ki cyòci aci. "Dîna dyà Yesù Kìlistò didi lumbu lukolè, baakàne bàdi banyemenamu ne bàshààla bakubiibwe." Ki wetù ngabu nyêyè awu, n'Yesù Kìlistò.



<sup>86</sup> Mònaayi, nènku pààkenzekabi, tudi bamanye cyàkenzekà. Davidi, kayi ne mwaba wà kwasayè nànsha ànu kaaba kakesè aku pààkapwekeshaye cyèndè—cyèndè—cyèndè cibwikilu mumpàla mwèndè amu. Kaaba kamwèpelè kàà kwasa kavwa ànu mwaba ewu mumpàla mwèndè emu. Nènku kumpàla kwà yèyè kumòna mwà kufika mu ntàntà kampànda ne mu—muntu wa mpolondo awu, Nzambi wàkaludikila cimanyinu cyà cishipangana aci, ne wàkashipa muntu wa mpolondo awu. Nwamònu anyi? Nzambi ngwàkacyenza. Mpindyewu, tudi tumòna ne yèyè ùvwa mwena kwitabuuja.

<sup>87</sup> Mpindyewu, mukwàbò mwena kwitabuuja ùvwa ng'Abraham, ne ùvwa wa ku . . . Mwena Kasàdà wa mu cimenga cyà Ula. Nènku yèyè wàkabiikidiibwa bwà kwenza cintu kampànda cìvwa . . . ne kwitabuuja cintu kampànda cìvwa ànu menemene, mu mubidi emu kaciyi mwà kwenzeka to. “Kadi yèyè kààkatenkakanaku ku mulayi wa Nzambi ku bupidyà to,” mùdi Loomo 4 wàmba, “kàdi ùvwa ne dikàndà, ùfila butùmbi kùdi Nzambi.”

<sup>88</sup> Pàvwà Abraham ne bidimu makumi mwandamutekète ne bitaanu, ne mukàjèndè ne bidimu makumi asambòmbò ne bitaanu, ne bàvwa basòmbè pàmwè kubangila pàcivwàbo bansonga. Ùvwa mwanàabò wa bakàji wa mukwàtatwèndè; nsongàalùme mutekète ne nsongàakàji mutekète. Ne piine apu, bàkaavwa basòmbèle kaaba kàmwè, kabayi ne bânà to nànsha kakesè. Ki Nzambi kwambila Abraham ne: “Tapuluka ne beena bùpidyà.” Nzambi utu misangu yònsò ànu ubiikila ku, ditapuluka. “Tapuluka ne beena bùpidyà ne enda Naanyi, ne Ndi mukuvwije taatù wa matùngà àbùngì. Nkaadi mumanè kucyenza.”

<sup>89</sup> Ne Abraham wàkaciitabuuja. S'ki mwena kwitabuuja awu. “Ne Ùcyènzè bishi's, Mukalenge?” yèyè kààkeelaku lukonko to. Nzambi ùvwa mwambe ne Yèyè neàcyènzè, ki aci kukosaci bwalu.

<sup>90</sup> Pààkapita ngondo wa kumpàla, ne Sarah ùcivwa . . . Yèyè ukaavwa mumanè kupita cikondo cyà kuya ku mashi. “Kùdikù cintu kampànda cishiilàngàne anyi?”

“Nànsha cimwè.”

<sup>91</sup> Kadi Abraham yèyè ùvwa ànu mutungunuke ne kuciitabuuja. Bidimu makumi àbìdì ne bitaanu pashìshe, kakùvwa ànu dishiilàngana to, kàdi Abraham yèyè ucivwa ànu mutùngunuke ne kuciitabuuja. Awu's ki mwena kwitabuuja. Awu kî mmwena kwitabuuja wa budìngìbudìngì to. Awu mmwena kwitabuuja. Bidimu makumi àbìdì ne bitaanu pashìshe, Abraham ùvwa ne dikàndà kupità mùvwàye dyàmbedi amu. “Wakiitabuuja Nzambi, ne bàakamubadilaci bu bwakàne.” Bwalu yèyè wà- . . . Ke mwena kwitabuuja mushùwashùwàle nyèyè awu.

<sup>92</sup> Mpindyewu, paanyimà pàà katanci nennùshùile nukenkete bwà numòne lwenù luseke lunùdi nusanganyiibwa.

<sup>93</sup> Mpindyewu Abraham wàkenza cinyi? “Kààkatenkakanaku ku mulayi wa Nzambi nànsha,” bìdi kabiyi mwà kwenzeka abi.

<sup>94</sup> Ncinyi civwa muntu wa bidimu makumi mwandamutekète ne bitaanu, mwikàle ne mukàji wa bidimu makumi asambòmbò ne bitaanu, mufwanyine kwenza, bu bôbò mwà kuya kùdi ngàngàbukà kampànda ne kwamba ne: “Tudi baswe bwà kudilongolola, bwà lupitaadi. Netùpetè mwànà?” Ki pashùishe, paanyimà pàà bidimu makumi àbìdì ne bitaanu, kwambaye ne: “Ngàngàbukà, ùcidi ànu kacya watulamina mwaba mu lupitaadi anyi?” Nwamònu anyi? Nwamònu anyi?

<sup>95</sup> Cidi cikwenzeja maalu a lukutukutu. Mapangadika èbè ngàà pabwàwù, kùdi bàà pa buloba. Kadi mmwena kwitabuuja, nànsha cyòci cimweka cyà pabwàci bishi. Bible mmwambe, ne: “Úvwa mutwishiibwe ànu menemene ne Nzambi uvwa ne bukolè bwà kwenza cyàkambaYe ne Neènzè.”

<sup>96</sup> Aci ncidi ne cyà kwikala cyenzi cyà bulobo cyà mwena kwitabuuja yònsò mu mappingaja emu. Nzambi mmukumbane bwà kushàala mukwàte ku Díyi dyònsò dyàkambàYe ne neÈnzè adi. Cidi mangumba àmba nànsha ciikàle cinyi, méyi à ne: “Matùkù à bishimà’s àkaadi mamane kupìta, ne byònsò ebi ndubuku, ne byònsò ebi’s nkutempa kwà mbùkù. Bìdi...” Ki mbintangila mémè to bidìbo bàmba abi. Mémè ndi ànu ntùngùnuka ne kwitabuuja. Cingoma aci cyòci ciikàle ciludikila pa kiipacila, s’necikume kiipacila aku. Nènku ndi ngiitabuuja ne mwena kwitabuuja yéyè mwikale muludikila pa Díyi dyà Nzambi, dyòdi nedikume cintu cimwècimwè aci. Pùikalabi ne Díyi dyà Nzambi ndicilayeku kacya, dyòdi nedicyènzè cyàkàbìdi. Mémè ndi mutwishùibwe menemene bwà cyòci aci. Bwà ne, patùdi tumòna ne tudi mu cikondo eci cidìci ne cyà kwikala apa, cidì ne cyà kwikala apa. Bintu ebi bìdi ne cyà kwenzeka.

<sup>97</sup> Ki bwà cinyi ndi ngiitabuuja bushùwà ne pàdì Mukàji-musela awu mubiikidiibwe pambelu ne musungudiibwe, ne mutèekibiibwe mu Mukànda wà Mwoyi, nekùlwe cyonà cifumina mu Dyulu cyàbwejà dibatiiza dyà dyà Nyumà Mwimpè munda mwà Mukàji-musela awu mu mùshindù ne nedìMuumushà pa buloba, mu ngàsà wa Dyambwibwa. Nzambi ngudi mucilayè. Nànsha maalu a mamanya bùngi kaayi, ne nànsha bayi bàà mu mabùlunga bùngi kaayi bàdìbo bafùndishe, ne bikwàbò byònsò, ne bùngi bwà miliyo yàà kilòmèètà yidìbo mwà kumòna; ncyèna ncyùka abi to. Kùdi Dyulu, ne kùdi Yesù Kilistò mulelèlè Mòmù amu wàlwa mu mmwenekelu wa mubidi bwà kwakidila Èkèleeziyà Wendè kùdiye Yéyè mwine. Nànsha mùdi bwalu bumweka bwà kale bishi, bùcidi ànu Bulelèlè. Nzambi ngudi mmwambe nànkù. Ki—ki cidì beena kwitabuuja biitabuuja ncyòci aci.

<sup>98</sup> Nzambi wakamba ne: “Mémè ndi Mukalenge udi wondopa mäsaamä èbè önsò. Mémè ndi Nzambi ne mémè ncyèna nshintuluka to.” Amen! Nèнку Nzambi udi Díyì. Nèнку pìikalà Nzambi kayi ushintuluka, Díyì nedishintulule munyi? Nwamönu anyi? “Mémè ndi Nzambi, ne ncyèna nshintuluka to.” Mifündü nyidi yamba nàнку. Nzambi ngudi mucyāmbè, Yèyè mwine. Ne pìikalaye kayi mwà kushintuluka to, díbà adi Yèyè ùdi Díyì. “Ku cibangidilu kwākadi Díyì, ne Díyì dyākadi ne Nzambi, ne Díyì dyākadi Nzambi.” Díyì didi kadiyi dishintuluka adi! “Ne Díyì dyākavjiibwa mubidi, ne dyākasömbela munkaci mwètù.” Amen! Èyowà’s, mukalenge.

<sup>99</sup> Nzambi wākajuula mibidi, mu bikondo byönsò bishàala; Mósà, ne Yèhezèkèlè, ne Yelèmiyà, ne Yeshàayi, ne bàà Eliyà, pāvwa bikondo byènda bilwa, kúvwà Díyì Dyèndè dilwila bwà cikondo aku. Kadi Díyì mu kaabujima dyākamwèñeshiibwa mu Muntu ewu Yesù Kìlistò. Bwalu, Yèyè ùvwa Nzambi mu—Nzambi mu kaabujima kàà Bunzambi mu mubidi. Ki Yèyè awu muvwijiibwe mubidi. Mémè ndi ngiitabuuja aci, Díyì dyönsò.

Yobo, mukwàbò mwena kwitabuuja.

<sup>100</sup> Misangu mikwàbò, beena kwitabuuja bàdi bèediibwa ku diteeta. Kì mmisangu mikwàbò to; musangu wönsò! “Bwalu mwànà wa balùme yönsò udi ulwa kùdi Nzambi ùdi ne cyà kunyookiibwa, kuteeciibwa, kulongeshiibwa bu mwànà.” Vùlukàayi, mateeta, njila ya lupwishi, díbà dyà luuya lukolè lwà dikèngèshiibwa, kadi lulamatu lwà mwoyi wènu lüdi lütuuta cintu aci too ne pādici cikumbana bwà kubwejiibwa mu mushèètè wà kufwimba nawu. Bànà bàà Nzambi mbapungiibwe mu mùshindü mujalàme menemene pa Díyì Dyèndè, bwalu bàdi bilejilu bidì ne mwoyi, ne Díyì dyà Nzambi diikādile ne mwoyi munda mwàbò. Nwamönu anyi? Diteeta didi dilwa bwà kukunyukusha, bwà kukwinyija mu ndòndò menemene, bwà kumòna kaaba kawimanyinà. Bāvwa bateeta, bapima mwànà wa balùme yönsò udi ulwa kùdi Nzambi.

<sup>101</sup> Yobo wākapicila mu mateeta ne mateeta. Bànà bèndè bangāciibwe; bikwàbò byönsò byangāciibwe. Bidimba byà èkèleeziyà byākalwa, kumufundabo müvwaye ngènzāmpèkàātù wa mu musokoko, ne kuteetabo kwamba bintu byönsò byà kumulwisha naabi, kadi nānsha nāнку kavwa ànu muswè kuteeleja kantu nānsha kamwè kàà ku byòbi abi to. Úvwa mumanye ne ukaavwa mukùmbàje mishingā yà Nzambi. Úvwa mumanye ne kabyèna ne dikwācisha bwà Sātaanā kumuteyaye to. Úvwa mumanye ne ndyabùlù. Nèнку pācidi ànu Sātaanā mwà kumwitabuujiija ne dīsaamā dyèndè divwa n’Nzambi wendè wenza nāнку, ùvwa mukòokeshe Yobo. Kadi Yobo mmwenze ànu ulenga dibuulula adi, dyà ne kacivwa Nzambi to! Úvwa ùpicila ànu mu mateeta èndè cyanāànà bwà kumuvwiija cintu kampānda. Kacivwa Nzambi ùcyènza to. Úvwa n’Sātaanā ùvwa ùcyènza awu.

102 Ne cintu cimwècimwè aci leelù ewu. Yèyè neatèète bwà kukwambila ne mateeta aa ne bikwàbò n'Nzambì wèbè uteeta bwà kukupèèsha dinyooka. Kabyèna nàнку to. To, mukalenge. Sàtaanà ngudi munkaci mwà kwenza cintu aci, ne Nzambì mumwitabile, bwà kukutuuyisha cilunji; bwà kukufikisha ku dimòna ní udi—udi muswikiibwe ku buloba ebu, ku madyàbàkeena a pa buloba, anyi èbè mabanji ní àdi mu Dyulu. “Bwalu mwaba wònsò ùdi mabanji èbè, ke mwaba ùdi pèèbè awu.” Ncyà bushùwà. Mwoyi wèbè ùdi mwaba ùdi mabanji èbè.

103 Yobo, muteciibwe, nànsha nàнку wàkamba ne: “Ndi mumanye ne Mupikudi wanyì ùdi ne mwoyi; ku matùkù à ndekeelu Yèyè neimanè pa buloba. Nànsha paanyimà pàà misandà yà mu dikòbà dyànyì mimane kubutula mubidi wànyì. . .”

104 Nukààvwakù bamòne anyi? Misandà yà mu dikòbà yikaavwa munda mwèndè. Misandà yà mu dikòbà dyèbè yìdi munda mwèbè. Udi munda mwà mushèètà mukànga ùdi kawùyi ne lupeepèle munda mwàwù, anyi mungà mùshindù, kadi misandà yà mu dikòbà yikaadimu. Yìdi ànu munda mwèbè amu, ne yikaadi pabwìpì ne kubìikidiibwa ku mudimu pa díbà kanà dyònsò. Vùlukàayi Kaayisà, yèyè wàkadìibwa kudi misandà ànu mu mùsèèsù menemene amu. Misandà yà mu dikòbà yàkamudyà butubutu, ànu mu mùsèèsù amu, misandà yà mu dikòbà dyèndè yèyè mwine. Yìdi ànu mwine munda amu, kwònsò eku.

105 “Nànsha paanyimà pàà misandà yà mu dikòbà dyànyì mimane kubutula mubidi ewu, nànsha nàнку mu musunya wànyì nèmmònè Nzambì.” Amen! Kwèna mwà kuwùbùtula kumana to. Nànsha misandà yà mu dikòbà mimane kuwùdya butubutu, newùlwe cyàkàbidi. “Yèyè ùngààdimwènà mémè mwine. Mèsù ànyì neatangile, ne kàyi àà mukwàbò to.” Yèyè wàkacyàmbà, Yobo. Bwà cinyi? Ùvwa mwena kwitabuuja. Mu mateeta ùvwa mwena kwitabuuja. Mu dikengeshiibwa, ùvwa mwena kwitabuuja. Ùvwa mwena kwitabuuja mushùwashùwàle.

106 Yòzefù, mukwàbò mwena kwitabuuja, kavwa mwà kupanga kwikala cìvwàye aci to. Ùvwa mupròfetà. Nzambì wàkamwenza mupròfetà. Kàvwa muswè kwikala mushiilàngane ne bânà bààbò to, kadi ùvwa mushiilàngane. Nzambì wàkamuvwija cidiye aci. Muntu mukwàbò nànsha umwe kavwàkù mwà kwangata kaaba kèndè to.

107 Muntu nànsha umwe kèna mwà kwangata kaaba kèèbè to, nànsha kòkò kakesè bishi. Wèwè udi wamba ne: “Mémè ndi ànu mukàji wa nzùbù cyanààna.” Muntu nànsha umwe kèna mwà kwangata kaaba kèèbè to. Nzambì, mu cibucilu Cyèndè cinène, mmutèèke nàнку, Mubidi wa Kilistò, mu bulongàme, mu mùshindù wà ne kakwèna muntu nànsha umwe udi mwà kwangata kaaba kèèbè to. Mùshindù mwine wùndi mwà kujinga

kwangata mwaba wà Billy Graham, yònsò wa ku twètù bambi, kàdi katwèna mwà kucyènza to; kadi, vùlukàayi ànu ne, Billy kèna mwà kwangatakù kèètù kaaba to. Nwamònu's, twètù bònsò tudi ne kaaba kampànda, bàmwè bàà kutùdi mbatangadiki, bàmwè baprófetà, bàmwè balongeshi, bàmwè bampaasàtà, cyònsò citùdi aci; bàmwè bakàji bàà nzùbù, bàmwè balongolodi bàà mashinyi, bàmwè baabidimà, cyònsò cìdiku aci, Nzambi mmukutèèke pa kaaba kèèbè. Nwamònu anyi?

108 Yözefù ùvwa muprófetà. Kavwa mwà kupanga kucyènza to bwalu ùvwa mwà kumvwija bilòòtà. Kavwa mwà kupanga kucyènza to bwalu ùvwa umòna bikèènà-kumòna. Tangilàayi nùmonè mùvwàye ne lulamatu. Nànsha byòbì mwà kukosa bwobùmwè bwèndè ne bàna bààbò bishi, ùvwa ne lulamatu, bwalu ùvwa mwitabuuje bilòòtà abi. Wàkiitabuuja ne, cilòòtà cìvwaye mulòòte aci, cyà ne bàvwa ne cyà kumwinamina, myepu ayi yìvwa ne cyà kumwinamina. Byàkenzeka bwalu wàkabiitabuuja. Ùvwa mwena kwitabuuja mushùwashùwàle. Mmunyi. . .

109 Ndi ne tusunsa tutaanu; ne mabeji dikumi, monaayi mpindyewu, mònaayi, à Mifùndù mifùnda mwaba ewu. Mukàji. . .

110 Natanaela, yèyè ùvwa mwena kwitabuuja. Ncyà bushùwà anyi? Natanaela, pààkamònàye cyàkenzekà aci; ne cyàkamwenzekela yèyè, cyà Yesù ùmwambila ne yèyè ùvwa nganyi, ne kwambayè ne yèyè ùvwa mwe—mwena “Izàlèèlà menemene,” ne kakuvwa “budimù” munda mwèndè nànsha, ne kumwambilaye mwaba ùvwaye usanganyìibwa ditùkù dishààle, “ùsambila mwìnshì mwà mucì.” Yèyè wàkamumòna pàvwà—pààkamubiikilà Filipino apu. Ùvwa mwena kwitabuuja.

111 Kudi bààbùngì biimane mwaba awu, bàmba ne: “Ewu nnyumà wa dyabulu. Dyabulu ngudi wenza dyondopa dyà kùdi Nzambi.” Dyabulu wa kale awu katu mwanji kufwà too ne leelù ewu to. Batu biitabuuja ne dyabulu udi wenza dyondopa dyà kùdi Nzambi.

112 Yesù wàkamba ne: “Piikalà Sàtaanà mwà kwipata Sàtaanà, dîbà adi bukalenge bwèndè mbupandùlùke, ne bukalenge kabwèna mwà kutùngunuka to.” Nwamònu anyi? Sàtaanà wàkamba, mu. . . Kèna mwà kucyènza to. Pa nàнку, Sàtaanà kèna mwà kwipata Sàtaanà to.

113 Pa nàнку Natanaela ùvwa mwena kwitabuuja. Nènku pààkamònàye Dìyi divwijiibwe mubidi, dishindika ne yèyè ùvwa mwena kwitabuuja, wàkamba ne: “Wèwè udi. . . Laabì, Wèwè udi Kilstò awu. Wèwè udi Mfùmù wa Izàlèèlà.” Yèyè kuciitabuuja.

114 Mukàji wa ku ciinà cyà màyi awu mmwenze ànu ucimòna, pèndè e kuciitabuuja. Mmwena kwitabuuja.

Pavwa mpofo Baatimààyò. . . Pààkalwà mukàji. . .

115 Bantu bônsò bàvwa bèèla mbilà, batungùnùke. Bàmwè bàà ku bôbò bàmba ne: “Kudi cijimà... Ndi ngumvwa bàmba ne Wèwè udi ujuula bafwè. Kudi nkità mipàte patapata naabu munwemu emu; lwàku ubàbiishe. Tumonè mùdi ubàbiisha.” Nwamònu’s, dyabulu umwèumwè wákamba ne: “Wèwè ní udi Mwànà wa Nzambi, tuminabi mabwe aa díyì bwà àndàmukè mampà.” Yèyè umwèumwè awu ngwakamuswika mukùsù ku mèsù, kuMutuuta mu mutù, e kwamba... basambulujilangana mulangala, umwe kùdi mukwàbò, bàmba ne: “Mpindyewu, bu Wèwè mwà kutwàmbila ne wàKutuutù awu ngyani, netùKwitàbùùjè.” Basalaayi abu, nwamònu’s, bàvwa bàMuseka. Bivwa bimweka bu ne maàlu avwa mamuupukile, pambidi Pèndè.

116 Kadi vùlukààyì ànu ne, Nzambi ùtu misangu yònsò ànu mu cyalu. Nwamònu anyi? Yèyè udi ànu mwab’awu mudilongolole, díbà kanà dyònsò.

117 Mpindyewu Yesù wákamba ne: “Ndi mwà kwakula ne Taatù Wanyi ne dyàkamwe Yèyè ùvwa mwà kuNtumina bisùmbù dikumi ne bìbidi byà Banjèlo.” Kaa, Mwanjèlo umwèpelè mmufwànyine kwenza cinyi? Nwamònu anyi? Kadi, nudi numòna’s, kàdi Yèyè’s ùvwa mwà kutùma bisùmbù dikumi ne bìbidi ànu ku díyì Dyèndè ditùma. Kadi Yèyè ùvwa ne mudimu wà kwenza. Ùvwa ne cintu kampànda cyà dyenza. Bivwa bikèngela bwà Yèyè kupicila mu cyòci aci.

118 Udi ne cintu kampànda cyà dyenza. Nzambi ùdi ne cintu kampànda cyà wèwè kwenza. Udi mwà kwikala ne ndambu wa màsaamà à myoyi ne ntàtu, udi mwà kupeta dyediibwa dyà màyì ku makàsà, kàdi tudi tulomba bwà kubyèpela anyi? To. “Mukalenge, ùmpicishilekumu, nànsha wòwù à bishi. Nànsha wòwù à bishi, kwitabikù bwà mèmè kuèpuka to. Wòwò mandongolwela mèmè, mpeeshèku ànu ngàsà wa kupicilamù. Kwàjiki.”

119 Mpindyewu monaayi, mpofo Baatimààyò, ùvwa mumanye, ne bààkamwambila ne: “Ewu m’Mupròfetà wa mu Ngalèlè. Yèyè udi Mwànà wa Davidì. Twètù tudi tucitabuujà.” Bàmwè bàà ku beena kwitabuujà bavwa ne cyà kwikala bamwambile nàнку. “Twètù beena kwitabuujà tudi bamanye ne Yèyè udi... Mwànà wa Davidì awu.”

120 Nènku yèyè uvwa mumanye ne, pìikalabi ne Yèyè uvwa nàнку, Yèyè ùvwa Díyì adi. Nènku pìikalabi ne yèyè uvwa mumanye ne Yèyè uvwa Díyì adi, ùvwa mumanye ne Yèyè ùvwa mwà kujingulula meeji a mu mwoyi, ki kwelaye lubila ne: “Wèwè Mwànà wa Davidì, ikalaku naanyi luse.” Beena bupidyà bàvwa beela mikunda bwà *cikampànda*, ne *cikansanga*, bidimba byà èkèleeziyà. Aci kacayàkiimanyikakù mpofo Baatimààyò to nànsha kakesè. Yèyè ne: “Éyì Yesù, Wèwè Mwànà wa Davidì, ikalaku naanyi luse!”

121 Pàmwápa Yéyè kavwa mwà kuumvuwaku to. Kadi Yéyè uvwa mumanye ne ùvwa wela mbila, kadi Yéyè kwimana ne kukènzàkana. Ki mwena kwitabuuja awu. Yéyè kwamba ne: “Diitabuuja dyèbè dyàkusùngìdi.” Amen.

122 Yéyè kwambila mukàjì uvwa ne mashi alwa munda awu, cintu cìmwècìmwè aci ne: “Diitabuuja dyèbè.”

123 Bwalu, wàkamba munda mwà mwoyi wèndè ne: “Mémè ànu mwà kulenga civwàlù Cyèndè, nèngùmfwè bímpe.”

“Diitabuuja dyèbè dyàkusùngìdi.” Nwamnu’s, yéyè ùvwa mwena kwitabuuja.

124 Ncintu cìmwècìmwè aci cyàkasùngìlì William Dauch, udi musòmbe mwaba awu, ditùkù adi, mwikàle ne disaamà dyà dishiikila dyà mwoyi, ne disaamà dya mwoyi mwimane, muntu wa bidimu makumì citèemà ne cìmwè. “Diitabuuja dyèbè dyàkusùngìdi.” Bwà cinyi? Yéyè mmwena kwitabuuja.

125 Révérend Tom Kidd ewu, nànsha mùkadìye mubwele mu wendè. . . wamba kubwela, ngèlè meeji, ndambu mu bidimu bitwè ku makumì citèemà mpindyewu, byà bununu, biipacilakù. Nènu pàkaavwaye ne bidimu makumì mwandamutekète ne citèemà, kuyabo nendè ku lupitaadi ne kansèrè kàà mu mpàci wa mènýì. Ngàngàbukà kwamba ne: “Kènakù ne mpùnga to.”

126 Kadi patwàkabwela mu dindà amu, twètù e kumòna nkambwa awu ne cilàmbà cyà luuyà pa makaaya èndè, musòmbe mwaba awu, munkaci mwà kutuuta kaadikombo kakesè panshì, mwenze bu kacyi mu yéyè to. Kwambilaye mukàjì mukulakaji uvwa musòmbe mwaba awu, kumubiikilaye ne kakwèndè mukàjì; mumumanye, umwe wa ku bidimba byèndè wa bidimu ne bidimu. Yéyè ne: “Udi umweka mutòoke bu nèjè,” mupatuke mu ngeelèlù wendè wa meeji.

127 Nànsha nànkù, Bukolè bwà Nzambì pàakatuutabo cibambalu aci, s’nyéyè ewu ne mwoyi dilòlò edi. Kukaadi bidimu binaayi. Muntu wa bidimu biipacila ku makumì mwandamukulu, s’ke yéyè ewu musòmbe dilòlò edi, ne mubidi tumatuma mwikale bímpe, mwondopa ku kansèrè. Nwamònu’s, kayi mwena kwitabuuja wa budìngìbudìngì to; mwena kwitabuuja! Ki cyòci aci, itabùuja! Yéyè utu ukwacila Nzambì ku Dìyì Dyèndè.

128 Ànu byà mwomùmfwè menemene ne mpofo Baatimààyò’s. Mpofo, kadi nànsha nànkù ùvwa mumanye ne, bu yéyè mwà kukoka ntèrà yà Yesù Kilistò, ùvwa mwà kupeta civwàye ukeba aci.

129 Mukàjì awu ùvwa mumanye ne, bu yéyè mwà kulenga civwàlù Cyèndè, ùvwa mwà kupeta civwàye ukeba aci—ùvwa mwà kupeta civwàye ukeba aci.

130 Tom ùvwa mumanye. Ùvwa ne diitabuuja, bu mémè mwà kumusambidila, ùvwa mwà kupeta civwàye ukeba aci.

<sup>131</sup> Ki ndiitabuuja dimwèdimwè adi anyi dyàkambà Marta ne: “Nànsha mpindyewu mene, Mukalenge, cyònsò cyùdi Wèwè ulòmba Nzambi aci, Nzambi neàKwenzeleci; mwanèètù wa balùme mmulààle kuntu kwàka, mufwè, matùkù anaayi mu lukita; kadi Wèwè lòmba ànu Nzambi cyanàànà, ne Nzambi neaKwenzelaci?”

Yèyè ne: “Mwanèènù wa balùme neàbiike ku lufù.”

<sup>132</sup> Ki yèyè kwamba ne: “Èyowà’s, Mukalenge, mu matùkù a ndekeelu, ku dibìikà dyà ku lufù, yèyè neàbiike. Ùwva mwànà wa balùme mwímpè.”

Yèyè kwamba ne: “Kadi Mémè’s ki dibìikà dyà ku lufù adi ne Mwoyi!”

“Èyowà’s, Mukalenge, ndi ngiitabuuja aci, mémè pàànyì.”

“Nudi bamujiike penyì?” Ki cyòci aci. Kwajiki. Èyowà’s, mukalenge.

<sup>133</sup> Mukalenge-mukàji wa ku Sud awu ùwva mulwè mu lukòngò lwà beena bupidyà alu, ncyà bushùwà, ne kwimanaye mwaba awu ne kwitabuujae ciwàye ùmòna ne ncyà kùdi Nzambi. Bible mmwambe ne: “Yèyè neàbiikè ku lufù mu ditùkù dyà ndekeelu, ne lukòngò alu, ne neàlùpiishè, bwalu yèyè wàkafumina ku ntengu yà buloba bwà kutèèleja lungenyi lwà Solomo.”

<sup>134</sup> Mòsà ùwva mwena kwitabuuja. Nànsha mwàkateetaye mu mùshindù wà mamanya à mu mutù amu, wàkateeta kulonda njila yònsò uvwaye mwà kulonda awu, kàdi kàvwa mufwànyine kukùmbàna to. Wàkateeta bwà kupatula Izàlèèlà, mumanye ne yèyè ùwva mubiikidiibwe bwà kucyènza. E kuteetaye njila wa makumi. E kuteetaye njila wa búsàlaayi. E kuteetaye njila wa dilonga dyà tulaasà. Wàkateeta njila yònsò, kàdi kabivwa bifwànyine kukùmbàna to. Kadi pashiishe kulundayè njila wa Nzambi.

<sup>135</sup> Cyàkenzekà ncinyi? Kùwva Kapyà mu kaacipuka mwàmwa, dǐngà ditùkù, kàvwa kakàyi kùùmuka to. Mwaba awu ki Dìyì kwakula nendè, dyàmba ne: “NDI.” Kabìyi ne: “Mvwa,” anyi ne: “Nèngìikalè to.” “NDI.” Ne Yèyè ùcidi ànu “NDI.” Yèyè ùdi Dìyì, Dìyì dyà Cyendèlèlè, dyà kashidi.

<sup>136</sup> Mòsà kààkeelakù mpatà to. Ntàtu yàkamulwisha, bufùki bwònsò kumulwishabò, bintu byònsò bimulwisha yèyè. Kàdi, ne dikombo dikònyàngale mu cyanza cyèndè, kupwekaye e kuya kakwàta ditùnga dijimà, kudishipaye diinyija mu Mbù Mufwè mwàmwa, ne kufikishaye Izàlèèlà ku buloba bulaya. Bwà cinyi? Ùwva mwitabuuje Nzambi. Cyà bushùwà. Ùwva ne. . .

<sup>137</sup> Ki mwena kwitabuuja nyèyè awu. Tudi bafwànyine kushààla. . . Mpindyewu ndi munènge citùpà cyànyì cyà dibà pa beena kwitabuuja.



138 Ndi ne misumbà mikwàbò yìbìdi. Netùlwijakaje pa yòyi, bwalu kayèna ne mushinga to, nànsha bishi. To.

139 Pashìishe, ciibìdi, kulwaku mpindyewu mwena bùpidyà. Twànjìbi kwakula bwà mwena bùpidyà mpidyewu. Mwena bùpidyà udi wenza cinyi?

140 Tudi tumòna ne mwena kwitabuuja (cinyi?) ùdi witaba Dìyi; cisà cyònsò, lukòngò lwònsò, kuumukila ànu ku Noa, too ne ku ndekeelu. Tudi bafwànyine kwenza ngondo yisambòmbò yà ditabuluja ànu pa cyòci aci mwaba awu mene, tutwàla bantu abu. Bàdi biitabuuja. Mwena kwitabuuja kèna ùkonkoloja to. Mwena kwitabuuja ùdi ùCiitabuuja, kayi ùtangila Cìdici cyùmvwika anyi cidi mungà muntu kanà yònsò ewu mwà kwamba pa Cyòci to, nànsha Cyòci cimweka kacyi mwà kwenzeka bishi.

141 Mwena kwitabuuja ùdi ùCiitabuuja, ùdi witabuuja (cinyi?) Dìyi. Kì ntwitabàayi to; Dìyi! Kì ndingumba to; Dìyi! Kì ncidi muntu kampànda mukwàbò wàmba to; cidi Dìyi dyàmba aci! Mpindyewu, vùlukàayi ne, awu ki mwena kwitabuuja awu. Mwena kwitabuuja kèna ùkonkoloja to. Mwena kwitabuuja kèna wàmba ne: “Bidi mwà kwikala nànu munyi? Bòbò mwà kuCingumvwijaku’s!” Awu mmwena bùpidyà. Uh-huh. Mmwena kwitabuuja, yèyè, nànsha Ciikàle cinyi: “Piikalabi ne Cidi n’Dìyi, Dyòdi didi Dìyi! Aci ncilelèlà.” Ki mwena kwitabuuja nyèyè awu.

142 Mpindyewu mwena bùpidyà. Mpindyewu tudi tumòna cidi. . .Netwàngatè beena bùpidyà. Tudi tujandula ne bàakatungunuka ànu bimpè pàvwàbo bàbàtuuta byanza paanyimà ne bàbàbìikila ne bayiidi. Pàvwa ànu (bavwa) bintu byònsò byènda bilenga, bàvwa ànu bimpè. Kàdi pàvwa Mupròfetà ewu uvwàbò biitabùje ne mmupròfetà, ne bamanye ne ùvwa mupròfetà awu, uvwa mwà kwondopa babèedi, ne bikwàbò, cyàkenzàYe ncinyi? Pààkalwà Bulelèlà bwà cyà bushùwà ne ditandisha, bibèngàngàne ne civwàbò biitabuuja, kabàvwa mwà kwangata Dìyi to.

143 Bàvwa mwà kwangata bishimà, ne bàvwa bàbyenza. Bààkapàtuka ne bààkiipatà badémòns, bààkayiisha Dìyi, kadi baciikale ànu beena bùpidyà. Maatàayi 10, Yèyè kubatuma, bàbìdi bàbìdi, makumi mwandamutekète abu, ne bààkiipatà badémòns, mu mùshindù wà ne Yesù wàkasànkà, ne kwambaye ne: “Ndi mumòne Sàtaanà ukuluka bu mupenya ùfùmina mu Dyulu.” Nwamònu’s, bàkiipata badémòns; Yudaasà mwikale ànu naabò. Ki beena bùpidyà bàlwalwà aba.

144 Kàdi Yesù mmwenze ànu ubanga kwamba ne Yèyè uvwa cintu kampànda, cyà ne Yèyè ùvwa “dibìikà dyà ku lufù,” Ùvwa “Mwoyi.” “Ncinyi cinùdi bafwànyine kwamba bu nwènu mwà kumòna Mwànà wa muntu ùbanda kuvwàYe mufùmine?”

145 “Mpindyewu, Muntu ewu uteeta kwamba ne Yèyè mmufumine mu Dyulu, aci’s ncikolè menemene bwètù twètù. Katwèna mwà kuCìitabuuja to.”

146 Yèyè kwamba ne: “Ncinyi ciine aci? Mubidi unùdì nwamba awu, kawèna ne dikwacisha nànsha dikesè to. Nyumà ngudi ufùùlùlùla.”

147 S’ki bwalu mbwòbù abu. Nyumà ùdi ufùùlùlùla Dìyì. N’Nyumà, kî ntwitabààyi to. Nyumà, wa Nyumà Mwímpè, ùdi ufùùlùlùla Dìyì kùdì, ne dilwa ne mwoyi, ne ki bwalu mbwòbù abu, nudi numòna’s. Ku diitabuuja udi ucimòna. Udi mumanye ne bìdì nànkù bwalu Dìyì ndidi dyambe nànkù, ne Nyumà ùdi ufùùlùlùla Dìyì kùdì. S’ki bwalu mbwòbù abu.

148 Mpindyewu Yèyè wàkamba ne: “Ncinyi cìikalà. . .” Nènku patùdì ànu benze cyòci eci, tudi tujandula ne, beena bupidyà, paùdì wamba cintu kampànda cìdibo kabàyi bapetangana naaci to, bàdì bakushiya baya. “Ncyèna mwà mwà kuya to!” Kaa, cyàtàmbi kudyunda be, pa buloba leelù ewu. Ubanga ànu kwamba cintu kampànda. . .

149 Bàdì bàkùngwilamu. Ndi mumòne mu masangisha mbaswè kudisangisha, bisùmbù binène, kadi kwimana kuulu, kubanga kwamba cintu kampànda. Mpindyewu, pàcìdì anu. . . Bavwa basòmbe ànu mwaba awu, babandila ànu cyanààna, bindile ànu cyanààna. Pashiishe paùdì ànu wamba ne: “Mpindyewu, Yesù Kilstò wàkaDimanyisha Yèyè mwine bu Maasiya, bwalu Yèyè uvwa Mupròfetà,” nzàba awu wùlù zabazaba, upongolokela ne panshi. Muntu kampànda. . . nènku ke bóbò bayaayà bààba. Ncinyi ciine aci? Beena bupidyà!

150 Mpindyewu wèwè udi wamba ne: “Udi munkaci mwà kucikwàtakaja.” To. Mèmè ndi ngamba ànu menemene cìdì Bible wamba mwaba ewu.

151 Bavwa beena bupidyà, ne bààkapàtuka. Nànsha mùvwàbo bayiidi amu, kadi bìvwa—bìvwa bibengangane ne cìvwà. . . Bóbò kwamba ne: “Eci, nganyi udi mufwànyine kwitabuuja cintu bu Cyòci aci?” Nwamònu anyi? Bavwa Bafaalèsà ne Basadoka bàvwà bapàtùke, bààkalamakana ne bààkabwela Nendè.

152 Bwalu, nwamònu’s, pàdì—pàdì citàmbe-mfukilu cileejìbwe patòòke, cìdì cilela mìshindù yisàtu mishìilàngàne. Cyàkenzeka mu Ejiipitu. Cyàkalela mwena bupidyà, mwena kwitabuuja, ne mwena kwitabuuja wa budìngìbudìngì. Cyàkalela bitùpà byònsò bisàtu. Ncifùnda ànu mwaba ewu, too ne mutwàtùngunukà naaci mu dilòòlò dijimà emu, twenda tucyùmvwija, mùshindù ùdici. Myaba yònsò, udi ucisàngana, udi umòna ànu basatu abu. Misangu yònsò mùshindù awu, nwamònu’s, udi ubàsàngana.

153 Mpindyewu tàngilààyi, makumi mwandamutekète aa, bààkapàtuka bwalu Cyòci aci kacivwa cipetangana ne civwabo bóbò biitabuuje ne ncilelèlè to.

154 Twètù katwèna ne meeji àdiku ne mushinga to. Ncidiye mwambà Yèyè! Wèwè udi upidya webè ngeelelu wa meeji sungansunga. Wamba ànu cidìye wàmba aci. Aci's ki ditonda dyà bushùwà. *Ditonda* mbwena kwamba ne “kwamba cintu cìmwècìmwè aci.” Bu mèmè mwà kutonda ne cintu kampànda cyenzeke, ndi ngàmba cintu cìmwècìmwè cyàkenzekà aci. Ki cidì ditonda dilelèlà ncyôci aci. “Ne Yèyè m'Mwakwidi Munène wa ditonda dyètù.” Nwamònu anyi? Wamba cintu cìmwècìmwè cidì Nzambi mwambe, nwamònu's, aci ncidi cìvwiija cilelèlà, bwalu wèwè udi ànu munkaci mwà kwambulula Dìyi dyà Nzambi.

155 Mpindyewu mōnaayi, makumi mwandamutekète awu kupatukawù. Bàakenza cinyi? Nènku bōbō—bōbō bākapatuka ànu bwalu ka—kabākāpetangana to. Lwàbō—lwàbō—lwàbō lungènyi, dyàbō—dyàbō dilamakana dyà ku èkèleeziyà òvwàbo naadi, òvwa—òvwa òtamba kubàbwele. Aci cìvwa bwalu bukòlè be bwa bōbō kwela meeji, ne Muntu udi mwimane mwaba ewu, ne ki. . . Bantu bakwàbō bōnsò bavwa biitabuuja ne Aci cìvwa dilediibwa dyà mu masandi. “Kavwa ne bukenji bwà kuDìbiikila ne n'Nzambi to. Pèndè's ùvwa ànu muntu wetù ewu.” Bākamba ne: “Katwèna tuKwasa mabwe bwà cyenzi cìmpè cyùdi mwenze to, kadi tudi—tudi tuKwasa mabwe mbwalu Wèwè, mwikàle Muntu, udi uDìvwiija Nzambi.”

156 Ne Dìyi ndyambe ne Yèyè ùvwa Nzambi. “Dìna Dyèndè nedìbiikidiibwe ne 'Mubedyanganyi,' 'Mfùmù wa Ditalala,' 'Nzambi wa Bukolè,' 'Taatu wa Kashidi.'” Mmifundù yàbò mene yivwàbo bàbala ayi!

157 Nènku ditùkù mene òvwàbo bimbà Musambu awu, Musambu wa 22, “Nzambi Wanyi, Nzambi Wanyi, WàNdekèdi bwà cinyi? Mifùbà Yànyi yònsò yikaadi miNtàngile.” “Mufùbà nànsha ùmwè kawākucibudiibwa nànsha.” Musambu mwine ùvwàbo bàmbulula mu ntèmpelu awu, ki Mulàmbù awu mulembeleja wela lubilà lukolè mèyi mene àkamba Davidi bidimu nkàmà mwandamukulu kumpàla, ne bàvwa batàmbe kufofoma kabàyikù mwà kucimòna to.

158 Nènku, leelù ewu, Nzambi mwine wàkaakula bwà cikondo eci awu ùdi mu cyalu wenza ànu menemene cyākambaYe ne Neénzè aci, kadi bōbō mbatàmbe kufofoma bwà kucimòna. Ki beena bupidyà mbōbō abu. Bàdi bàpātuka bamba ne: “Kaa, mèmè ncyèna mwà kwitabuuja cintu bu Aci to. Ncitu mwanji kuumvwa byà Nànku awu to kacya bàndela!” Cyùkaadi muumvwe kacýena ne cidìci cishintulula to. Bible mmwàmbe ne neCìkaleku, ne n'Dìyi Dyèndè.

159 Kacya kabàvwaku banji kuumvwa bamba bwà Cyôci aci to, bōbō pààbò, kadi Cìvwa mwaba awu ànu mùshindù ùmwèumwè awu. Nwamònu anyi? Ncyà bushùwù. Bavwa beena bupidyà.

160 Ànu mùvwà Evà amu, ùvwa mutèndeledi wa dikema, mu bushùwà bwà bwalu, pa nànku, kadi yèyè—yèyè kàvwa

mwitabùuje Dìyì dilelèlè to. Nènkù bivwa bikèngela bwà kudyènzelayè ntèndeleelelu, ki kwenzaye ndambu wa mabeji a mfigi, nwamònu's, kadi kabìvwa mwà kukumbanaku to. *Ntèndeleelelu* mbwena kwamba ne “cibwikilu.”

<sup>161</sup> Kaayina wakenza cintu cimwècimwè aci. Kaayina kàvwa mwà kwitabuuja ne Aci civwa cyà bushùwà to. Wàkamba ne: “Nzambì ngwa cijila, Nzambì mmukezuke, ne Nzambì mmulenga kumòna. Pa nànkù nèmpetè ndambu wa bilòngò, nènkù nèngàngatè bi—bilòngò nènkù nèngenze cyoshelu cilenga, cyà cinène, nènkù nê—nèndeejè kaneemu kàànyì katàmbe kùdiYe. Mèmè nèngìmanè kumpalà kwàci, nènkù nèngìnamè kumpalà Kwèndè ne kukukwila Nzambì awu. Nènkù nènteke bilòngò na cyoshelu, bwalu, nudi bamanye's, tatwànyì ne mamwànyì bàakadyà ndambu wa bimuma byà pommes, cimuma kampànda, mu budimi bwà Edènà, ki cintu cyàkampàtulà ncyòci aci. Ne pa nànkù, aci's, nengàlukile, bwalu nèncyenze cilenga menemene. Nzambì kèna ànu mwà kubenga kàtèdralè kàànyì kanène aka to. Mona's, mèmè's nèngiikalè pàànyì mutambe bunène wa mu kàtèdralè! Nènkàlongòlòlè bikolè mu mùshindù wa kakoka ntema ya Nzambì.” Sàtaanà ngudi musòmbèle mu bulenga bwà kwìsù. Ki cyòci aci menemene cidi Mifùndu yàmba.

<sup>162</sup> Ki bwà cinyì, misangu mikwàbò, mukàjì mulenga kwìsù ncìshì cyà kwela ku ndòbo bwà Sàtaanà. Bu yèyè ànu mwà kumutwà byanza, ùdi mwà kubweja bantu balùme bapite bùngi mu iferno kutàmba mudiye mwà kwenza ne nzùbu yònsò ya binwinyì byà maala mu ditùnga emu. Ncyà bushùwà. Nwamònu anyi? Anyi, wa mfwishà, muntu mulùme kampànda munène wa mfwishà udi kayi mufwànyine—kayi mufwànyine kwimana mu lulamatu lwèndè lwà bwànàbulùme, nwamònu's, kàbìdi, yèyè udi mwà kukùpa bakàjì abu kudi dyabulu, ne kubàtùma mu iferno. Èyowà's, mukalenge.

<sup>163</sup> Monaayi, Sàtaanà utu ùsòmbela mu bulenga bwà kwìsù. Cyàkateetaye kwenza ku cibangidilu ncinyi? Kwenza bukalenga bulenga kutàmba mùvwa bwà Mikaele amu; kutentemukaye mutàngile ku Nord, e kwangatayè byàbisatu bìbìdi byà Banjèlo pamwè nèndè.

<sup>164</sup> Nudi numòna ne ùvwa mmwànà wa nganyì—wa nganyì awu dìbà adi, uvwa ne ngiikadilu awu munda mwèndè? Mwànà wa balùme wa Sàtaanà's. Ncyà bushùwà menemene, ki mùvwàbi. Mpindyewu yèyè wàkiibaka cyoshelu, ne wàkatwà binù ne wàkakukwila. Wàkapìcila mu byònsò bìvwa (Kaayina) Abèlè mwenze abi.

<sup>165</sup> Kadi Abèlè wàkamanya ne kacivwa aci to. Yèyè... Mashi ki àkabàpatulà. Ùvwa mumanye ne civwa ncyòci aci. Civwa dyangatangana dyà mulùme ne mukàjì, mashi. Nànkù ke kwangatayè kànà kà nyama, e kukàlambulayè pa lubwebwe, e kukòsàyè muminu wàkò.

166 Monaayi Kaayina, yêyè... Nzambi wàkamwambila, Wàkamba ne: “Bwà cinyi kuyiku ukuukwila bu mwanèènu, nànkú’s newènzè bîmpè. S’newènzè bîmpè wêwè mwenze nànkú awu.” Kadi, to, yêyè’s uvwa mumanye byàbúngì pa bwalu abu. Nwamònu’s, wàkabenga Dîyi dyà ku muji, dishindika adi. Pìikala aci ní kî ncidi bânà bendè leelù ewu’s! Nwamònu anyi?

167 Mpindyewu tàngilààyì ne: “Nzambi ùkaavwa mufile bujaadiki,” mudi Bible mwambe. Ebèlu nshapità mwi4, anyi nshapità wa 11: “Nzambi mwikàle ùfila bujaadiki bwà dipà Dyèndè, bwà ne yêyè ùvwa mwakane.” Nzambi wàkashindika mulàmbù wèndè. Nzambi wàkafila cijaadiki cyà ne cyòci aci ncivwaYe mwitabe; civwa n’Dîyi Dyèndè, ndongamu Wendè.

168 Ki kwambilaye Kaayina, wàmba ne: “Enza cintu cimwècimwè aci, ne wikalè ne mwoyi.” Kadi nudi nwela meeji ne mmufwànyine kucyèza anyi, mmufwànyine kulekela mmwenenu wèndè anyi? To, mukalenge. Yêyè ùvwa mwena bupidyà, kadi kupatukaye ànu kuya. Ncyà bushùwà. Kaayina wakenza cintu cimwècimwè aci. Nimelòòdè wakenza cintu cimwècimwè aci. Beena bupidyà! Kàkiitabuuja to.

Beleshààsà, cintu cimwècimwè aci, nànsha nànkú, anyi. . .

169 Nebukadanèèsà, nànsha mene mùvwàye ne Danyèlè bu nzambi wèndè amu, mumwinyike ne Beleshààsà, civwà dîna dyà nzambi wèndè, wàkamòna Danyèlè wèza byenzè binène byà Nzambi. Ne dîbà adi yêyè ùvwa mumanye ne—ne Beleshààsà awu ùvwa mwitabùùje, anyi ne Danyèlè ùvwa nzambi, ki kumwenzelayè cimfwànyì, e kucibandishayè pambelu apu ne kwenzèjayè muntu yònsò bwà kucikukwilayè, ne bikwàbò. Nwamònu’s, bukalenge bwà bàà Bisàmbà byà bendè bwàkabwela ne dyanzeja ku bukolè bwà dikuukwila dyà cimfwànyì cyà muntu munsantu, nènku bukalenge bwà bàà Bisàmbà byà bendè budi bùjika ne dyanzeja ku bukolè dyà cimfwànyì cyà muntu munsantu, nwamònu’s, mùshindù ùmwèùmwe awu.

170 Ne kùvwa mufùndù ku cimanu, wà myakulu myenyi, ku cibangidilu cyà bukalenge bwà bàà Bisàmbà byà bendè, ùvwa muntu nànsha umwe kayi mwà kubala to pa kuumusha mupròfetà awu. Ne kudi mufùndù ku cimanu leelù ewu, ncyà bushùwà, “Ikabòde,” bwà ne butùmbì bwà Nzambi mbumane kuumuka ku bintu abi. Ne mufùndù ukaadi ku cimanu ne udi mwà kubadiibwa kudi meeji à nyumà àdi itabuuja bintu byà nyumà, àdi malediibwe kudi Nyumà wa Nzambi.

171 Mukùlàkaji ewu Beleshààsà ùdi ùpàtuka ùkangata mpànzà yà Mukalenge, bwà kunwìnamù mvinyò. Bwa cinyi? Ùvwa mwena bupidyà. Ùvwa wela meeji ne mmwena kwitabuuja, kadi ùvwa mwena bupidyà. Nwamònu’s, ki cyòci aci, wàkabenga kwitabuuja Dîyi.

172 Aakàbà, yéyè uvwa mwena bupidyà, nànsha mùvwàye—mùvwàye wènza maalù bu ne kàvwa mwena bupidyà amu. To, to, yéyè ùvwa munkaci mwà beena kwitabuuja, kadi ùvwa mwena bupidyà. Wàkenza cinyi? Wàkasèla mukuukwidi wa mpìngù, ne wàkaditwala, dikuukwila dyà mpìngù adi, buludi mu Izàlèlèlè. Ùvwa mwena bupidyà. Aci kaayi tudi bamanye.

173 Bàdi bavila Dìyi dyà Nzambì ne kí ndilelèlè dyònsò to. Mwena bupidyà awu, nwamònu's, mpindyewu vùlukàayi ne, yéyè mmwena lubombo. Nènku yéyè—yéyè ùdi wènza malu mùshindù awu, ùdi wàmba ne ùdi ùCìitabuuja, kadi ùdi ùCivila. Wàkamba ne: “Èè, byàbùngì byà ku Cyòci aci mbìmpè.” Kadi piikala byònsò abi kabiyi bijaalame to, dìbà adi aci cìdi cimuvwija mwena bupidyà. Bìkèngela witabuuje kantu ne kantu kwònsò, ne byònsò bìdì byambiibwe Mwòmò amu abi. Bìdi bìkèngela bìikale bìlèlèlè. Cyòci kaciyi cìlèlèlè to, wèwè mwambe mpindyewu ne: “Mémè ncyèna ngiitabuuja Aci to,” èè, dìbà adi udi mwena bupidyà.

174 Kuvwa muntu kampànda wàkangambila, musangu kampànda, mwambi kampànda—kampànda kwambaye ne: “Ncyena ncyùka to, Mukalenge Branham, bantu nànsha bòbò bùngì bishi biine baùdiku mufwànyine kupatula ne—ne mwambè ne mbondòpiibwe abu, mémè ncyèna mufwànyineku kuciitabuuja to.”

175 Mémè kwamba ne: “Ncyà bushùwà ne, kwèna mwà kuciitabuuja to. Wèwè udi mwena bupidyà. Kacìvwa bwèbè wèwè to. Cìdi ànu bwà beena kwitabuuja.”

176 Bìkèngela ùCìitabùùjè. Nwamònu anyi? Kadi bòbò kabeena bàCìitabuuja to. Nènku panùdi numòna muntu mu cyòci aci, Pòlò (muprofeta) ùvwa mubinge pààkakulàye, wamba ne nebìikalè “bapapè mitù, badìbàndishi, banangi bàà bisànkasànka kutàmba kwikala banangi bàà Nzambì; biikale ne cimwènèkelu cyà difwànà dyà Nzambì, kadi biikale bavila Bukolè bwàdì, Bukolè bwà Dìyi; bàà nàнку awu abu uumuka kùdìbo.” Monaayi, bòbò bàdi bavila Dìyi mu kaabujima, kadi mu mmwenekelu yònsò mbatèndeledi. Mbeena bupidyà mu Dìyi dìlèlèlè, nànsha mùDìdi dishìndikiibwe.

177 Mu cikondo ne cikondo cyònsò, Nzambì wàkashindika Dìyi dyà bantu bangàmbì abu, Noa, ànu nàнку too ne ku Mòsà, ne bapròfetà bònsò, ne bakwàbò. Nzambì wàkaakwila ku citàmbe—mfùkilu ne kushìndika Dìyi, kadi nànsha nàнку bantu abu bàkapatuka ànu pambèlù pààDì.

178 Kadi ki bayiidi mbòbò aba biimane mwaba awu, bàà makumi mwandamutekète abu, biikale batàngila Yesù wènza bintu byàkenzàYe abi, ne bamanye Mifùndù, ne Yéyè ubàmabila ne ki cikondo cìvwa cìkèngela bwà cyòci eci kwenzekaci. Ne pashìshe pààkambàYe cintu kampànda ne: “Mwànà wa muntu! Nudi bafwànyine kwamba cinyi?” PààkabangàYe kubambila

bwà dicibula dyà dyâmpà, ne bikwàbò, ne kutùngùnùkaYe ne kubàmbila bwà bintu binène, byà nyumà.

Ki bôbò kwamba ne: “Kaa, Edi’s ndiyi dikolè be!”

<sup>179</sup> Yèyè kwamba ne: “Cinwamba pashiishe ncinyi piikalabi ne, Mwàna wa muntu, pànwàmumòna ùbànda mu Dyulu mudiYe mufùmìne amu?” Mwàkambàye ne: “Mmubidi anyi, peeshi n’Nyumà, udi ufùlùlùlula?” Nwamònu anyi?

<sup>180</sup> Ki pashiishe kuyabo, bamba ne: “Kaa, Aci, to, mèmè ncyèna mwà kwitabuuja Aci to.” Nwamònu anyi? Bààkapatuka buludi, bàshiyà Díyì. Bôbò kabààkushàalakaku too ne ku dimòna cidi cyenzeka to. Ki—ki mwena bupidyà nyèyè awu.

<sup>181</sup> Bôbò, cidibo benza díbà adi ncinyi? Tudi tujandula ne bôbò, ne bantu aba, beena kwitabuuja aba, beena kwitabuuja bàà ku dínà abu, kadi mu mmwènekeli yà ntèndeleelelu, kadi bàdi bàpanga kumòna Bulelela bwà Díyì dyà Nzambi bumanyishiibwe bwalu Didi dibèngangana ne cidibo biitabuuja. Nwamònu anyi?

<sup>182</sup> Cyúdi witaabuuja kaciyèna ne cidici cishintulula to, nànsha wèwè mwikale ne lulamatu lwà bishi, nànsha wèwè mwikale mutèndeleelelu wa bishi, anyi, aci kaciyèna ne cintu nànsha cìmwè cyà dyenza naaci to. Meeji matòòke, mòna’s, aci kaciyèna ne dipetangana nànsha dikesè ne cyôci aci to. Mèmè nkaadiku mumòne bantu bàà meeji matòòke bikolè! Mèmè nkaadiku mumòne bampàngaanu bòòsha bânà bààbò balela, bàbadiisha kudi ngandù, baamaamù ne bânà bààbò bàà mu mabòko. Aci’s nciitambe ne cidi mwena Kilistò mufwànyine kwenza. Nwamònu anyi? Ne meeji matòòke ònsò bàdi biitabuuja, ne meeji matòòke ònsò, kadi bàvwa bapiile ne meeji ònsò matòòke.

<sup>183</sup> Bantu bàdi bamba ne: “Èè, èkèleeziyà ewu’s ùtu kacya wimana!” Aci, wèwè udi mupiile ne meeji ònsò matòòke, piikalàci cibèngangana ne Díyì. “Èè, mpindyewu tàngilà, mèmè ncyèna ngiitabuuja cintu bu nànkù to!” Pààbi, Bible’s mmwambe ne Bivwa nànkù, nànsha nànkù! Nwamònu anyi? “Ncyèna ngiitabuuja ne bìdi bikèngela bwà twètù kwenza Eci to.” Nànsha wèwè wela meeji ne kabyèna bikèngela bwà wèwè kwenza aci to. Nzambi ngudi mwàmbe ne cidi ne cyà kwenjiibwa.

<sup>184</sup> “Bimanyinu ebi nebìbàfile.” Too ne penyì? “Too ne pa buloba bujima.” Nganyì? “Kùdi cifùkiibwa cyònsò.” Nwamònu’s, neciikaleku! Mpindyewu, neciikale, neciikale ne cyà kwikalaku!

<sup>185</sup> Nènku Mukenji wa díbà edi utùdi tusankila mpindyewu ewu ewu, Bwikadi bwà Nzambi, ditùkù dyà ndekeelu, díbà dyà dilòlò didi Makènkè ateema, ne bintu bìdi bikàngùdiibwè, ne Díyì dishindikìibwe ne dijaadikìibwe ne m’Bulelèlà; eku byambiibwe mu cipròfetà, eku byènzeka, ne ku maalù à mamanya ne byònsò, bijaadikìibwe ne Cidi: “Yesù Kilistò umwèumwè awu makèlèlèlà, too ne kashidi.” Nènku, muntu

ùmuka wèla Acì nyimà, yéyè—yéyè mmwena bupidyà. Kakwèna ditekemena bwèndè yéyè to. Ùkaadi mukòkèshiiibwe kudi bukòlè bwà Sàtaanà, pa nàнку kakwenaku ditekemena bwèndè yéyè to. Yéyè ukaadi mumane kusambuka ditekemena.

<sup>186</sup> Ncinyi aci mpindyewu? Mwena kwitabuuja; mpindyewu mwena bupidyà; mpindyewu musùmbà mwísaatu, utùdi twakula bwalu bwàwù, ngwà mwena kwitabuuja wa budingibudingi. Ki nsongalùmè awu, mwena kwitabuuja wa budingibudingi! Mpindyewu, vùlukààyi ne, mwômò amu mùvwa mwimane bwònsò basatu. Mpindyewu, tudi tujandula mpindyewu ne, bàdi benza menemene ànu mudi tatwàbù wenza amu, Yudaàsà.

Kuvwa Peetèlo ne bàpostòlo bakwàbò, beena kwitabuuja.

Kuvwa makumi mwandamutekète abu, beena bupidyà.

<sup>187</sup> Nèнку kùvwa Yudaàsà, kacya ànu wàbàlamata, ùvwa mwena kwitabuuja wa budingibudingi. Cìdìbo benza ncinyi? Ewu mmùshindù ùdì kacya ànù wàshààla mulamate too ne pàdìbo bapeta cintu kampànda, cilema mu Cyòci amu. Bàdi misangu yònsò bakeba katàmbà kàà kwapuka naaku, kumòna mudibi byenzeka, kumòna ní kùdi mwà kwikala diyelè kampànda, nní budimù kampànda. Mbindile bwà kusùmbishiibwabo ne kasukì. Mbindile cyòci aci.

<sup>188</sup> Mwena bupidyà, kèna nànsha windila pabwìpì menemene to. Ùdi uCìpiisha, kàdi kukwata njila kuya.

<sup>189</sup> Mwena kwitabuuja yéyè, nànsha kwenzeke cinyi, yéyè ùdi ùCìitabuuja, nànsha byà munyi, bwalu Cìdi n'Dìyi.

Ki misùmbà yènù yisatu nyòyi ayi.

<sup>190</sup> Mwena bupidyà wa kale awu neàpàtuke kuya, ànu pa cintu cyà kumpàla cìdi cyambiibwe, cìdiyi kàyi muciswe aci. Mwanèètù, ki piikalaye mwà kuleeja mwèndè mudiye ànu piine apu mene. Yéyè's mmwena bupidyà. Pòlò mmwambe ne: “Bààkapàtùka munkacì mwètù, bwalu kabàvwa bàà kutùdi to, ànu kwine ku cibangidilu aku's. Bààkabànga nèètù.” “Kaa, nuvwa nunyeema lubilu bìmpè; cyanùpùmbishi ncinyi?” Nwacimònu anyi? “Bààkapàtùka, bwalu kabàvwa bàà kutùdi to.” Pàdìbo bamòna Dìyi dyènda diya ditungunuke bipwàngàne menemene, mòna's, bàvwa bajinga kupeta budimù kampànda bùvwàbo mwà kwenza. Nwamònu anyi?

<sup>191</sup> Kadi beena kwitabuuja balelèlè kabèèna bàkonkolola kantu nànsha kàmwè to. Ncìfùndìibwe mu Dìyi, ne bòbò bàdi baCìitabuuja, nèнку bàdi ànu bàtùngùnuka. Kwàjiki. Misangu yònsò, bààkafùnda ne. Byòbi kabiyi bifùnda to, mòna's, shaala wèwè ànu kule naabi, nànsha ní ncinyi cyenzeke. Bikèngela ciikale Cifùnda. Nwamònu anyi? Ne bòbò bàdi bamòna Dìyi difùnda adi ne baDìitabuuja. Nèнку bàdi bà mòna Nzambì ùkwàta mudimu mu Dìyi Dyèndè, bà mòna dìbà, Mukenji, cikondo, ne bàdi benda naaDi.



192 Ànu mûngãmbi mu dindà emu, mùshindù ùvwà mukùlumpè Pilaatu mwà kwikala mubùngùluke panshì, bufùku abu, ne dilubakana dyà kondo kèndè kàà mwoyi, ùteeta bwà kudikezula. Kì yèyè kwamba, ekèlekèle, díbà adi kakùyì mpatà to ùvwà mwele mbila butùkù bujimà, wàmba ne: “Ndi—ndi—ndi—mwôwe byanza byànyì, bufùkù bujimà, kadi nyewu nciyi ànu mwà kuumvwa to. Nwamònu’s, kí mbikezuke to. Ncyèna mwà kuya bwà katwilangana Nendè to; ndi ne Mashi pa byanza byànyì.” Kaa, ekèlekèle! Wamònu’s, kwikadi mupiile ku cyôci aci to. Nwamònu anyi?

193 Àdi pa byanza byèbè. Kudi mùshindù ànu umwèpelè wùdi mwà kuUmusha; ngwa, kulatabuuja, ncyà bushùwà, kushààla citùpà cyàWù. Kì cívwaWù meeelèlè panshì aci.

194 Mpindyewu, mwena kwitabuuja wa budìngìbudìngì ùdi ànu kacya wàlamata ne wenza maalu ànu bu muntu wa difwànà dyà Nzambi ne mwèndè mwònsò mudiye naamu, kadi munda mwà mwoyi wèndè ùdi munkaci mwà kuteeta bwà kupeta cidi—cidi, nwènù, mùshindù unùdi nucyenzà. Kaa, ditùnga’s ndyùle ntèntè ne musumbà awu, wà beena lubombo! Èyowà. Awu’s n’Yudààsà. Aci’s mmwòmò menemene. Kacya ànu wàlamata, mushaale citùpà cyà musumbà awu; ùvwà mulami wa cibucilu, nwamònu’s. Ùdi ùjembelela, ùdi ànu ne cyanza cyèndè cyolola bwà mfranga. Udi mwà kumòna aci, cintu cimwèpele aci, yèyè utu misangu yònsò wènda wìpatangana ne mfranga, ne mwikale ne cyanza cyolola bwà cyôci eci. Ne yèyè mmwena kwitabuuja wa budìngìbudìngì. Ùdi wenza maalu bu mwena kwitabuuja, kadi munda mwà mwoyi wèndè. . .

195 Nudi bavùluke ne, uvwayè ùdìnga kàvwa Yesù to. Paanyimà pàà makumi mwandamutekète abu bamane kuumuka, ne beena kwitabuuja bamane kwangata dyàbò dipàngadika; kí Yèyè kukudimuka kudi beena kwitabuuja, kwambaYe ne: “Kucidi ànu cintu kampànda mu nwènù amu,” bwalu wàkamba ne: “Ndi munùsungule dikumi ne bàbìdi, kadi umwe wa kunùdi ndémon.” Yesù ùvwà mumanye, kwambwila ànu ku cibangidilu aku, bwalu Yèyè ùvwà Díyi. Ùvwà mumanye maalu masokòme à mu mwoyi.

196 Mushindu mwine ùvwàbi bikolè’s! Yindilàayi kakesè. Elàayi meeji mu ndòndò, mu ndòndò menemene, buludi! Mùshindù mwine ùvwàbi ne cyà kwikala biMukolèlè’s, wenda ànu mwaba awu, ne muntu mwikale uMubiikila ne: “Mwanèètù,” ne mumanye díbà dyònsò ne yèyè awu ùvwà museeswishanganyi uvwa mwà kuteeta kuMutonkola awu, ne kuMusumbisha ku binjànjà byà mfranga makumi àsàtù. Mùshindù mwine ùvwàbi bikolè bwà kucilama munda mwÈndè, eku wènda ne mulunda Wendè awu. KwambaYè mene ne: “Mulunda,” ùbiikila Yudààsà ne mmulunda Wendè, “mémè ewu ncyèna neenù, díbà dyònsò edi anyi?” Mwikale mumanye munda mwà mwoyi Wèndè, kàdi kayi mwà kucyàmba to. Ùvwà mumanye, kacya ànu ku cibangidilu aku, ne nganyi mwine uvwa mwà kuMutungila awu.

197 Ki mwena kwitabuuja wa budingibudingi udi ànu mwindile awu. Yèyè neimbè aci, wamba ne: “Kaa, ndi ngiitabuuja *cikampànda*, ne ndi ngiitabuuja *cikansanga*, ne ndi ngiitabuuja *cikankènga*. Kadi, kaa, nudi bamanye’s, mémè kuumvwa muntu kampànda wamba ne mmisangu bungi *kampànda*.” Kaa, nwamònu’s, mwikale ànu ne maci mabàwula.

198 Mwena kwitabuuja mulelèlà katu ùmvwa cintu nànsha cimwè to ànu Dìyi. Kwajiki. Udi utabaleela Dìyi. Kèna ùkèba tutàmbà twà kwapuka naatù to. Kèna ùkèba mayele to. Yèyè ùdi witabuuja Nzambì, nènku aci cidi cikosa bwalu, nènku ùdi utungunuka ànu ne kuya. Nwamònu anyi? S’ki mwena kwitabuuja nyèyè awu.

199 Mwena bupidyà ùdi ùpàta mu kasunsa kàmwè, ne kènà mwà kushàala uteeleja Mukenji munda mwà tusuunsa dikumi to. Bìkèngela ajuukè àpàtukè aye’s. Aci’s cidi cibengangana ne twitabàayi wendè, ne yèyè mwine kààkwikala ne cikwàbò kàbìdì cyà kwenza pa bwalu abu to, pa nànkù ùdi wela mulwà uya.

200 Dìbà adi, mwena kwitabuuja wa budingibudingi awu ùdi ànu kacya wàlamata cyanààna, Yudààsà awu. Nwamònu’s, ki mudingyanganyi nyèyè awu. Awu ke—awu ke mubule kaneemu awu, bu mémè mwà kwamba dīyi bu nànkù. Yudààsà, ùdi wènda ùjembelela. Eci ke cikondo, misangu mikwabo, beena kwitabuuja bàà budingibudingi aba bantu mbabànge bikolè. Ncyà bushùwà, beena kwitabuuja bàà budingibudingi aba, nwamònu’s. Bàmwè bàà kùdìbo mbalùmè bàà bukolè, balonge tulaasà, dipolome dyà docteur, difutu dinène, ne bikwàbò byònsò. Bàmwè bàà kùdìbo mbantu banène, bantu bàà luumvu lulenga lwà wòò, ànu mudi bàna bàà Sàtaanà bafwànyine kwikala amu.

201 Tàngilàayi mudì Sàtaanà mubànde kuntwaku ne mupetàngane ne kantu ne kantu kwònsò kàà ku Dìyi adi; ùdi ànu mwindile bwà kupeta kaaba katekète mu Evà, pàdiye mwà kulejila bukolè bwèndè bwà kumuseeswiishila naabu, bwà kumutungila. Awu ùvwa—awu ùvwa Sàtaanà. Nènku’s ki Sàtaanà ewu, mu mmwenekelu wa Yudààsà, mu cikondo aci. Awu ùvwa n’Sàtaanà mu cikondo cyà kumpàla aci. Yèyè uvwa cinyi? Ùpetangana ne Dìyi too ne pàdi ànu kantu kakesè kàmwèpelè; ùdi ùteeta bwà kupeta kaaba kàà kupetelaye butekète kampànda.

202 Nènku ki cyôci aci menemene cidi Yudààsà usangana mpindyewu mene. Neàlwe ànu ne mu disangisha, ne ukenzakana too ne pàdiye mwà kupeta kaaba kakesè aku, kàà yèyè ne: “Kaa, s’ki bwalu mbwòbù abu! Ki cyôci eci!” Nwamònu anyi? “Kaa, s’ki mùshindù awu ùdìbi byenjiibwe!” Nwamònu anyi? Ànu menemene’s.

203 Bààbungì bàà kunùdì mbavùlùke kuntwaku dilòlò adi pààkapàtukà muntu awu pa cibumbà cyà ku cyambilu apu.

Ûvwa wela meeji ne kùvwa lubùku lwà mu meeji lwà dibala dyà twarta twà disambila, ne muvwaye ùdyambidila ne wacijandilù ànu pa dibà adi mene. Mwanèètù, yèyè—yèyè's ùvwa mutwishiiibwe ne mmucyènzè. Ki kulwayè mwaba awu. Ûvwa wa mu èkèleeziyà utu kàyi witabuuja mu—mu—mu ebi, mu Èvànjeeliyò, Èvànjeeliyò mu kaabujima. Ke kubàndayè pa cibùmbà cyà ku cyambilu apu. Mvwa mucyòke. Bàkaavwa badilongolola bwà kuya naanyi.

<sup>204</sup> Kùvwa nku Windsor, mu Ontario. Mwômò amu, mufùmìne ku—ku Ètats-Unis kwàka, bapìcile ku Detroit, ku Windsor, dibàlaasà dinène adi.

<sup>205</sup> Ki muntu ewu kubàndayè mulwàte nkoozi mufikùluka, ne cilàvwandà cikunze, umweka muntu wa meeji, wa meeji matwè ngwèng. Kulwayè pa cibùmbà cyà ku cyambilu. Ki mèmè. . . Yèyè kubànda. Ki mèmè ne: “Èè, anji lekèlè nkukwàtè ku cyanza cyèbè aci.” Mèmè ne: “Ndi mucyòke; nkaadi mumòne bikèèna—kumòna byàbùngi be. Lekèlè nkwatè ànu ku cyanza cyèbè aci.” Nènku—nènku ncivwakù mutangila muntu awu to. Ki kutèekaye cyanza cyèndè pa cyanyi. Ki mèmè kwamba ne: “Mukalenge, kwena ne bwalu bubì to. Ndaaku kúyaaya.”

Yèyè ne: “Kaa, pààkù's, kùdi bwalu.”

<sup>206</sup> Ki mèmè ne: “Èè, enzabi mmòne mwaba awu tǔng.” Mèmè ne: “To, mukalenge, kakwèna cimanyinu nànsha cimwè to. To, mukalenge, wèwè udi muntu wa mubidi tumatuma.”

Yèyè ne: “Ndà utangile karta kàanyi kàà disambila!”

<sup>207</sup> Mèmè ne: “Cyùdi wèwè mufùndishe pa karta kèèbè kàà disambila nànsha ciikàle cinyi.” Mèmè ne: “Ncyèna bwalu ne karta kàà disambila to,” nciyi ngeela meeji to, nwamònu's. Mvwa mucyòke ne muzengele. Nènku wanyi. . . Kadi ngàsà wa Nzambì, nudi numòna's, ùcivwa ànu mwaba awu.

<sup>208</sup> Vùlukaayi ne, Yèyè mukutume, mMwenzejiibwe bwà kukucyùka. Ki mmèmè to; n'Yèyè. Yèyè ngudi muCìtume. Ndi ne cyà kwimanyina ànu pa cidi cilelèlè.

<sup>209</sup> Pààkeelà Mòsà dikombo dyèndè panshi, kwandamukadi nyoka, ne beena majimbu kwenzabò cintu cimwècimwè aci, cìvwà Mòsà mwà kwenza ncinyi s'ànku kwimana mwaba awu ne kwindila ngàsà wa Nzambì's? Kwajiki. Cintu cimwècimwè aci. Wàkalonda mèyi matùma. Kadi's nudi bamanye cyàkenzekà, kì mmwòmò anyi? Nwamònu anyi?

<sup>210</sup> Muntu ewu kwambayè ne: “Mpindyewu,” mwàkambaye, “kùdi cintu kampànda. Tàngilàayi karta kàanyi kàà disambila.”

<sup>211</sup> Mèmè kwamba ne: “Èè, s'udi mufwànyine kwikala mupete diitabuuja dyàbùngi, ne ciine aci cifwànyine kwikala cicyènzè,” kuyi wela meeji to, nwamònu's. Mèmè kwenza. . . nciyi mukutume nànsha ntèmà to.

212 Dìbà adi kukangulayè mbòtá yà nkooci wendè e kutùntùmikayè cyádi cyèndè. Kwambayè ne: “Ki cyôci eci’s!” wambila bateèleji.

Ki mêmè kudyàmbidila ne: “Cidi munkaci mwà kwenzeka apa ncinyi?”

213 Kukenzakanaye. Yêyè ne: “Kadi’s ki bwalu mbwòbù abu!” Yêyè ne: “Udi umòna budimu anyi?” Ki Yudaàsà wenù nyêyè awu, mutèndeledi, muyiishi wa dīgumba dinène. Yêyè ne: “Kadi’s ki bwalu mbwòbù abu! Mêmè mvwa ne ‘diitabuujà dyàbùngì be.’ Mpindyewu, yêyè mmutekète menemene, mu mùshindù wà kayi mwà kubala lubùku to. Nwamònu’s, kacjena kàbìdì cimuvwila to.” Ki yêyè awu ne: “Kì ndiitabuujà dyànyì divwà dinène menemene to.” Yêyè kwamba ne: “Ndi mucifunde pa karta kàà disambila, kadi mpindyewu yêyè kèna mwà kuçikwata to, wamònu’s.” Yêyè ne: “Ki budimù abu!”

214 Ki mêmè kudyàmbidila ne: “Cidi munkaci mwà kwenzeka ncinyi?” Dìbà adi ngàsà wa Nzambì kupwekayè.

215 Mêmè kwamba ne: “Mukalenge, mbwà cinyi bùdi dyabulu mutèeke munda mwà mwoyi wèbè bwà kuteeta kushima Nzambì?” Yudaàsà wa cyena leelù! Mêmè kwamba ne: “Udi wa mu église de Christ. . .” Numfwilaayikù luse. Èè, ngàmanyi kucyàmbà’s. “Wèwè udi muyiishi wa mu église de Christ. Udi wa mu église de Christ, wa mu États-Unis mwàmwa. Ne muntu mulùme udi musòmbe mwaba awu muvwàle nkooci wa bleu wàwa, ne mukàjèèbè ne mukàjèndè bàdi basòmbe mwaba wàwa bàba, nuvwa basòmbe ku mèèsà dilòòlò dishaale àvwà mabwikila cintu kampànda cyà màyi à matàmbà pamutù, cya—cyadija mùshindù ewu, ne wèwè kudifwànyikijila ne eci civwa ‘lubùku,’ ne nùvwa nùlwa dilòòlò edi.”

216 Muntu awu kujuukaye kuulu. Kwambayè ne: “Aci mbulelèlè ànu pa bòbò. Nzambì, mfwileku luse!”

217 Mêmè ne: “Mukalenge, wèwè’s udi mufunde ‘Disaamà dyà cyádi ne kansèrè’ pa karta aku, nènku mpindyewu wabipeci. Bikaadi byèbè mpindyewu.”

Ki kunkwataye ku mukòlò wà mupanu, kwambaye ne: “Mêmè ncivwa. . .”

218 Mêmè kwamba ne: “Mêmè ncyèna ne cyà dyenza to. Tùngùnukà wèwè ànu ne kuya. Abu mbukutangile wèwè ne Nzambì. Udi mufunde dipiila dyèbè ànu pa karta kèèbè apu.” Nènku aci kadi kumupyasi. Ki cyònsò civwàku ncyòci aci.

219 Nwamònu’s, beena kwitabuujà bàà budingibudingì, baseeswiishanganyi, bateeta kupeta cilèma kampànda kùdì Nzambì ne ku Diyì Dyèndè. Ki baa Yudaàsà mbòbò abu. Ki bòbò abu. Nudi numòna mùvwà Yudaàsà mupàtùke anyi? Nudi numòna mùvwà muntu awu mupàtùke anyi? Mùshindù awu ke udi beena kwitabuujà bàà budingibudingì bènza. Nwamònu’s,

beena kwitabuuja bàà budingibudingi, kaa, biikale balonge tulaasa tutumbuke, ne misangu mikwàbò, diteetangana dinene dyà makàndà didi dilwe pankaci pàà Dîyi ne twitabàayi yàbò. Nènku, pàdibi byenzeka nàнку, badi bàdisumbisha ku dingumba dyàbò ànu menemene mùvwà mudyanjididi wabò mwenzè amu, Yudààsà. Yudààsà wàkadisumbisha kùdi dingumba dyèndè; kusumbisha Yesù, Dîyi, kudi dingumba dyèndè, ne kutungilayè Yesù Kilstò paanyimà pàà yèyè mumane kwamba mùvwàye citùpà cyàDì.

<sup>220</sup> Bambi misangu mikwàbò balaka mukana bàmba mudibo basadidi bàà Kilstò, ne pàdi Dîyi dimanyishiiibwe mu kaabujima bwà kushindikiibwa bwà ditukù adi, bwà ne m'Mukenji wà dîbà adi, nènku nebàdìpàanyishe pambelu apu bwà dimanyika, kudi dingumba dyàbò; ànu menemene mùvwà Yudààsà mwenze, mutungile Yesù kudi Bàfaalesa ne Basadoka. Nyumà awu katu ùfwa to, pa nàнку awu ke yèyè awu munkaci mwà beena kwitabuuja, beena kwitabuuja bàà budingibudingi, ne beena bupidyà. Nwamònu's, aci's mmmwòmò menemene, kupweka kadi kupànyisha Yesù ku binjànjà byà mfranga makumi asatu; ne bantu bààbùngi nebàcyenze leelù ewu bwà ticket wa byàkudya, bwà lukàmà lwà ndola lwà nsàkìdilù ku lumingu; ncyà bushùwà, bavila Nzambi udi mwimane munkaci mwàbò awu, wàkasumba mwoyi wàbò awu, ne mwikale ne Dîyi mu kaabujima.

<sup>221</sup> Nènku nebàmbè ne: “Kaa, matukù à bishimà awu's akaadi mamane kupita!” anyi ne: “Nzambi kèna dijinga ne cintu bu nàнку leelù ewu to.” Nwamònu anyi? “Kaa, mèmè's ndi ngiitabuuja Yesù Kilstò, Mwànà wa Nzambi! ‘Mwoyo Mariyà, maamù wa Mvidi Mukulu, ùdi wa dyàkalenga munkaci mwà bakàji!’” Bintu bikwàbò byònsò bidibo bàmba ebi! Ki bàmwè bàà kùdibo kwambabo ne: “Mèmè ndi ngiitabuuja Twitabàayi wa Bàpostolò. Ndi ngiitabuuja Nzambi Taatù, wa Bukolè bwònsò, Mufuki wa maulu ne buloba. Mèmè ndi ngiitabuuja èkèleeziya wa cijila wa Kàtolike kàà cyena Loomo, ne bintu byònsò ebi.”

<sup>222</sup> Ngambilaayi tûng dîbà dikaavwaku kacya mupostolo mupeteku twitabàayi wa mùshindù awu. Pìikalabi ne bapostolo bavwa ne twitabàayi umwèpele, kadi's ngudi mufundiiibwe mu Byenzedi 2.38 ne: “Nyingalalaayi nubatiijibwe, muntu ne muntu wa kunùdi, mu Dîná dyà Yesù Kilstò, bwà dilekelediibwa dyà mpèkaatù yènù, nènku nenùpetè kupà kwà Nyumà Mwímpè.” Pìikalaku twitabàayi kampànda kùdìbo, s'ùvwa nyèyè awu. Kabavwa ne twitabàayi to. Civwa n'Dîyi. Aci ncilelèlè. Cìdi cishààla ànu cintu cimwècimwè aci. Ki kabeji kàà bwanga nkòkò aku bwà dyondopiibwa dyà dîsaamà dyà mpèkaatù: “Nènku nenùpete kupà kwà Nyumà Mwímpè! Nyingalalaayi ne nubatiijibwe bwà dilekelediibwa dyà mpèkaatù, nwamònu's, nènku nenùpete kupà kwà Nyumà Mwímpè.”

223 Kadi bàdi bàdisùmbisha, bu Yudaàsà. Ki mwena kwitabuuja wa budingibudingi nyèyè awu. Bàmwè bàà kùdibo bàdi ne dimanya diyiiila ne panshi. Kadi mwena kwitabuuja wa budingibudingi ewu, tangilàayi mulùmyàna awu. Ki muntu wa budimù nyèyè awu. Kalùmyànà kadi maalu akatonda lukasa, ne katupika, kadyela kaya, ku cyambilu cikesè cyònsò cìdiku kakayi kaswe to, kwèna uteya ntema kudiye to; yèyè ùdi ànu mwena bupidyà cyanààna, twamb'eku twamb'eku. Kadi panùdi numòna mulumyànà ewu, mwena kwitabuuja wa budingibudingi, kacya ànu watungunuka, nwamònu's, s'ki Yudaàsà nyèyè awu. S'nyèyè awu.

224 Bu mamanya manène. Nèntèèle mèna mwab'ewu. Byòbi biine, ncyà bushùwà ne kabivwa bikèngela mèmè kucyenza to, kadi nèmbatèèlè, nànsha byà munyi, bwà nwènù kucimanya. Byenze bu mùdi, Elvis Presley, Red Foley, Ernie Ford, Pat Boone. Elvis Presley, mwena Mpenta; Pat Boone, église de Christ; Red Foley, mulami mu église de Christ; ne ndi ngeela meeji ne Ernest Ford m'Méthodiste. Nènku bantu bònsò abu ne mamanya awu, bàà meeji matwè, ku telèviyò. Ne bantu bàdi bàmba ne: “Èè, kì mbatèndeledi anyi? Bàdi bimba misambu.” Aci kacyna cyùmviwija cintu nànsha cimwè to. Èyowà's, mukalenge. Bàseeswisha bàà pa buloba!

225 Cìdibo bàpètàmù ncinyi? Yudaàsà ùvwa ne tucyelè twà binjànjà makumi àsàtù. Elvis, cisumbù cyà ma Cadillac, ne lukama, anyi nkàmà yibidi, miliyò lukama ne makumi ataanu yà ndola, anyi ndola mùliyò mujimà pa mikàbà ya mèyi ne bintu byà mùshindù awu. Pat Boone ne bakwàbò abu. Nànsha bòbò biikale bàà mu èkèleeziyà kaayi, ne bikwabo byònsò, bìdi ànu lubombo. Ndiitabuuja dyà budingibudingi. Ncibadi. Bwalu, nsòmbelu wàbò ùdi ujaadika ne, kabyena nàнку to. Mmwòmò.

226 Pashiishe kùdi bângà bàdi ne mamanya biikale balongolodi banène, lungenyi lwà buloba ebu. Bàdi bayiisha Èvànjeeliyò, mudibo bàmba's; bantu bàà meeji matwè, beena mamanya a mu mitù. Teelejàayi, muntu udi mwibidijibwe mu cipaapu aci, kì mmuyiishi to. Mmwenji wa miyiiki. Ki lutàtu lùdiku leelù ndòlù alu, tudi ne benji bàà miyiiki.

227 Yesù kàakambaku ne: “Ndaayi nukayiile bwà kwenza cikampànda to.” Yèyè wàkamba ne: “Ndaayi nukayiishe Èvànjeeliyò, ne bimanyinu ebi nebifile diyiiisha.” Nwamònu anyi? Nwamònu anyi?

228 Aci kì nkuyiila bwà kufumba mwenji wa miyiiki udi mwà kwimana ànu cyanààna, èkèlekèle, kubàpaya ne bintu byà bituuta ku mèsu abi, wenza ne udyũmwè bu ne udi musòmbe mu bwikadi bwà Mwarkanjèlo. Kì mmwòmò to. “Biikale ne cimwenekelu cyà difwànà dyà Nzambi,” nudi numòna's, aci's mmwenji wa miyiiki, kì n'Nyumà Mwimpè mu cyenzedi to.

229 Muntu mukesè kampànda wa kàyi mufwànyine kumanya nànsha ABC to, mmufwànyine kupweka ne Bukolè bwà diitabuuja pàmwè ne Díyi; kadi kwenza ne Nyumà Mwîmpè énzè bintu bìdi muntu awu kàyiku mumanye kantu nànsha kàmwè pa byòbì to, ne ùbivila. Nwamònu anyi? S'ki bwalu mbwòbù abu.

230 Bantu banène! Èyowà's, mukalenge. Dîbà adi, mbalongolodi. Bàdi bàtante, bàtuute dyàkalenga, bàà meeji matwè mu lungenyi lwà pa buloba.

231 Ànu menemene mwàkenzela Sàtaanà Evà, mukàji mukese, uvwa kàyi ne pàbwàsà awu. Wàkalwa buludì kudiye e kuteeta kumusumbishayè lungenyi lwà ne neyikale ne meeji matwè kupita mùvwàye, nènku ki cìvwàye ukeba ncyòci aci. Pamutù pàà kushààla ànu ne cìvwà Díyi dyambe, yèyè—yèyè ùvwa muswè kumusumbisha lungenyi lwà ne yèyè mmufwànyine kwikala ne meeji matwè ngwèng, nènku mukàji kusumba cintu cyèndè aci. Nènku bôbò bacidi ànu bènza cintu cìmwècìmwè aci leelù ewu. “Lungenyi lwà pa buloba ebu ndukutakane bwà Nzambi.” Èyowà's, mukalenge.

232 To, mukalenge! Kaa, ekèlekèle, cintu ànu cìmwècìmwè cìvwà Bàfaalèsà bapaane, ne benze aci, nwamònu's, biikale ne lungenyi lùvwàbo bamanye alu. Kàdi—kàdi bàvila Díyi dyònsò dyà Nzambi mu kaabujimà.

233 PàdiDi dishindikìibwe ànu menemene ne babajàadikìleDì, bàcidi ànu bàteeta kupeta cintu kampànda, ne kwela meeji ne Ndiijmbu. Kì mbashindàme mu meeji àbò to. Kabèèna mwà kuCùitabuuja to. Udi mwà kubàmbila cintu kanà cyònsò, kàdi bàlùkìlaku kabìdi; ùdi mwà kubàmbila cintu kanà cyònsò, bàdi ànu bàlùkìla kabìdi. Nènku bàdi ànu. . . Nènku kabèèna mwà kuCitukija mu ndòndò to, nwamònu's. Nènku batangilaayi; bàdi bakeba mpùngà kampànda, katàmbà kàà kwapuka naaku. Ki cyònsò cidìbo bajinga aci.

234 Ki bwalu abu, bu ne kabivwa bwà ngàsà wa Nzambi, tutàmbà tònsò twà kwapuka naatu tùvwàbo mwà kupeta mu mèmè atu nùнку twediibwe patòòke, bu mèmè mwà kwikala naatu. Nwamònu anyi? Nngàsà wa Nzambi, bwalu kakwèna tutàmbà twà kwapuka naatu mu Díyi dyà Nzambi to; ànu Èvànjeeliyò mululame. Ntu ngàmbà pa ciibidilu ne, muntu kanà yònsò ewu, wèwè mummòne ndongesha anyi ngènza cintu kanà cyònsò cidì kacyi cinwangana menemene ne Díyi dyà Nzambi to, lwàku ùngambile. Ki cintu cidì cijikija tutàmbà twà kwapuka naatu tunùdi nuteeta kupeta atu ncyòci eci. Tangijàayi ànu mèsù ènù pa Cyòci aci, ne kanwàkumòna tutàmbà twà kwapuka naatu atu to, bwalu kakwèna tutàmbà twà kwapuka naatu nànsha.

235 Mpindyewu vùlukàayi, Yudààsà wàkeela meeji ne ùvwà mupetè kàmwè. Mulumyànà awu ùvwà wela meeji ne ùvwà mukàpetè. Misangu yàbùngi, bàtu beela meeji ne bàdi bàkàpeta, kadi cidì cijaadikiibwe ne kí ncyòci to. Ki beena kwitabuuja bàà

budingìbudingì, beena lubombo mbòbò abu. Badi byà lukàmà makumi citèèmà ne bitaanu pa Dìyì, ànu mùvwà kàbidi Evà, kadi, makumi citèèmà ne citèèmà ne byà dikumi citèèmà; kadi cìvwà cyà dikumi cìmwè aci cìvwà cikèbà lufù ne tunyinganyinga twònsò atu.

<sup>236</sup> Ki cintu cìmwèpelè cidi cipiisha bulongolodi ne bikwàbò ncyòcì aci, bwalu kabèèna bàngata Dìyì dyà Nzambi mu kaabujimà to. Ki beena kwitabuuja bàà buidingìbudingì abu's. Tudi tusangana ne ki mùtùbi misangu yònsò, kàdi bavila Dìyì dilelèlè, dishindika. Bòbò aba bàtu misangu yònsò mu lukongo ne lukongo lwònsò. Tudi tubàsangana ànu padibo bènda baya apu, kàbidi batèndeledi bà njànjàmà.

<sup>237</sup> Mpindyewu, nkaadi ndilongolola bwà kujikija mpindyewu mene, bwalu ndi mwangate citùpà cikwàbò cyà dībà.

<sup>238</sup> Yesù, tudi tujandula ne Yéyè mmutùdimwije bwà matùkù à ndekeelu aa ne bantu bàà mùshindù ewu, bwà ne nebìikale batàmbà kufwànangana ne cintu cilelèlè menemene, mu mùshindù wà ne nebìikale bafwànyine kakuyi mpatà to kuseeswisha ne Basungula mene. Ncinyì aci? Abu mba Yudaàsà, ba—bantu bàdi baya ntàntà mule be. Tàngilàayi, bàdi—bàdi mene mwà kwela mbila, beela mbila mikolè, balaka mukana bàmba mudibo biipata badémons, ne bikwàbò byònsò, kadi pashìshe kukudimuka kàdi kuvila Dìyì. Menemene's. Bàdi ne cimwènèkelu cyà difwànà dyà Nzambi. Mbafwànyine—mbafwànyine—mbafwànyine pàmwè ne . . .

<sup>239</sup> Tàngilàayi numòne kwàkafikà Yudaàsà. Nyumà wa Yudaàsà wàkadifinda mu Èvànjeeliyò, too ne ku mwaba wà Mpenta. Kadi pàakafika dībà dyà dibatiiza dyèndè mu Dìnà dyà Yesù Kilistò, ne bintu bikwàbò bidì byènda ne dibatiiza dyà Nyumà Mwìmpè ebi, e kupatukaye. Kuleejaye cìvwàye. Ne nyumà awu ùdi mwà kusòmbèla mu mangumba awu amu too ne padiye ukafika ku Bulelèlè abu, dībà adi didi dyàlukila dyàkamwe cyànyimà, ànu mùdi nyumà udi pa bòbò awu, uvwa mudyànjdila dilwa dyàbò awu; ànu muvwa Yone mudyànjdile dilwa dyà Yesù amu.

“Mpindyewu wèwè udi wamba ne: ‘Yesù's mmwambe ne nebìikalè batàmbe kutwàngana nkundù menemene.’”

<sup>240</sup> Mpindyewu: “Basungula,” bàà mùshindù awu ke bàdi ne dìnà dyàbò mu Mukàndà, kacya ku difùkà, dyà Mwoyi, bàdi biitabuuja, anyi difùkà dyà dyulu ne buloba, bàdi biitabuuja Dìyì dyònsò dyà Mwoyi. Ki Basungula mbòbò abu.

<sup>241</sup> Mpindyewu tàngilàayaaku bantu aba. Mpindyewu, ndi ngàmba bwalu ebu ne kaneemu ne diciina dyònsò, ne dinanga dyà difwànà dyà Nzambi; mèmè ncìyi naadi to, ndi—ndi—ndi—bidi bìnkèngela dibiikila dyà ku cyoshelu, mèmè mwine. Monaayi, Yesù wàkamba ne mbafwànyine kuseeswisha Basungula mene. Mpindyewu, aci kì ncifwànyine kwikala ba-Méthodistes to, aci kì ncifwànyine kwikala ba-Baptistes



to; tudi bamanye ne mbeena bupidyà, ànu kwine kwònsò aku. Kadi, mbulongolodi bwà beena Mpenta buvwa bubweje mu dingumba adi, badyèlèle mikàlù yàbò, kabàyi ne Dìyi to; ne beele mukalu ne batèèke bulongolodi bwàbò bôbò biine, ne bakàngile Dìyi pambelu pàà bimanu. Bôbò's mbafwànyine kuseeswisha ne Basungula mene, bafwànàngàne ànu menemene! Bàmba ne: "Bàdi badila myadi. Bàdi beela mbila. Bàdi batupika baya muulu bàalukila. Bàdi bàmba mùdìbo ne masangisha à dyondopa." Kí mwàkenzà Yudaàsà, ne kí mwàkenzà bakwàbò bònsò abu pààbò. Pààkapàtukàbo, bààkaalukila benda basànka ne bikwàbò byònsò, bàvwa mene ne ménà àbò mafùnda mu Mukàndà wà Mwoyi wà Mwànà wa mùkòòkò.

<sup>242</sup> Kadi, vùlukàayi ne, Mukàji-musela kèna—kèna—kèna ubwela mu kasùmbu aku to. Ùdi ùya mu Dyambwibwa.

<sup>243</sup> Ku Cilumbulwidi, cilumbulwidi civwa citèèkùibwe ne: "Ne mikàndà yàkabuuludiibwa, beena lwonji; ne Mukàndà mukwàbò, ùdì Mukàndà wà Mwoyi, wàkabuuludiibwa," nènku kùvwa Mukàji-musela mwaba awu bwà kulumbulwisha. Nwamònu anyi? Nwamònu anyi? "Mukàndà mukwàbò wàkabuuludiibwa, ùdì Mukàndà wà Mwoyi." Kí mìkòòkò ku lumwè luseke, ne mbuji ku luseke lukwàbò. Nwamònu's, bantu bavwa bafwè kale wàwa, bàvwa kabàyikù bapete mpunga to, bôbò kí bìikalà ne cyà kutàpùludiibwa.

<sup>244</sup> Kadi mpindyewu monaayi, "kuseeswisha" Basungula mene, tàngilàayi kasùmbu aku. Kí kasùmbù kàdì ànu kènda kàlondà ànu menemene aku ne: "Eyowà's, mwanèètù. Alèluuyàh! Eyowà. Butùmbi kùdì Nzambì's wè!" Ne ànu munda mwà mwoyi wèbè menemene amu udi umòna cidìbo bàkwàcila neebe mudimu aci; mbwà kukubweja mu èkèleeziyà (bwà cinyi?) bwà kubwejamu musùmbà, bwà kubàngata dikùta dyònsò didìbo mwà kupatulamu adi. Nudi nwela meeji ne ncyèna mumanye aci anyi? Mbafwànyine kwela meeji ne ncyèna mucimanyè to, kàdì ndi mucimanyè.

<sup>245</sup> Yesù ùvwa mumanye, kuumukila ku cibangidilu, ne museeswishanganyi awu uvwà nganyi. Nwamònu anyi? Nwamònu anyi? Kàdì cyàkenzaYe ncinyi? Wàkindila ànu cyanàànà too ne pa diine dìbà adi. Kí citùdì ne cyà kwenza misangu yònsò, kwindila too ne pa dìbà adi. Kwenji bwalu mu wèwè mwine to. Indila too ne pa kasunsa aku.

<sup>246</sup> Biikale ne-...mmwenekelu, ne bàtùngùnuka, aku ke kasùmbù kaseeswiishi aku. Tàbaleelàayi museeswishanganyi awu, kasùmbu aku; kí mwena—kí mwena kwitabuuja to, kí mwena bupidyà to, kadi mwena kwitabuuja wa budìngìbudìngì awu. Kaa, èkèlekèle! Cidìbo bènza ncinyi? Mbàtùngùnuka ànu ne kwenda kuya too ne pàdìbo beela meeji ne bàdì mwà kupetaku cintu kampànda, bàdyàpule cicyele cyònsò cyà mfranga cidìbo mwà kupàtùla mu bantu, nwamònu's, ne

pashiishe benda bàbyùngwijila mu mangumba manène aa; àdi kakuyi mpatà to abengangana, kàdi pààbò mbacimanyè. Nwamònu's, mbacimanyè.

247 Cyùdi wamba kacỳèna ne cidìci cishintulula to. Bàtu misangu yònsò ànu bàdyànjila kudìmwija bantu bààbò kumpàla kwà wèwè kulwa ne: “KanùCitàèlejiku to.”

248 Muntu kampànda, mwikàle ne dikima dyònsò bwà kwimana mu Ohio mwàmwa, ànu dìbà divwà Mwanèètù Kidd mwondopiibwe adi, kupatukaye pa cibumbà cyà ku cyambilu apu, e kwambayè ne: “Mpindyewu, Mwanèètù Branham mmupròfetà, kakuyi mpatà nànsha yà kànà to, padiye mu dilaabiibwa. Kadi mpindyewu,” yèyè ne, “pàdi dilaabiibwa adi dimuumuka,” yèyè ne, “kanwitabuujiku Dilongesha dyèndè to, bwalu Ndibi.”

249 Kadi yèyè kàvwa mumanye ne, pàmvwà musòmbe mu cibambalu cyànyì, Mukalenge uvwa mucimbuulwilè. Ki mèmè kupweka buludi mwaba awu. Nènku bààbùngì bàà kunùdi bàvwàpu. Mèmè kwamba ne: “Mbwa cinyi bùdi muntu mufwànyine kwamba cintu bu nàнку, padi Dìyì. . .” Mpindyewu, nwamònu's, kacya mèmè ncitukù mwambe ne ndi mupròfetà to; yèyè ngudi mwambe nàнку.

250 Nènku mupròfetà, mwaku awu *mupròfetà*, “mwena lùmònò,” Dipungila Dikulu- . . . Mpindyewu, ngumvwijilu wa Anglais wa *mupròfetà* ùdi uswa kwamba ne “muyiishi.” Kadi *mwena lùmònò* wa Dipungila Dikulukulu ùvwa muntu uvwa ne “Dyumvwija dyà Nzambi dyà Dìyì,” ne ùvwa mujaadikiibwe kùdi Dìyì divwa dilwa kudiye ne ùdyanjila kucimòna. Ki cìvwà. . .

251 Kadi muntu udi mwà kwamba ne muntu kampànda mmupròfetà, kadi pashiishe kwamba ne Dilongesha dyèndè ndyà mafi? Piikala aci kaciyi cilukabatà cyà mfranga, ncinyi aci? Dìbà dikaadi pabwìpì dyàkokiibwa cintu aci mu cyalu. Èyowà. Kàdi awu ke mùshindù ùdi, mwena kwitabuuja wa budingibudingi awu, ukutuuta cyanza paanyimà, ùkubiikila “mwaneètù,” ànu bu Yudaàsà menemene. Kadi, vùlukààyì ne, Yèyè ùvwa mumanye kacya ku cibangidilu. Yèyè ùcidi ànu mumanye. Èyowà's, mukalenge.

252 Vùlukààyì ne, bònsò bàdi batèèleja mukàbà wà mèyì ewu abu, pààbò, ncyà bushùwà, nudi mu kàmwè kàà ku tusumbu atu. Ncyà bushùwà menemene. Mpindyewu tukàadi tujikija. Muntu yònsò udi kaaba aka, ùsanganyiibwa kaaba aka, muntu yònsò udi utèèleja mukàbà wa mèyì ewu; ne nànsha mùdìbi ne ditùkù dikwàbò nebikengele bwà mèmè kuumuka pa buloba ebu, mikàbà yà mèyì eyi neyitungunuke ne kwikala ne mwoyi. Ncyà bushùwà. Nwamònu anyi? Nènku udi mu kàmwè kàà ku tusumbu etu. Bìdi bikèngela bwà wèwè kwikala mu kàmwè

kàà ku twôtò etu. Mmwômò menemene's. Kanwèna mwà kupàndùkàkù to. Udi mu kàmwè kàà ku tusùmbu etu.

<sup>253</sup> Mpindyewu cinyi? Fwànàngana ne muntu wa mu Bible utu mwitábùùje, mwaba uwàkiitabuuja Dìyi pààkashindikiiibwaDi, bu mungàDijaadiki dilòlò edi amu, bwà ne civwa n'Dìyi dishindika misangu yònsò, misangu yònsò ànu bibengangane ne diitabuuja dyà bantu bònsò.

<sup>254</sup> Bu ne uvwa ne mwoyi mu matùkù à Noa, mpindyewu ngánji ànu nkonke cyanààna, nduseke kaayi lúvwà mufwànyine kwikala, luseke lwà èkèleeziyà anyi luseke lwà Noa, mupròfetà awu? Nwamònu anyi?

<sup>255</sup> Bu ne uvwa ne mwoyi mu matùkù à Mòsà, uvwa mwà kwikala mwitabuuje mukenji wa Mòsà paanyimà pàà Wòwò mumane kwikala mujaadikiibwe ne mushindikiiibwe kudi Nzambì anyi? Kàdi uvwakù mufwànyine kwikala muyè ne Koola ne Daatànà, ne bakwabo abu, ne kwamba ne: "Wèwè kwèna muntu wa cijila ànu nkaayebe to. Bantu bakwàbò bàdi mwà kwenza bintu byùdi wenza ebi, bóbò pààbò" anyi? Nwamònu anyi? Uvwa mufwànyine kwikala umwe wa kudibò, ne ke cyùdi, dilòlò edi.

<sup>256</sup> Anyi uvwa mufwànyine kwikala ne Danyèlè, anyi ne èkèleeziyà uvwa kwinshì kwàka mu difesto dyà Nebùkandanèèsà divwàbò munkaci mwà kwenza adi? Nwamònu anyi? Uvwa mufwànyine kwikala pambelu, anyi uvwa mufwànyine kwikala ku difestò dyà mutooyi aku, mwa—mwandà wà mikùkuuku uvwabo munkaci mwà kucyònkomokela awu?

<sup>257</sup> Úvwa mufwànyine kwikala ne Eliyà, muntu uvwa mwimane nkààyendè awu, ubiikidiibwa ne: "muntu mukulakaji wa cimfiikààmunda, muntu mujimije lungenyi," ne mwimane pa lusongo lwà kakùnà, ne mutù wèndè mwikale wèngelela mwaba awu ku dîbà, ne dikombo dikònyàngale mu cyanza, nyuunyi yimudiisha, uh-huh, muntu kampànda wa cimfiikààmunda? Anyi uvwa mufwànyine kwikala ne baakwidi ne bakwàbò bònsò abu kuntwaku ne Izàbèlà, ne bakàji bavwa bavwale mwvadilu wa cyena leelù abu? Nènku Eliyà mwimane kuulu mwaba awu, munkaci mwà kubàtândisha, ne mwèndè mwònsò! Nduseke kaayi lúvwà mwà kwikala muye ne mukàjèèbè? Elangana ànu meeji cyanààna. Anji kudifwànyikijilabi ànu cyanààna dilòlò edi tûng.

<sup>258</sup> Mu matùkù à Yesù, uvwa mufwànyine kwikala ne Mwànà wa balùme uvwa kàyi ne mikàndà yà dijaadikiibwa naayi ewu anyi? Kavwa ne mikàndà yà dingumba nànsha dimwè to. Bóbò kwamba ne: "Udi mufùmine ku cilongelu kaayi? Katwèna Nèbè mu mikàndà yètù to. Munyi mùdi upeta elu lungenyi? Munyi mùdi mufwànyine kwikala mulonge twètù katùyi kacya baKulongeshe bintu ebi? Mmu cilongelu kaayi mùdi mupicile? Wèwè udi Méthodiste, Presbytérien, anyi Baptiste?" Yèyè kavwa

nànsha wa ku cimwè cyà ku byòbì abi to. [Mwaneèètù wa balùme kampànda ùdi wàmba ne: “Ûvwa ne Dìyì.”—Muf.] Ncyà bushùwà. Yèyè ùvwa Dìyì. Ncyà bushùwà menemene, mwanèètù. Udi . . .

<sup>259</sup> Anyi uvwa mufwànyine kwikala mwangate luseke lwà Bàfaalèsà bàà diitabuuja dyà cyena leelù dyà mwakwidi wa kale mudipwekeshe awu uvwa umwèka ànu bu wa kalolo ne maalu malenga à dikema, ne bulongolodi bwàkajuuka kacya ku Nsangilu wa ku Nicée abu, anyi kacya ànu Luther wàcivwija bulongolodi? Anyi mmu kasùmbù kaayi—kaayi kawùvwà mufwànyine kusanganyiibwa? Uvwa mufwànyine kwikala usanganyiibwa ku . . . Nkasùmbu kaayi kawùvwà mufwànyine kwikala naaku? Uvwa mufwànyine kwikala mwimane ne Dìyì paùvwà muDìmòne dishindikiiibwe ne dijaadikiiibwe kumpàla kwèbè, Dìvwa m’Mukenji wa ditùkù, anyi uvwa mwà kwikala mutwà ku cyà èkéleeziyà? Mpindyewu anji ànu kudifwànyikijila nkààyèbè dilòòlò edi.

<sup>260</sup> Ûvwa mufwànyine kwikala kwàka ne bàpostòlò, pàakamònbò Yesù ne bintu byònsò bidì kabiyi byùmvwika ebi, pàakasaminaYe bayiishi abu, wàmba ne: “Nudi diswa dyà nyoka”? Bayiishi bàà meeji matòoke, bàà kale abu bavwa balonge Dìyì adi. Yèyè kwamba ne: “Nwènu nudi ànu nyòngòlo wa bìvì, ne nudi—nudi bùle ntèntè ne mifùbà yà bantu bafwè. Nwènu nudi ànu cimanu cilaaba lupèmbà.” Nwamònu anyi? “Nwènu lukòngò lwà nyòkà yà ntòokà nwé.” Nuvwàku bafwànyine kwimana ne Muntu wa ciji cikolè wa mùshindù awu, wakiimana kuntwaku ne kutàndisha ne kushimbwila byònsò panshi awu anyi? Yèyè kwamba ne: “Nganyi wa kunùdì aku udi mwà kuMpiisha bwà mpèkaatù? Pangìkàla Nciyi mwenze cidì Taatù mwambe to . . .”

<sup>261</sup> Bòbò kwamba ne: “Kanutèelejiku to. Muntu awu udi ne nyumà mubì pambidi Pèndè. Mmupàle. Mmutomboke. Ûdi—Ûdi ne nyumà wa dyabùlù pambidi Pèndè. Nwamònu anyi? Mpindyewu, kùdì . . . mùdìYe wènza aci, Yèyè, aci’s nnyumà wa lubùkù munda Mwèndè. Wèwè udi wamba . . . Yèyè ùdi cinyi? Mamwèndè muMulelè kumpàla kwà yèyè ne bàyèndè kusèlanganabò. Nwamònu anyi? Nwamònu anyi? Mmu cilongelu kaayi mudiYe mupatukile? Katwèna nànsha ne bujaadiki bwà ne Yèyè mmuyèku mu kàlaasà kàà mbangilu nànsha.”

<sup>262</sup> Kadi nànsha nànkù pàcìvwàYe ne bidimu dikùmi ne bibìdì, Yèyè wàkakèmesha ne wakafwisha bakwidi bundu, ne Dìyì dyà Nzambì. Nwamònu anyi? M’Mupatukile mu cilongelu kaayi? Cilongelu cyà ku Dyulu. Nwamònu anyi? “Panwàmòna Mwànà wa muntu upweka ùfumina kudiYe mufùme.” Nwamònu’s, ki cìvwà cilongelu Cyèndè aci’s.

<sup>263</sup> Kadi uvwàku mufwànyine kwikala mwimane ne bàpostòlò, kùdì Muntu wa mùshindù awu, pàakalwà diteetangana dyà

makàndà anyi?

<sup>264</sup> Anyi uvwa mufwànyine mu bushùwà bwà bwalu mwà kwikala muyè ne makùmi mwandamutekète abu, ne mwamba ne: “Èè, twètù netwàlukile ku èkèleeziyà wètù piikalabi ne mùshindù awu ki uWàlongeshà, wamba ne, Wèwè, ‘Mwànà wa muntu’? Pààbi, twamb’eku twamb’eku, Wèwè udi nganyi? Wèwè udi cinyi? Muntu ànu bu mèmè ewu, tudya Neebè, kadi uteeta bwà kwamba ne Wèwè udi cintu kampànda. Ndi mukujôje Wèwè. Ngàmònu butekètè Bwèbè. Ndi muKumòna udila mwadi. Ndi muKumòne wenza *cikampànda*, *cikansanga*, anyi *cikankènga*. Ndi muKumòne Wèwè uya neetù mu cipeèlà, ne bikwàbò byònsò byà mùshindù awu mpindyewu, kadi’s Wèwè udi ànu muntu wètù ewu. Kadi wamba Mùdi mufùme mu Dyulu. Abi’s bìdi bimpicila.” Wèwè uvwa mufwànyine kwikala mupàtuke muye naabu anyi? Anyi uvwa mwà kwikala mupàtuke ne makumi mwandamutekète abu? Anyi uvwa mufwànyine kwikala mwende ne bapostòlò ne Kilistò?

<sup>265</sup> Pààkateeta Martin Munsantu kulama dibàtiiza mu Dìnà dyà Yesù Kilistò, mu èkèleeziyà, pàvwàye uteeta bwà kulama bimanyinu ne maalu a kukèma ne bikwàbò apu, ne èkèleeziyà wa Kàtòlikè wakapiisha muntu awu ne kàyi nànsha mwà kumujingulula to nànsha kakesè, ne kumwipatayè, uvwa mufwànyine kwikala mwangàte luseke lwà twitabàayi wa cyena Kàtòlikè, anyi uvwa mufwànyine kwikala mwimane ku luseke lwà Martin Munsantu? Pààkabèngàye kukùdika bimfwanyi byà mishindù yònsò ebi byà—byà bantu bafwè, ne kubikuukwila, kukukwila byòyi bimfwanyi abi, ne bikwàbò, pààkabèngàye mèyi maswika àvwàbo basàkidile awu, wàkamba ne: “Dìyi dìikale Bulelèlà!” Ne Nzambì wàkamushindika ne bimanyinu binène ne maalu a kukèma, ne bìvwàye ùdyànjila kwamba bìvwa byènzeka. Ne byònsò byàkenzàye abi, wàkendela mu Nyumà wa Nzambì ne kucijaadikaye, nènku nànsha umwe wa ku bansaserdòsè abu anyi ni ncinyi cyònsò kacivwa mwà kwenza bwalu nànsha bumwe pa cyòci aci nànsha. Uvwa mufwànyine kwikala mwangate luseke lwèndè muye ne Martin Munsantu, anyi uvwa mwà kwikala muye ne twitabàayi wa cyena Kàtòlikè awu?

<sup>266</sup> Mpindyewu Dìyi, mpindyewu Dìyi dyà Nzambì anyi mèyi maswikà à èkèleeziyà, bìdi kumpàla kwènù. Nudiku mwà kwangata, kwitaba cidi mèyi maswikà à èkèleeziyà, anyi nudi nwangata cidi Dìyi dyàmbà?

<sup>267</sup> Vùlukàayi ne, mu bikondo byònsò bivwa ànu bu mudibi mpindyewu emu mene. Kudi misangu yònsò ànu diitabuuja dyà bantu bònsò munkaci mwà bantu, ne ciine aci citu misangu yònsò ànu cibengangane kakesè ndambù ne Dìyi dilelèlà. Vùlukàayi ne, kacya kabituku byanji kwikala byà kuCivila ku cyàbwàshì nànsha. Kaa, to. Mufwilàkanyi ne Kilistò katu uvila Dìyi to. Ncyà bushuwa’s. Yèyè ùdi wamba ne mmuDiitabuuje,

kadi kadiyi ànu dyônsò mùshindù ùdiDi Difùndiibwe apa ewu to. Nwamònu anyi? Nwamònu anyi?

<sup>268</sup> Sàtaanà wàkambila Evà, Evà kuCìitabuujayè cyônsò, pa kuumusha ànu katùpà kakesè cyanààna kàakamwambilàye aku. Bàdi baCyàngàta ànu cyônsò pa kuumusha ànu katùpà kakesè cyanààna, nkafwànyine kwikala, “nda ku ciina cyà mâyi,” nkafwànyine kwikala cinga cintu; bikèngela nuDyàngàtè, katùpà ne katùpà kwônsò, ànu mùdiDi *Apa* emu, nwamònu’s, ànu mùdiDi dyambilbwe *Apa* emu, ndifwànyine kukwenzulwija byenzedi byà dyàmbedi kàbìdi, kàdi cidi ànu cidi Dìyi dyambè. Edi ndiyelè dyà Sàtaanà kacya ànu wàkwata naadi mudimu dyàmbedi pa Evà, ànu bwà kubenga kwitabuuja kakesè cyanààna Dìyi.

<sup>269</sup> Nèku, misangu yônsò ditu ànu ditapulula bitùpà bisatu byà bantu ebi, Dìyi didi ditapulula bantu aba. Mu cikondo ne cikondo cyônsò bitu ànu mùshindù awu. Cikondo cyônsò cikàadiku eci, bitu ànu mùshindù awu, pàvwà Nzambi útuma cintu kampànda mu cyalu ne kuCimanyisha bitòòke tòò, Dìyi Dyèndè.

<sup>270</sup> Dìbà adi kùdi aba bàdi balonda, bàdi bàmba mùdìbo beena kwitabuuja, ne ncìdìbo. Kùdi bàdi kabàyi baswè kukudimuka to. Bàdi biitabuuja Dìyi. Pàudi ànu mushààle mu Dìyi, bàdi bàDìitabuuja.

<sup>271</sup> Kadi pàdiDi ànu dibengangana kakesè, nànsha Nzambi muDìjaadike mùshindù kaayi ne cìdìbo biitabuuja, bàdi bàmba ne: “Èè, mèmè—mèmè—mèmè ncyèna mumanye *Aci* to.” Ki mwena bupidyà nyèyè awu’s.

<sup>272</sup> Anyi udi ulonda ànu bwà kumòna too ne pawàpetà pà kulambakeena wamba ne: “Uh-huh, dyàleelù tudi panshi anyi tudi pa kazubu!” Yudààsà wa útwa muntu kampànda keelà paanyimà, mwàkenzàye amu. “Mvwa mumanyè ne cìvwa mwà kupàtukila patòòke, nànsha ku tootooto nànsha ku ndaandaanda. Dyàleelù ambàayi kàbìdi’s!” Ki mwena kwitabuuja wa budìngibudìngi nyèyè awu. Katùpà ne katùpà kààci kònsò, tudi tukamòna mu Bible.

<sup>273</sup> Mwànà mukese wa balùme musangu kampànda, mu Kentucky emu, mukolèle ku mikùnà kwàka, yèyè—yèyè kàvwakù mwànji kufika mwaba ùvwà lumwènu lwà kudimwenenamu nànsha. Bàvwa ne kapese kakesè kalamika kuulu kwà mucì, kàdi kacya kàvwakù mwanji kudimònakù yèyè mwine to. Kulwayè muneemu mu Louisville emu, mwàkalondabu, kushààlayè kwà mamwèndè mwakùnyì. Nèku ùvwà musòmbèle mu umwe wa ku nzùbu milenga ya dikema, nzùbu wa cyena kale. Pààkabwelabò mu umwe wa ku—ku nzùbu yà bulààlu uvwa ne—ne ciibi cìvwà ne lumwènu kuulu kwàci kwônsò aku, kuulu too ne kwinshì kwà ciibi aci. Nwamònu anyi?

274 Nènku pààkabanga kalùmýànà aku kwenda kunyemakana mu nzùbu amu, kwanji kwimanaku. Johnny mwànà mutekète awu kumònyè Johnny mwànà mutekète. Nwamònu anyi? Nènku kudikoonyaye mu mutù, ne Johnny mwànà mutekète wa mu lumwènu kudikoonyaye mu mutù. Kusekaye, ne Johnny mwànà mutekète wa mu lumwènu awu amu kusekayè. Kutùpikayè kuya muulu kupweka panshì, ne Johnny mwànà mutekète awu kutupikayè kuya muulu kupweka panshì mu lumwènu amu's. Nwamònu anyi? Kuseemenaye pabwipi menemene. Kwelaye meeji ne ùvwa mmwànà mutekète wa balùme uvwayè mwà kunaya nèndè, ki kuseemenaye. Dyàkamwe, kutwaye munu mu lumwènu amu. Kukudimukaye, ne baledi bèndè bàvwa munkaci mwà kumutangila. Kwambaye ne: "Maman, wàwa s'mmémè."

275 Mpindyewu udi utangila mu *Eci*, kàdi wèwè udi nganyi? Uh-huh. Uh-huh. Nganyi wa ku tu-Johnnys twànà tutekète *etu* údi utentula? Nganyi udi wèwè, nudi numòna anyi? Udi umwe wabò.

276 Awu's ngumwe wabò, umwe udi mwà kukùdimuka, kalema kakesè kàà kumpàla kawùdi mupete, kawùdi mubikile ne nkalema aku. Nwamònu anyi?

277 Ukàteete ne Dìyì kàdi umòne ní ncyà bushùwà, pìikalabi ne Dìyì didi dijaadika bintu byònsò. Nwamònu's, ùjaadika bintu byònsò ku Dìyì. Yesù ngwákamba ne enzàyi nàнку. Èyowà's, mukalenge. "Shààlaayi bakwàte bikolè ku cidì cìmpè." Ki cyàkambàYe menemene ncyòci aci.

278 Mpindyewu tàngilà mu lumwènu lwà Dìyì dyà Nzambì, mu bikondo bikwàbò, nènku tàngilà ne mmu kasumbu kaayi kàà ku tusumbu *etu* kawùdi mufwànyine kumanyikilamu. Mpindyewu anji elàbi ànu meeji, bu ne uvwa ne mwoyi mu matùkù à Noa, bu ne uvwa ne mwoyi mu matùkù à Mòsà, bu ne uvwa ne mwoyi mu matùkù à Yesù, anyi umwe wa kudìbo, nànsha ciikàle cinyi, anji elàbi ànu meeji bwà kasumbu kaayi kawùdi mufwànyine kufwanyikijibwa naaku aku. Elanganààyibi meeji pa bwalu abu dilòlò edi.

279 Dìbà adi, ngiikadilu webè wa mpindyewu. Mpindyewu, anji elabi meeji tung mpindyewu. Eci ncyà ndòndò mule mpindyewu. Kadi kùcìdyatakàji to. Ngiikadilu webè wa mpindyewu ke udi ukujaadikila ne mmu kasumbu kaayi múvwa mufwànyine kusanganyiibwa kale wàwa. Mpindyewu, nudi banzuji bàà cilumbù cyènu nwènu biine, ke cidì cijaadika cinùdi.

280 Révérend, mwambi, uvwa mufwànyine kusanganyiibwa ne kasumbu kaayi pàkambà Yesù dìyì dikolè boo bwà kudiitabuuja apu? Cinyi? Cinyi? Paanyimà pàà Yèyè mumane kumanyishiibwa mu byònsò ne Yèyè uvwa Dìyì, nwamònu's, kadi pààbì, dìyì adi, kacya kanùtukù banji kuumvwa cintu nànsha cìmwè bu nàнку to, "Mwànà wa muntu, cinwènzà ncinyi bu Yèyè mwà kubànda mu Dyulu mudiYe mufùme?"

281 Ki wêwè kwamba ne: “Èè, mèmè’s ndi mumanye kùdìYe mulediibwè. Ndi mumanyè papa Wendè, ndi mumanyè maman Wendè, kadi’s ki Yèyè ewu wamba ne Neàbande kuulu kùdìYe mufùme.” Aci’s ncifwànyine kunùpicila ndambu, kî mmwômò anyi, mukalenge? Uh-huh. Eci civwa mwà kwikala cinùpicile ndambu; kanùvwa mwà kwikala baCìpwekeshe ne mala to. Mínga misangu ncintu cìmwècimwè eci leelù ewu. Dìbà adi tàngilààyì mu lumwènù lwà Dìyì dyà Nzambi kàdi numòne panùdì biimanyine. Kaa, museeswishi wa bantu, kwenji aci nànsha.

282 Tàngilà, udi mu kàmwè kàà ku tusùmbu etu. Mu ngiikadilu webè wa mpindyewu ànu pàtùdì twakula apa, ngiikadilu wa mpindyewu wa meeji, wa, wêwè udi kaaba aka mu batèeleji bàdi bamwèka ne mèsù aba, ne wêwè wíkala mu batèeleji bàdi kabàyi bamwènèka bàà mukàbà wà mēyì ewu, Ngiikadilu webè wa meeji mpindyewu paanyimà pàà wêwè mumanè kuteeleja mukàbà wà mēyì ewu, ke udi ukujaadikila kasùmbu kaùdì usanganyiiwamu. Udi ùkwambila ànu menemene mwaba wùdì, ní udi mwena kwitabuuja mu Dìyì ne neùshaale naaDi, ní uvwa mufwànyine kupatuka kuya, anyi kukànga mukàbà wà mēyì awu. Hmm? Aci ncidi cyàmba byùdì mwenze. Kwèna muswe kuWùtèeleja to, kadi kuWùkanga, kwamba ne: “Ncyèna muswe kuteeleja Aci to,” awu, awu ke mwena bupidyà awu’s. Nwamònu’s, kùyi wimanyika bwà kuciteeta ne kumòna ní Cidi Bulelèlà anyi to. Nwamònu anyi? Anyì kushààla ànu kacya walamata uteeta ànu mwà kupeta cilema kampànda cìdì ku Dyòdì, dìbà adi udi umanya kaaba kaùdì usanganyiiwba, wêwè pèèbè. Cìdi cikwambila.

283 Nzambi àtùkwacisheku bwà kuCìitabuuja ne kwimanyinaPù, ne kwikala ne lulamatu ku Dyòdì, ne kutumikila Dìyì, bwalu Yèyè ùdì Dìyì. Nudi nwitabuuja aci anyi?

Twanjààyì, twanjààyì kusambila.

284 Taatù wa mu Dyulu munanga, mùshindù mene ùdibi bikolè’s, misangu ne misangu, bwà kwamba maalu aa, ne mumanye ne pàmwàpa binunu makumi byà bantu nebàtèelejè cyòcì eci pa mukàbà wà mēyì, pàdìyi yènda yìtambakana mu ditùnga ne yènda yìnyùnguluka pa buloba bujimà. Kadi, Mukalenge Munanga, ncilelèlà, ncilelèlà menemene. Ndi ndomba, Mukalenge, dyàmbedi kezulaku mwoyi wanyì. Èyì Mukalenge, ùnteetèku, ùmpimèku.

285 Inyikaku mèsù èbè panshi ùntàngile, Mukalenge. Ndi ne butekètè. Ndi—ndi—ndi...Ndi—ndi mucyòke. Ndi—ndi muzengele. Muminu wànyì mmupate. Yànyì—yànyì—mishiku yànyì—mmi—mmi—mmi—mmingùme, kàbidì. Ne, ne mubidi wànyì mmupòyòyònge, ndi ngènda nkulakaja. Nènku—nènku kacya kwikalaku kàbidì misangu mipitepìte búngì



to, Mukalenge, pàmwāpa, dinyùnguluka dyàbùngì dyà díbà, too—too ne mungìikala—too ne mungìikala ngèndà nya.

<sup>286</sup> Nènku mpindyewu nkenkètèku, mpindyewu, Taatù. Nènku kwòkò—kwòkò cintu kampànda cìndi ngenza cibi, kàdi nciyi mucimanye to, Wèwè—Wèwè ucimbuulwile ànu cyanaàna, Mukalenge. Wèwè—Wèwè ùndêjè. Ndi—ndi mudilongolole mpindyewu bwà kucyènza bîmpè.

<sup>287</sup> Ndi nditangila mèmè mwine mwaba awu mu lumwènu lwà Dìyì dyà Nzambì. Ndi mwimane penyi? Ndi mmòna cimfwànyì cyànyì cileeja Yesù Kilistò anyi? Ki muntu ùndì mmòna mu lumwènu awu anyi? Ndi mmòna umwe wa ku beena kwitabuuja bàà mu Dipungila Dikulukulu, anyi beena kwitabuuja bàà mu Dipungila Dipyadìpyà anyi? Ndi mmòna mwena kwitabuuja wa budìngìbudìngì anyi? Ndi ndimòna mèmè mwine bu mwena bupidyà udi kàyi mufwànyine kwimana bwà kutèeleja Dìyì to, ne mufwànyine kwangata lungenyi lwà cyena dìngumba pamutù pààDì anyi? Ndiku mudimòne mèmè mwine ngenda njèmbèlela, nteeta bwà kupeta katàmbà kàà kwapuka naaku anyi?

<sup>288</sup> Mukalenge, byòbì biikale nàнку, nkezule ànu—ànu's, Mukalenge. Enzaku bwà mwoyi wànyì wikaleku mukezuke ne mutòòke. Bwalu, eci mmwoyi wànyì, Mukalenge, ndi... Cìdi, ndi muswe bwà wikàle mujaalame. Kabyèna ne dikwacìsha bwà kucyènza ànu citùpà nànsha, kòkò mùshindù wa kucyèna kucyènzèlamu. Mèmè, ndi muswe bwà cyòci aci kulongolodiibwaci bîmpè, Taatù. Kaciyi ànu aci nkààyaaci to, kàdi ndi mufwànyine kwikala ndombola balùme mu ntùpàkànyì, ne bakàjì mu ntùpàkànyì, ne bantu bàndì munange, ne bàdì bannange; díbà adi, ndi mufwànyine kwikala mutùpàkane.

<sup>289</sup> Nènku, Taatù, kwòkò kwikale cintu kampànda, bu mèmè mwà kwikala mwèlè meeji dilòòlò edi ne èkèleeziyà kampànda wa cyena mangumba ùvwa wa cyà bushùwà; anyi ne Nsangilu wa Maèkèleeziyà ùvwa wa cyà bushùwà, bu ne ciibùngì cyà bantu civwa cibìngè; Mukalenge Nzambì, ngambùlwishèku bwà ntambe kwikala muntu mukùmbàne, ne mwena Kilistò mukùmbàne, bwà kwitaba cilèmà cyànyì ne kutumà bantu aba mwaba ùndì ngeela meeji ne mmufwànyine kwikala mujaalàme. Nsukuleku. Anyìshaku ntangile ne mmòne. Kàdi pakaadìbì bikafika ku bintu abi, Mukalenge, bwà ku dyànyì dimòna, biikàle ne mmwenekelu ayi kàdi bàvila Dìyì; udi mwà kubambilaCì, kàdi nànsha nàнку bàmba ne: “Èè, Kacyèna ne cìdici cishintulula to. Cìdi... Nzambì kèna ùCìtekemena mpindyewu to.”

<sup>290</sup> Mukalenge, ndi ngiitabuuja ne Wèwè udi Yesù umwèumwè awu. Wèwè udi Nzambì umweumwe Ùvwa awu. Wèwè ucìdi ànu Nzambì, ne Kwèna ushintuluka to. Mèmè ndi ngiitabuuja ne Bible ewu n'Dìyì Dyèbè, ne ndi ngiitabuuja ne Wèwè ne Dìyì Dyèbè nudi cintu cimwè.

<sup>291</sup> Nènku ndi ndomba, Nzambì, bwà Wèwè kutùpa Nyumà Mwimpè Webè, bwà kufùlùlula Dìyi, bwà kutùpeesha Bukolè bufùlùludi; bwà ne, dīngà ditùkù pīikalà mwoyi mujike, ne Wèwè mujikije neetù, bwà twamòna mwà kufùlùludiibwa ne kubànda mu Dyulu mutùvwà, mu meeji à Nzambì, kumpàla kwà difùkà dyà dyulu ne buloba. Nzambì, enzaku nàнку.

<sup>292</sup> Fwaku mpèkaatù yètù luse, Taatù. Kwòkò balùme anyi bakàji kaaba aka, bàdi biimane mu kasumbu kakwàbò aku, kakàyi kàà beena kwitabuujà balelèlà mu Dìyi, Nzambì, sukulaku myoyi yàbò. Kòkò muntu kanà yònsò ewu munkaci mwà kùteeleja mukàbà wà mèyi ewu, anyi wawùtèeleja, Ndi ndomba bwà disukula dyà mwoyi yàbò, bwà Wèwè kubasukula, Mukalenge. Ncyèna—ncyèna muswè kubàmòna bajimine to. Nzambì, ndi ndomba bwà Wèwè—Wèwè watùkwacishaku bwà twètù kuumvwa ne dipiila dimwè kadyèna—kadyèna mwà kwakaja dipiila dikwàbò nànsha. Kùdi ànu mùshindù umwepelè wà kucyènzà, ngwà kuumusha bilemà byònsò bibìdi mu njila, ne kulengela. Nènku ndi ndomba, Taatù, bwà Wèwè kutwenzelaku cyòci aci, ku Yesù Kilistò Mukalenge wètù.

<sup>293</sup> Ne mitù yètù miinyika, myoyi yètù miinyika, mpindyewu ndi muswè bwà nwènù kwanji kwimana ndambu wa tusunsa.

<sup>294</sup> Panààkamòna cikèèna—kumòna cyà iferno, muciiikale—muciiikale mwànà mukese wa nsongàalùmè, mèmè e kumòna bwòwà bwàci. Dìbà adi, ndi mwà kwikala mutùpàkane mu cyòci eci. Aci ncifwànyine kwikala ànu bwalu bwà dyanjila kuumvwa. Ncifwanyine kwikala nàнку. Ncyèna mumanye to. Mbyenze ànu bu ne mvwa mwaba kampànda. Cìvwa cyà mu bùntù menemene.

Pashiishe, ànu àbìdi àdi panshi aa, pangààkamòna bipaapu byà babèneshiibwe.

<sup>295</sup> Pàmvwà nsanganyiibwa mu bipaapu byà bajimine, mèmè kwela lubila lukolè ne: “Éyi Nzambì wa yààyà, kulekediku muntu ulwa mwab’ewu to!” Wèwè kwèna mwà, kakwèna mwakulu ùdi mwà kukumvwija bintu bìdi byenza bwòwà bidiku to. Kakwèna mùshindù wà mèmè kunwàmbila to. Wèwè mwikale witaabuujà ne kudi iferno wa uteema mudilu, mùle ntèntè ne kapyà ne soufre, aci ncifwànyine kwikala lu—lutenda lutalale lubishi pa kucipàlakaja ne cidì bintu bìdi bikwacisha bwòwà byà mu ngiikadilu wa bajimine amu, ne dikenga dìdi—dìdi disanganyiibwa mu mwine mwaba awu.

<sup>296</sup> Kadi bu mèmè muteete bwà kunwàmbila bintu bìdi bifwànyine kupita cyumvwilu cyà muntu, Ncivwaku ànu mwà kuumvwija mwaba wa babèneshiibwe awu to, wà ditalala dyà njàjàmà’s wè! Kakuyi kufwà nànsha, kakuyi kukulakaja nànsha, kakuyi kusaama nànsha; kwikala misangu yònsò ànu nsongà, kwikala misangu yònsò ànu ne mubidi tumatuma, ne kakuyi kufwà nànsha; Mwoyi wà Cyendèlèlè, mu disànkà

dyà bunsonga, ne kakùyikù mpèkaatù anyi nî ncinyi cikwàbò nànsha! Kaa, kakwèna ànu mùshindù mene wà kumvwi-... kumvwija, kucyùmvwija to.

297 Nànsha Pòlò Munsantu mwine, wàkamba ne: “Bìdi dîsù kadìyi dimòne, bìdi dicì kadìyi dyùmvwè, anyi bitu mene kabìyi byànji kubwela mu mwoyi wà muntu to,” kwèna nànsha mwà kucyùmvwà to; kakwèna mùshindù wa kucyùmvwija to, “cidi Nzambi naaci bwàbù bôbò, mu cibucilu, bàdi baMunange abu’s.”

298 Nènku mpindyewu, bu mùdìbi ne eci ncilelèlà cyà menemene, bônso bàdi kaaba aka ne batèèleji bàdi kabàyi bamwèka, tudi baleejjibwe mu cimfwànyì mwaba ewu, dilòlòlò edi, mu kàmwè kàà ku tusumbu etu. Anyi tudi beena kwitabuuja bashùwashùwàle. . . Uciteete ne Dìyi. Pìikalabi ne Dìyi ndyàmbe cintu kampànda, ne èkèleeziyà mwambe cintu kampànda cyà cishìilàngàne, cyùdi mufwànyine kwangata ncinyi? Tàngilà mu lumwènù lwà Dìyi dyà Nzambi bwà ùmonè ne mmu kasumbu kaayi mùdi mwimanyine. Nènku pawikala kuyi nànkù to, dilòlòlò edi, ne apa ne mu batèèleji bàdi kabàyi bamwèka, pawikala kuyi nànkù to, pawikala kuyi mu musumba wà diitabuuja awu to, ndiku mwà kukusambidilaku ne dîyi dìmwè mpindyewu, bwà wabwelaku mu musumba wà bàdi biitabuuja awu anyi?

299 Nènku nudiku mwà kuleeja cintu cimwècimwè aci, kùdi Nzambi; ne mutù wènù mwinyika, myoyi yènù minyika, mèsù ènù mabwita, ne kumpàla kwà Nzambi? Misangu mikwàbò bantu batu ànu ne bwôwà ndambu, nudi bamanye’s, bwà kwela ànu byanza byàbò muulu, bàciina mwena mutumba naabò. . . Pààbi, kabivwa bikèngela bwà kwikalabo mùshindù awu to, kàdi bivwa bikèngela bwà bôbò—bôbò kwikala ne budiswìlè bwà kushààla biimane kuulu, kwamba ne: “Mèmè, ndi mupiiile. Ndi mupiiile.”

300 “Ewu udi—ewu udi ubwikila mpèkaatù wendè kààkutantaku to, kàdi ewu wàtonda mpèkaatù wendè neáfwidiiibwe luse.” Nwamònu anyi? *Mpèkaatù* ncinyi’s? “Bupidyà,” bupidyà mu (cinyi?) Dìyi.

301 Mpindyewu, pawikala kuyi mu kasumbu aku to, ne kùdi bintu byùdi—byùdi umòna mu Bible ne udi ànu cyanààna. . . mu—mu èbè. . . mu—mu èbè—mu meeji èbè à mu mutù awu, kwèna—kwèna mwà kucimòna to. Udi ànu. . . Udi mumanye ne Bible ngudi mwambe nànkù, kàdi udi ànu. . . Kwèna mwà kucyùmvwà to, kàdi pèèbè muswe kucyùmvwà. Ambà ne: “Nzambi, enzaku bwà mèmè mpetè dyumvwà. NènKutùmikilè.”

302 Udiku mwà kwela cyanza muulu anyi, kwamba ne: “Wamvùlukakù patùdi tusambila apa”? Nzambi àkubènèshè. Nzambi àkubènèshè. Abi’s mbimpè. Nwamònu anyi?

303 Mu bulelèlà menemene anji elààyibi ànu meeji pa bwalu abu: “Kudiku cintu kampànda mu Bible emu cìndi—cìndi ànu—ncìndi ncìyi ànu ncìyi mumanye anyi? Ndi—ndi—ndi—

ndi nciina ne nkwẽpì kùngààdipetà mêmè mwine mu ùmwè wà ku misùmbà mikwàbò ayi. Pàmwápa nènkadipeta ne bàà makumi mwandamutekète abu, bwà ne ndi...Kùdi ànu bintu kampànda bìndì...Mbinkolèle mêmè bwà kuumvwa mùvwà—mùvwà Nzambi mwà kwenza bintu ebi, mùshindù ùvwàYe mwà kwikala, mùshindù ùvwà Yesù mwà kwikala umwèumwè awu, mùshindù—mùshindù ùdi bintu ebi's. Mêmè—mêmè ncyèna nCyùm vwa to. Ndi muswè kuCyùm vwa. Ndi—ndi muswe kuCìitabuuja. Nènku, Nzambi, nkwachishaaku bwà bupidyà bwànyì. Ndi—ndi muswè kwikala citùpà cyàDì. Ndi muswè kwikala mwabanyanganyi wa Dìyì. Ndi muDiswè munda mwànyì.”

<sup>304</sup> “Nwènù bashààle munda Mwànyì, ne Dìyì Dyànyì dishààle munda mwènù, díbà adi nùlombè cinwàswà aci.” Yone Munsantu 15. Tudi bàmanyè ne aci ncilelèlè. Tàngilàayi ne: “Nwènù bashààle,” kanuyi nwàbwela nwàpàtuka, nwàbwela nwàpàtukau to, kadi, “nwènù bashààle munda Mwànyì,” ne Yèyè ùdi Dìyì, “ne Dyòdi dishààle munda mwènù, díbà adi lombaayi ànu cinùdi baswè ne necinùpèèbwe. Nenùcipetè.”

<sup>305</sup> “Ewu udi wàkidila Méyì Àànyì, ne witabuuja Ewu wàkantùma Mêmè, ùkaadi muumuke ku lufù muyè ku Mwoyi.” Kadi udiku mwà kwakidila Dìyì, dyàmbedi anyi? Udiku mwà kwakidila Dìyì, Dìyì dyònsò, Kilistò yònsò anyi? Kilistò n'Dìyì dilaaba. Yèyè ùdi Dìyì, dilaaba.

<sup>306</sup> *Kilistò* mbwena kwamba ne “Mulaaba maanyì,” Dìyì dilaaba bwà ditùkù adi, dimwènèshìibwe, Musùngidi, Mupikudi. Apu mpavwàYe ne cyà kulwa, ne Yèyè nguvwa Muntu mulaaba maanyì awu bwà kwangataye kaaba aku.

<sup>307</sup> Mpindyewu n'Nyumà Mwîmpè mu matùkù à ndekeelu, bwà kukenkesha Makênkè à ibaamulòòlò, dyalujulula dyà Diitabuuja [Katùpà kàà mukàbà wà mèyì munda mutupù—Muf.] didi didiyatakaja ku makàsà, kupicila ku màngumba; upiisha màngumba ne walukila ku Diitabuuja dyà ku cibangidilu, mwikale ne Diitabuuja dyà ku cibangidilu dyà mu Bible; Bible wa ku cibangidilu, mwikale witabuuja Dìyì Dyèndè dyònsò, kàyi ùsakidilaku ne uMufikisha ku dyamba *cikampànda* ne kwamba *cikansanga* to. ÛCyàmba ànu mùdici cyambiibwè, ne bùdi naabu mbwà kuciitabuuja mùshindù awu.

<sup>308</sup> Kudiku muntu udi kacya kayi mwele byanza byèndè muulu, udi muswè kwela byanza byèndè muulu, wàmba ne: “Nzambi ùmwùlukeku” anyi?

<sup>309</sup> Nzambi àkubènèshè, inǎbànzà. Nzambi àkubènèshè, nsongààkàjì. Nzambi àkubènèshè, wèwè. Bîmpè be. Nzambi àkubènèshè, wèwè mwànà mukese wa balùme. Nzambi àkubènèshè, mwanèètù wa bakàjì. “Ndi Nèndè dijinga. Ndi...” Nzambi aàkubènèshè, mwanèètù wa bakàjì, lwà ku dyàbalùme dyànyì eku. Ne àkubènèshè, lwà mundekeelu mwàmwa. “Ndi

muswè . . .” Nènkù Nzambi àkubènèshè, wèwè nsongààlùmè. Ne wèwè, mwanèètù wa bakàjì, lwà mwaba ewu. Wèwè, mwanèètù wa balùme, lusekè lukwàbò elu, Mukalenge àkubènèshè. Nzambi àkubènèshè, lwà mundekeelu mwàmwa. “Umvùlukeku ànu cyanààna, Mukalenge.”

<sup>310</sup> Mpindyewu vùlukààyi, cyanza cyèbè aci kî ncyela kùndi mèmè to; nkùdiYe. Ànu lwà paanyimà pàànyi menemene apa, mpindyewu, Mukalenge mmumòne cyanza cyèbè aci’s. Nànsha mèmè mupange kucimòna, Yèyè mmucimònè. Yèyè mmumanyè mwoyi wèbè. Yèyè mmumanyè cidi citùtukamù. Yèyè mmumanyè kiipacila kèèbè. Yèyè mmumanyè cidi cikusaka ku kiipacila aku. Nzambi àkubènèshè, mwanèètù wa balùme.

<sup>311</sup> Muntu mukwàbò ne: “Ndi muswè kwitabuuja Dîyi dyònsò.” Nzambi àkubènèshè. Èyo. Nzambi àkubènèshè. “Ngambùlwishèku, Mukalenge, ngambùlwishèku.” Mukalenge mmumòne byanza byènù. Èyowà’s, mukalenge. Ki cyòci aci. “Kùdi bintu bìndi—bìndi nciyi mwà kuumvwa to. Ncyèna—ncyèna muswè kwikala mwena bupidyà to. Nànsha mèmè nciyi mbyùmvwà to, ndi muswè kuciitabuuja, nànsha byà munyi. Ndi mudilongolole bwà kwamba ne: ‘Mukalenge Nzambi, ki mèmè ewu. Ndi muswè kwitabuuja. Nkwacisheku bwà bupidyà bwànyi, Mukalenge.’” Nzambi ikalè neenù. Nzambi ànùbènèshè. Byanza byàbùngì, byàbùngì menemene mbyòbi ebi byela muulu, ne bicidi ànu bibanda muulu.

<sup>312</sup> Wèwè udi wamba ne: “Mwanèètù Branham, aci cidi cikwacisha anyi?” Elàku cyanza cyèbè muulu musangu ùmwè, mwikale ne kiipacila kàà cyà bushùwà, kimpè, kàdi ujandule mùdi udyùmvwa.

<sup>313</sup> Wàmanyi kufila bujaadiki ne kùdi kaacintu kampànda mu nsòmbelu webè amu, udi mumanye’s. Kudi kantu kakesè kampànda, kawùdi kùyi muswè bwà kiikalemu to, kàdi kadimu, nànsha nanku. S’udi udikonka ne mmunyi muvwabi mwà kwenzeka. “Nènkù, Mukalenge, kwitabikù bwà mèmè kwikala Yudaàsà nànsha. Kwitabikù bwà mèmè kulonda ntàntà mu—mu Mukenji, ànu pampwàpa nteeta bwà kwela meeji ne dikwàbò ditùkù kalèma kampànda kàà kakesè nekàpatukile patòoke nànsha. Èyi Nzambi wa yààya, byànyiila kule. Swàku nshàlè ànu ne Dîyi Dyèbè. Nwamònu anyi? Anyi pampwàpa ndi mufwànyine kwikala ànu mwena bupidyà udi wela ànu meeji ne: ‘Èè, piikalabi—piikalabi ne. . . èè, kàdi mbwà cinyi bakwàbò bònsò kabèèna bàmba nànkù’s?’ Nwamònu anyi? Anyi, ncyèna—ncyèna muswè kwikala nànkù to. Ndi muswè kwikala mwena kwitabuuja. Ndi muciswe. Ndi mmòna Dîyi dyà Nzambi dyà dîbà edi. Ndi mmòna Nzambi mu Dyòdi adi. Nènkù, Mukalenge, mvwijeku citùpà cyà Dîyi adi. Mvwjeku citùpà cyàDì. Ndi muswè kwikala citùpà cyàDì.” Mukalenge ànùbènèshè.

<sup>314</sup> Mpindyewu tusambilàayi. Nènkù muntu yònsò, sambila

bwà—bwèbè wèwè mwine, nènku mèmè nènnùsambidilè. Nuvwaku bamanyè ne, dǐngà ditùkù netwikalè mwà... katwàkwikala badisangishe kaaba aka to, pàmwàpa, bwà katancì. Bàmwè bàà kutùdì nebiikalè bangàciibwe, ne katwàkwikala badisange pàmwè nànsha. Kudi bààbúngì bàà kutùdì kaaba aka, bàdi ne, bàmwè bàà kutùdì bàdi bènda bakulakaja. Bàmwè bàà kutùdì, katwèna bamanyè to. Nànsha mene bânà batekète bàdi bàfwa. Tudi tufwà ne bidimu búngì kanà bònso. Bikèngela tutapuludiibwe, ne bikèngela bwà cintu eci kujikijiibwaci. Nènku kwèna ànu mwà kafikaku ku mpùùkàpùùkà to, bìdi bikèngela ulwe paùcìdì ne meeji èbè majaaname mu òwò apu.

315 Wèwè udi wamba ne: “Èè, kumpàla menemene kwà mèmè kufwà, bu mèmè mwà kuCimòna.” To, kwenjiku nànkù to. Udi mufwànyine kwikala kuyi mene mu meeji èbè majaaname mu òwò pa dǐbà adi to. Udi mufwànyine kushipiibwa kumpàla kwà wèwè kwalukila kumbelu, mu njìwù. Udi mufwànyine kufwa ku disaamà dyà mwoyi wìmana. Katwèna bamanye ciikalà mwà kwenzeka to; ànu Nzambì ngudi mucilame. Ndi ntèkemena ne kwàkufwa nànkù to.

316 Ndi mmòna bantu, nànsha too ne pambelu, babàndishe byanza byàbò mu dididiishi. Nwamònu anyi? Èyowà, Nzambì àbèneshè.

317 “Ndi—ndi muswè—ndi muswè kwikala mujaalame. Ndi—ndi—ndi muswe kwikala mujaalame.” Nènku mpindyewu tucyènzàayi mu mùshindù mujaalame, mpindyewu, ànu mpindyewu mene. Ànu, udi mwà kukosa bwalu abu musangu ùmwè; bu ne kuumukila panshi pàà mwoyi wèbè, bu wèwè mwà kwamba ne meeji matòòke ònsò ne: “Mukalenge Yèsù, cintu nànsha ciikàle cinyi, anyi cidi ní nganyi mukwàbò wamba ciikàle cinyi, Dìyì Dyèbè nedìikale dyàkumpàla mu nsòmbelu wanyì. Ndi nDijinga mu nsòmbelu wanyì. Wèwè udi Dìyì. Bible mwámbe nànkù, ne ndi ngiitabuujà ne Bible n’Dìyì dyà Nzambì. Ne mèmè ndi mumanye ne twitabàayi ne méyì maswika, bìvwà bifunyikaMù abi, mbidyenze musumbà wà beena lubombo. Mukalenge, nsukùlaku ku bintu byà mùshindù awu, ne swàku ngiikaleku mèmè yònsò ànu Wèbè. Nyewu mbàndisha byanza byànyì kuulu kùdi Wèwè. Nyewu mbàndisha mwoyi wànyì kùdi Wèwè, dǐyì dyànyì kùdi Wèwè, disambila dyànyì kùdi Wèwè. Nzambì, ikalaku naanyì luse.”

318 Ne byanza byànyì pààbì, mbyèbi byela muulu, Mukalenge. Nsukùlaku, Éyì Mukalenge, ku bupidyà bwònsò.

319 Nànsha bu Yèyè kayi mwà kumpà Bu—Bukolè bwà kwenda bu Ènoka ne kabìyi bikèngela bwà kufwà to, kàdi kwenda ànu lwendu lwà mu mapingaja ne kuya Nendè Kumbelu; kàdi, Nzambì, ndi ngiitabuujà ne necyènzekè, bwalu ndi mumanye ne

kùdì ne cyà kwikala Dyambwibwa mu ditùkù dyà ndekeelu, ne mudimu ngwà kukòsòloja.

<sup>320</sup> Nènku, Taatù, ki mùdì kàbìdì kabala-matùkù kèètù kàmba, bidimu makumi asatu ne bisambòmbò bikwàbò ne mudimu newikalè mujikè, ne nebikengele bwà Wèwè kulwa musangu kampànda mu byòbì abi bwà cyanààna kakwàkwikalaku mubidi nànsha ùmwè musungìdiibwe to. Ne pashiishe mbatwambile, kùdì balondolodi bàà maalu à munda mwà bikondo ne—ne bantu bàdì bàkebululà bintu byà mùshindù awu, ne kakùyì mpatà to tukààdì badyànjidile bidimu byàbùngì, byàbùngì menemene kupita ku byòbì abi, bidimu byàbùngì bikaadi bipite; mbàtwambila, ku tubala-matùkù ne, tudì kule menemene ne cyòcì aci; pàmwàpa nkushààle bidimu ànu dikumi ne bitaanu anyì makumi àbìdì cyanààna. Ncyèna mumanye to, Taatù. Kàdì ndi mumanyè ne, nànsha mene bilondeshile kabala-matùkù kèètù, tukaadi bafike pépi ne kòkò aku.

<sup>321</sup> Ndi mmòna mwaba udi ditekemena nànsha dimwe kadiyi mwà kwikala dishààle to, Mukalenge. Kulwalwa... Bòbò ànu badidinge babange kwelangana mabòmbes awu muntu ne mukwèndè, Mukalenge, kakwà—kakwà—kakwàkwikala mwalu wà mvità nànsha. Bòbò, nebàbutulangane muntu ne mukwèndè. Nènku, Mukalenge, mbilembèlèle kuntwaku, kadi nànsha nàнку Bible udi wamba ne maulu ònsò ne buloba nebikwate kapyà. Nzambì, ndi mmòna cikondo cyènda cimweneka.

<sup>322</sup> Ndi ngeela meeji ku dishebeya dyà Mfùmù wa ditùngà, ne pashiishe mmòna muntu mukwàbò mubì awu ubwela, kayì ulekela muntu awu ulumbulwishiibwa to, kàdì ùmwasa ùmutònkwela panshi, dishipa dyà ku bukole. Éyì Nzambì wa yààyà, ewu's mmupìile ànu mùdì mukwàbò awu amu's. Kabèèna ne bukenji bwà kwenza aci to. Bubi mu ditùngà dyètù twètù biine, pààdì ne nditùngà dyà beena Kilistò, cileejilu cikhwàte ne byà luse kaayi citùdì eci, Mukalenge, cyà beena Kilistò. Utufwileku luse, Mukalenge, ku mpèkaatù yètù.

<sup>323</sup> Tukwacisheku, Éyì Nzambì wa yààyà, nangananga Èkèleeziyà Wèbè, aba bàdì babàtìijìibwe mu Mubidi musokome wà Kilistò abu's. Mwine awu, "Nyumà ngudi ufulùlula," muWàkàmba. Nènku ànu mùvwà Mwànà wa muntu mubànde amu, ki mwàbàndà kàbìdì Mubidi Wèndè. Ne Yéyè ki Mutù; Èkèleeziyà Wèndè ki Mubidi. Éyì Nzambì wa yààyà, Mutù ngùdì ulombola Mubidi. Anyishaku bwà Bulombodi bwà Dìyì bülombole Mubidi wa Kilistò. Nènku swaku bwà mèmè kwikala citùpà cyà Mubidi awu's, Mukalenge.

<sup>324</sup> Ndi ndomba bwà aba bàdì beele byanza byàbò muulu, ne bònsò badipu ne biikala mwà kulondela pa mikàbà yà mèyì. Mukalenge Nzambì, ndi ndomba ne meeji matòòke ònsò. Babwejaku, Mukalenge. Wèwè tàngila myoyi yàbò. Udi mumanye cidibo. Kadi, mèmè bu musadidi Wèbè, ndi—ndi

ngakwila cisàmbà eci, Mukalenge. Ndi—ndi mubànage. Ndi mubànage.

<sup>325</sup> Nènku ndi—ndi—ndi anu nteeta bwà kwenza cyôci eci bwalu ndi ndyumvwa ne mudimu Wèbè muntuma naawu udi ukengela bwà mêmè kucyènza. Pa nàнку, Taatù, ki mêmè ewu, ngenza mwànyì pàànyì mwònsò mûndì mwà kwenza ne... Mfwilèku luse ku bilèmà byànyì byà mu butekète, Mukalenge. Ndi ndomba bwà Wèwè—Wèwè kumpa dikàndà, bwà ngaamòna mwà kutamba kucitòòkeshilaku bantu.

<sup>326</sup> Mpindyewu ikalaku neetù mu tabernacle emu, dilòlò edi. Pwekèshaku mèsù pa aba, Mukalenge, bàdi beele byanza byàbò muulu mu tabernacle emu bàba. Nkenkètèku, Èyì Mukalenge, nènku unteeteku. Ne kwòkò bwalu bubì mu mêmè emu, nsukuleku, Taatù. Enzaku nàнку. Sukùlaku èkèleeziyà ewu.

<sup>327</sup> Tùsùkulaku twètù bònsò, Mukalenge, bwa Dìyì divwijibwe mubidi munkaci mwètù ne dimanyishibwe kudi bàà pa buloba mu ditùkù edi. Enzaku nàнку, Taatù. Bwalu, ndi ndambula cyôci eci, ne mêmè mwine, pàmwè ne cyena-bwalu eci, ne batèeleji aba, ne Dìyì Dyèbè ne mulayi Wèbè, bwà lupàndù lwà misùukà yètù, mu Dìnà dyà Yesù Kilistò. Enzaku nàнку, Mukalenge.

<sup>328</sup> Swaku bwà Bukolè bwà Nzambì bulwe pambidi pèètù ne bütülaabe, kubangila ànu ku mpaasàtà too ne ku mulami wa ku ntempelu, ne muntu yònsò udi kaaba aka awu. Swaku bwà Nyumà Mwimpè alwe kwangata kaaba Kèndè munda mwà mwoyi wètù, ne kwangata mulayi wònsò wà Nzambì ne kutubuulwila ne Dìyì Dyèbè m'Bulelèlà. Mu Dìnà dyà Yesù mmûndì ndomba emu.

<sup>329</sup> Nènku patùcidì ne mitù yètù miinyika apa. “Ndi mwà...” Ndi muswè ànu bwà mwimbi wa cisanji cyà orgue, bu yèyè mwà kuswà, bwà kutupèeshaku cyona cyà musambu ewu, “Ndi mwà kuumvwa Musungidi wànyì ubiikila. KwandombolaYe aku ke kùngàalondà.” *KwandombolaYe Aku Mêmè Nèndondè.*

. . .Musungidi wanyì ubiikila, (Yèyè ùdi cinyi?  
Dìyì.)

Ndi mwà kuumvwa Musungidi wanyì ubiikila,  
Ndi mwà kuumvwa Musungidi wanyì. . .

Mpindyewu bènga mèyì èbè maswika awu ne bikwàbò.

Angata nkuruse webè ulonde. . .

<sup>330</sup> “Ewu wàbenga kwambula nkuruse wendè ne kuNdonda Mêmè, Dìyì, kí mmukumbanyine kwikalala muyiidi Wanyì to.”

KwalombolaYe. . .(Alukilaayi ku Bible, ki  
kwàkulombolaYe). . .nèndondè,  
KwandombolaYe aku mêmè nèndondè,  
KwandombolaYe aku mêmè nèndondè,  
Nèngiikalè. . .(Byòbi ne nku ciinà cyà mâyì,  
mu Dìnà Dyèndè, byòbi ne nku cyoshelu,



bwà kutùùkakana ne bundu bwànyì!)...  
njila mujimà.

<sup>331</sup> [Mwanèètù Branham udi wimbila mu matama  
*KwandombolàYe Aku Mêmè Nêndondè—Muf.*]

... Yèyè ku dilumbulwishiibwa, (Ki cyôci aci,  
mpindyewu mene.)  
Nêngiikalè... .

<sup>332</sup> Udi ku luseke kaayi wêwè? Ncinyi cyûdi umòna mu  
cimfwànyì cyèbè mu Bible, mu lumwènù lwà Nzambì  
lwà kuditangidila, pìikalabi ne ndi munkaci mwà  
kulumbulwishiibwa mpindyewu kùdi Dîyi?


Nênye ne... .

<sup>333</sup> “Nênye ne Dîyi, nànsha bindòmbe cinyi. Ndi mpicila  
mu dilumbulwishibwa dyà Nzambì. Byôbi bìkèngela bwà  
mêmè kwangata ùmwè wà ku myaba ayi, mvwijeku mwena  
kwitabuuja, ànu mu Dîyi dyônsò.”

... Nendè, Nendè njila mujimà.

Bwalu kwandombolaYe aku mêmè... .

<sup>334</sup> Mpindyewu elànganaayi meeji pa bwalu abu, ne ntema yônsò  
mpindyewu.

... kwandombolàYè... 

63-1124E Mishindù Yisàtù Yà Beena Kwitabuuja  
Branham Tabernacle  
Jeffersonville, Indiana États-Unis

CILUBA

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwê anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilsto. Mukanda ewu kawenaku mwa kusumbishiibwa, kuvudijjiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)